




深  
 州  
 風  
 土  
 記  
 歙  
 朱  
 穎  
 署  
 檢

ル 5  
 496  
 2









居  
號 496  
卷 2



歷代官制

自古設官分職改更者數矣方州數百里閱歲二千官大小不可勝數昔有而今無者比比也雖史文闕畧姓氏無可考見然使後進之士不知古有是官庸非陋乎今綴輯官制有其官而佚其人者什居四五然不敢畧也自班氏以諸侯王列土食采載在百官表後世爵邑多非實封然皆官秩之事類也故并入焉

太守 後書桓帝紀延熹元年六月丙戌分中山置博陵郡章懷注博陵郡故城在今瀛州博野也後徙安平續志郡縣增損在安順以後者不錄故無博陵郡博陵者桓帝

吳世倫

氏寄贈

明治

年

月

日



父孝崇陵也陵置園令丞見河間孝王開傳今不載園令丞者據章懷注博陵在瀛州博野縣西則園令丞不在此州也

漢博陵太守可考者二人孔彪字元上孔子十九世孫時郡饑僅多草竊劉島張丙等白日攻剽坐家不命彪下車拊馬獨告醜類已

彈道不拾遺見隸釋彪碑令狐禹字巨先見唐書宰相世系表

郡丞 漢書百官表郡守秩二千石有丞秩六百石後漢

制同博陵置郡則有丞矣

都尉 漢書地理志安平都尉治都尉初名郡尉景帝中

二年更名都尉掌佐守典武職甲卒秩比二千石光武建

武六年省諸郡都尉并職太守治安平者涿郡都尉也

尉丞 漢書百官表郡尉有丞秩比六百石都尉治安平

尉丞當同治

縣令長 丞 尉 百官表縣万户以上為令減万户為

長漢世州境諸縣則未知其孰為令孰為長也令秩千石

至六百石長秩五百石至三百石皆有丞尉秩四百石至

二百石是為長吏百石以下有斗食佐史之秩是為少吏

後漢尉大縣二人小縣一人此州諸縣又未知其孰二尉

孰一尉也

郡諸曹掾 功曹吏主選署功勞五官掾署功曹及諸曹事五部督郵曹掾監屬縣

正門亭長 記室史主錄記書惟期會無令史書佐閣下及諸曹皆有幹主文書主簿通典汝南太守王常掾



吏教曰匡政理務拾遺補闕任  
主簿應嗣又王允為郡主簿  
**倉曹史** 通典主倉庫  
**戶曹史** 通典主民戶  
**決曹史** 通典周燕

為郡決曹掾黃  
昌為郡決曹史  
**賊曹史** 通典主刑法  
**文學掾** 通典鄭崇為郡文學郡禹對光武曰臣少學問可郡文學  
**部郡國**

**從事** 通典每郡國各一人主督促文書舉非法喬玄乞為部郡從事  
**典郡書佐** 通典每郡國各一人主一郡文書以郡吏補歲滿更  
**以上**

二掾州佐也縣諸曹掾畧如郡員其五官為廷掾監鄉五

部春夏為勸農掾秋冬為制度掾多以本郡人為之

博陵郡五官掾七人 **劉麟** 字幼公安平人 **王瑤** 字顯祖安平人 **孟循** 字敬節安平人 **史**

應 字子聲高陽人 **程祺** 字伯交南潏澤人 **程祚** 字元祐南潏澤人 **劉機** 安國人以上并見隸釋孔彪碑陰洪氏云皆博陵之人也

鄉亭之制 **三老** 掌教化 **孝弟力田** 通典無 **外史** 閭師 通典年帝置外史閭師官

有秩 風俗通有秩者言其官裁有秩耳通典後漢有秩郡所署秩百石 **嗇夫** 風俗通嗇者省也夫賦也續志嗇夫職聽訟收賦稅也 **游徼** 巡禁盜賊

鄉佐 通典屬鄉主民收賦稅 **亭長** 通典十里一亭五里一郵里魁 掌督察盜賊善惡以管管 **什主** 掌家伍

**主** 掌五家 **自郡丞尉縣令長** 在兩漢世州諸縣皆無姓氏可考

**王國相** 後書劉珪建安十八年自趙徙封博陵王二十

五年降為侯是漢季博陵為國通典謂晉為博陵國者未

深考也漢懲七國之禍諸侯王不得治民令內史治之成

帝綏和元年大司空何武奏罷內史相如太守中尉如都

尉然國相理民不自罷內史始也漢初曹參相齊齊國安

集石慶為齊相齊國大治為立石相社是相如郡太守久

矣博陵為國則太守改為國相也

侯國相 續志國置相一人其秩各如本縣主治民如令

長不臣也但納租于侯以戶數為限通典侯國相以所食



國令長爲之侯食邑除租每戶一歲更輸錢二百也

漢博陵王一人

劉珪

趙王敖子建安十八年自趙徙封博陵見趙孝王良傳

侯國 史記趙世家悼襄王六年封長安君以饒張守節謂卽饒陽此爲州地分封之始其後漢高帝封樂毅後樂叔于樂鄉漢封邑於是始見前書列侯所食邑曰國後書功大者食縣小者食鄉亭得臣其所食吏民則漢世侯國皆實封武帝以後乃止衣食租稅耳樂叔之封不見于史漢二表地理志以樂鄉爲侯國則樂叔故爲樂鄉侯矣安平之封前漢最多地志於安平言都尉治不言侯國知前漢安平侯皆非今縣楊敞封安平漢表在汝南鄂千秋封

安平索隱謂在涿郡正義謂在澤州余謂千秋玄孫但坐遣淮南王書稱臣盡力弃市國除淮南謀反不得傾動涿澤其封邑當亦在汝南也敞孫譚五鳳四年免侯而王舜封安平在初元元年蓋亦千秋故國舜以恩澤封侯乃續志所云以肺附居京師隨時見會者其食邑故當近取汝南不得遠之涿郡也長沙孝王子劉習封安平表在鉅鹿鉅鹿故無安平長沙王子亦不得分封北土表云鉅鹿蓋是豫章之誤涉上桃侯移奪耳地理志豫章郡有安平侯國是其證也至如莊不識之封武彊酈元謂在陽武卽曹參所取之武彊亦非今縣余於疆域門考漢桃縣在今州



境以明碑稱磨頭為古桃城駟為據準其地望亦至符合  
方志言桃在衡水舊唐書地理志云隋開皇十七年河北  
大使郎蔚之分下博南界置衡水縣桃在隋前為下博故  
境明矣今志前漢侯國不載安平武疆而列桃其說如此  
若劉襄所封之桃酈元以為濮渠所經即戰國所謂酸棗  
虛桃者與劉良封邑異地亦不著云

樂鄉侯八人 樂叔 樂毅孫高祖十年封見毅傳大清一統志謂樂叔封邑即水經注瀋水所經之樂城余謂當為此州之樂鄉國

劉佟 地節二年以河間獻王子封諡憲 劉蒯 字子蒯 劉勝 劉子蒯 劉地緒 勝子免侯見 杜

茂 字諸公建武元年以將軍封見本傳 劉展 建安十八年以奮武將軍封見三國志注

武遂侯二人 酈疥 食其子封高梁侯後更食武遂嗣三世見史記酈生傳 酈平 武遂嗣侯三世史佚其名平當為疥曾孫

本傳元狩元年武遂侯平坐詐詔  
衡山王取百金當奔市病死國除

桃侯三人 劉良 初元元年以廣川繆王子封諡煬 劉敞 良子 劉狗 敞子免侯見

武疆侯一人 王良 字君嚴建武元年以大司徒徒封見本傳按王梁封邑酈元以門然酈氏即分為兩地實字記引郡國縣道記云武疆故城漢為侯國西晉置縣因古城名之與酈氏說同今仍列此侯於此

安平侯三人 蓋延 字巨卿建武二年以虎牙大將軍封見本傳 蓋扶 延子 蓋側 扶子永平十三年坐與舅王平謀反

伏誅 國除 下博侯二人 劉張 齊武王演孫建武三十年封張以善議論與實固出擊匈奴被譖卒肅宗下詔褒揚之見齊武王演傳 劉

宅人 張子肅宗封 它人奉張祀 解瀆亭侯三人 劉淑 以河間孝王開子封靈帝祖也建寧元年追尊 劉

萇 淑子靈帝父建寧元年尊為孝仁皇夫人董氏為慎園貴人 劉宏 萇子為大將軍實武所立年十二即皇帝位是為靈帝



下博亭侯一人 孔揚 為下博亭侯因居下博孔氏有下博郡望穎達其後也見姓纂

饒陽侯一人 曹豹 魏武帝子建安十六年封食邑五千戶見三國志注

以上漢三十四人

曹魏之世官制爵號畧同兩漢無甚增省

博陵太守一人 常林 字伯槐河內溫人宰南和治化有成超遷博陵太守所至有績不附司馬氏見本傳

亭侯四人 樂鄉亭侯臣生 佚其姓忠義將軍樂鄉亭侯見隸釋魏公卿上尊號奏 安平亭侯

曹仁 字子孝魏武從弟以都亭侯轉封安平亭侯後進封陳侯見本傳 司馬睦 字子友魏末封見晉書高陽王傳 饒陽亭侯

曹林 魏武子母杜夫人建安十六年封饒陽亭侯二十二年徙封譙見本傳

以上魏五人

晉置武彊縣見元和志寰宇記而晉書不載蓋改侯國設

令長矣其時守令自崔琨外無可考見

行博陵太守一人 崔琨 字景龍以饒陽令行本郡太守見北史崔鑒傳晉饒陽屬博陵所謂本郡博陵郡也

饒陽令一人 崔琨 見上

魏世五等之外有縣侯鄉侯在亭侯上晉乃有開國郡公

縣公郡侯縣侯其所謂安平郡國王公皆非此州爵士

博陵郡公四人 王沉 字處道太原晉陽人咸寧中追封博陵郡公見本傳 王浚 沉字彭祖嗣博陵公太康初與諸

王道素 沉從孫太元二年詔與滅繼絕封博陵公 王崇之 道素子嗣封義熙十一年改封東莞

王侯俱就國建興二年為石勒所殺見本傳郡公并見沉傳

博陵縣公一人 王沉 晉武受禪以佐命勳封博陵郡公固讓不受乃由博陵侯進封博陵縣公邑千八百戶後追封郡公

詔曰當受郡公之封而固辭懇至嘉其讓德不奪其志謂此也



縣侯三人 博陵縣侯王沉 初封安平侯邑二千戶改封博陵縣侯位在大國 安平侯王沉

高貴鄉公將攻文帝召沉告之沉馳白文帝以功封安平侯見本傳 武彊侯盧志 字子道范陽涿人封武彊侯見盧欽傳

亭侯一人 博陵亭侯諸葛恢 字道明琅邪陽都人以討周馥功封博陵亭侯見本傳

郎中令 晉武帝褒王沉置泰始六年詔曰昔漢祖以知人善任克平宇宙推述勛勞歸美三俊遂與功臣剖符作誓藏之宗廟副在右司所以明德庸勛蕃翼王室者也昔我祖遭世多難攬授英雋與之斷金遂濟時務克定大業故司空博陵元公沉才兼文武忠肅居正朕甚嘉之書不云乎天秩有禮五服五章哉其為博陵國置郎中令假夫人世子印綬食本秩三分之一如郡公比見鄭冲傳

以上晉十一人實七人

建興以後冀部既陷世更數姓官爵無足紀述其見於載

記

前趙贈安平侯一人 王忠 忠為劉曜晉陽太守初曜弱冠游洛陽坐事亡命匿忠家忠送之朝鮮曜德之卒贈安侯

後趙武遂令一人 李回 勒署為武遂令后勒既破王浚劉琨乃以回為易北都護兼高陽太守撫輯幽冀流民

石趙慕容燕之際典午既東王命不行于北土於是自有

王其地不秉命于人者豈非人豪邪

據魯口稱王者二人 王午 初為石趙幽州刺史石氏亡與勒所署征東將軍鄧恒走保魯口恒死午自稱安國王

呂護 王午死護復自稱安國王慕容恪擊走之

前燕武彊縣公一人 慕容暉 慕容暉時以平北將軍封官制



前秦博陵郡功曹一人

張猗

苻丕太安元年中山太守王亮守博陵功曹張猗踰城降燕亮臨城罵之城破亮死

自晉世以來郡守皆加將軍無者為恥五胡因之蓋皆主

治軍旅王亮申承皆是也

後燕博陵太守一人

申承

承為慕容寶博陵太守永康元年魏主珪進軍魯口承奔河南

博陵令一人

屈遵

申承既奔遵以博陵令降魏為中書令出納號令兼總文詔

博陵王一人

慕容鑒

慕容寶時封與寶同北走

博陵縣公一人

慕容虔

寶子封博陵公慕容熙時賜死

以上五胡時十人

北魏之世州境蓋置二郡寰宇記云晉及高齊博陵郡并理安平石趙苻秦後魏博陵郡并理魯口是一郡為博陵

也地形志武邑郡晉武帝置酈元謂武邑縣故城為晉武邑郡治及元魏而武邑郡蓋嘗移治酈元于漳水逕武邑郡南特書為魏所置是也隋志武彊舊置武邑郡後齊郡廢寰宇記武彊今理即後魏武邑郡城道武皇始二年築大清一統志武邑郡移治武彊在皇始三年即據隋志寰宇記為說是一郡為武邑也當時置郡尚矣故孝文時令太守能靜一郡劫盜者兼理二郡能靜二郡者兼理三郡縣令亦如之

博陵太守十三人

崔暉

字祖洛安平人行博陵太守見北史崔暉傳

燕元孫

代人祖鳳神龜元年卒父才元孫為博陵太守見魏書鳳傳

崔習

字貴禮安平人崔鑒孫在郡九年吏民愛敬之孝昌三年卒見魏書鑒傳



**李祐** 字長禧趙郡平棘人父同卒于孝文帝時祐為博陵太守以清幹著稱見魏書李順傳

**邢偉** 博陵太守見魏書繼傳

**李秀林** 小名楛趙郡人景明初試守博陵批疆扶弱以威嚴名母憂去職見魏書李順傳

**尉靜** 代人宣武時卒贈博陵太守見魏書尉元傳

**高** 漁陽雍奴人父閻卒于景明三年

**元昌** 元昌為博陵太守見魏書閻傳

**諸葛潤** 有墓志云饒陽縣都亭鄉永貴里人承明中郡守燕府君命為深澤太守卒于正光二年

**李裔** 字伯徽秀林子孝昌中為定州鎮軍長史帶博陵太守卒于正光二年

**永樂** 渤海蓀人從從父翼舉義官至衛將軍出為博陵太守以民事不濟自殺見北齊書高乾傳

**弓翊** 太原人見元初

**杜纂** 孫常山九門人纂所歷郡奸行小惠弊衣蔬食多涉矯誣而輕財潔已為百姓所思孝昌中守清河降葛榮為榮常山太守榮滅定州刺史薛曇以纂老舊令護博陵鉅鹿二郡以疾辭見魏書本傳

**武邑郡太守七人** **李先** 字容仁中山盧奴人明元時為武邑太守有治名太武帝即位徵為內都大官神龜二年卒年九十五見魏書本傳

**高玄起** 遠東新昌人為武邑太守遂居渤海椿縣子道悅孝文帝時卒有傳

**張敬叔** 父謙延興四年卒清河東武邑人為武邑太守見魏書本傳

**劉直** 平原人為武邑太守與元瑜反信都

**伏誅子思逸** **劉道斌** 武邑觀津人好學有器幹宣武時為武邑太守新經元瑜小黃門有傳

**蘇淑** 字仲和武邑人兄壽為關官將卒冒養淑為子淑頗涉經傳高乾執冀州刺史元疑據城起義淑贊成其事乾以淑行武邑郡未幾逃還京師淑清心愛下所歷三郡皆為吏民所思當時稱為良二千石見本傳

**博陵郡功曹二人** **崔綽** 櫛父博陵安平人為博陵郡功曹見魏書魏收傳

**崔鴻翻** 融子為郡功曹見魏書

**崔挺** 見魏書

魏世封爵有開國食邑者所謂開國公侯也有虛賜封號不食實封者所謂散公散侯也地形志無博陵縣而爵邑有之皆虛號也

**郡王三人** **武邑郡王元義興** 景穆帝曾孫永安中追封武邑王見景穆十三王傳

**博陵郡王元朱彥伯** 北秀容人榮從弟以預立節元暢字叔暢以從孝武入關功封見北史平陽王新成傳



開國公七人 博陵郡開國公尉翊 元子孝文時由山陽郡公改封見元傳 尉景興

尉景儁 景興弟 尔朱榮 字天寶北秀容人正光中由安平縣開國侯進封公邑一千五百戶察洛陽伽藍記作郡公是也榮由開國侯進封則亦當為開國郡公故有邑 武邑郡開國公李平 字曇定頓邱人孝明時封邑一千五百戶卒諡

文烈見 李獎 平 李構 獎子齊 初例降

郡公一人 博陵郡公李侃晞 中山人初襲叔父興祖爵南郡王孝莊時以庶姓改封郡公見李惠傳

縣公四人 博陵公尉元 字荀仁代人天安元年元由太昌侯進為公見本傳 安平公叔孫建 字

代人登國中以都水使 乙旃眷 明元時以正直將軍中領軍封見姚泓載記 下博公高和壁 字

壽勃海裔人官中書博士封 下博公見唐書宰相世系表

安平縣開國侯三人 尔朱榮 以功封安平縣開國侯食邑一千戶見本傳 鄭仲明 榮弟

開封人孝莊帝以仲明舅氏之親與謀翼戴 鄭孝邕 仲明子齊初例降

縣侯十人 下博侯鄧顥 淵子以嗣下博子進封諡文恭見父淵傳 博陵侯許彥 字道模小字嘉

屯高陽人太武初賜爵 安平侯崔雙 博陵安平人諡曰敬侯見崔敬邑墓志 崔鑒 字神具博陵安平人贈安平侯

後進武昌公見本傳 崔合 鑒子 崔脩義 合子 崔放寬 脩義子齊初例降 李奕 字景世趙郡平棘人

順傳 饒陽侯崔辯 見上諡曰恭侯見唐書宰相世系表 宇文導 字菩薩孝武初以討侯莫陳悅封邑五百戶後進為公見周書邵惠公傳北史作伯

開國伯二人 安平縣開國伯杜顥 字思顏京兆人永安中以守岐州功封邑五百戶見杜銓傳

下博縣伯王德 字天恩代郡武川人孝武時由涇澤縣男進封邑五百戶後進為公見周書本傳 江文遥 字彥和濟陽考城人正始中贈封邑三百戶諡莊見本傳

安平縣開國子二人 江悅之 字彥和濟陽考城人正始中贈封邑三百戶諡莊見本傳

縣子六人 下博子鄧淵 字彥海安定人道武中由漢昌子改封見本傳 鄧顥 淵子後進為侯 武遂

子元拔干 遼西公意烈子明元時以渤海太守封諡曰靈侯見意烈傳 元受洛 拔干子 饒陽子許堪 字

官制



根博陵人見 **安平子崔建** 字興祖博陵人見徵士頌

**縣男二人** **安平縣男崔仲哲** 博陵安平人鑒孫以從廣陽王淵討柔玄功封見崔鑿傳 **饒陽男**

**元遙** 字太原以從孝文南征功封見京兆王子推傳

**公主三人** **博陵長公主景穆帝女** 馮熙尚之見熙傳 **孝靜帝姑** 司馬慶雲尚之

**安平縣主一人** **東萊王貴平女** 普泰初朱衣直閣陸騰尚之見周書騰傳

**郡君二人** **博陵郡君常澄妻許氏** 澄女為文成帝乳母尊為皇太后興安二年贈澄遼西獻王封

**武邑郡君高偃妻王氏** 渤海裔人永平二年以女為皇后封見北史高肇傳

**以上北魏** 六十八人實六十五人

東魏撫有冀部官職頗可考見而遙領爵號西魏為多

**博陵郡太守三人** **辛子炎** 隴西狄道人武定中守見魏書辛雄傳 **李季脩** 趙郡人靈晉孫見靈傳

**趙墨臺** 元象二年守見疑禪寺浮圖頌碑除

**武邑郡太守二人** **李子貞** 渤海裔人見李叔彪傳 **李崧** 字希邕平棘人魏末

行太守見齊書李元忠傳

**縣令一人** **盧伯珣** 武定中為令舊志云有德政碑碑今不見不知何縣令舊志云陸澤者誤也陸澤唐始置縣

**縣子一人** **縣男一人** **安平縣子陳元康** 字長猷廣宗人天中中以戰山功封邑三百戶見齊書

**安平縣男斛律金** 字阿六敦朔州敕勒部人武定四年封見齊書本傳

以上東魏八人

**郡王一人** **郡公一人** **博陵王元約** 齊涼州刺史鹿永吉據州叛西魏遣博陵王元約等迎之見齊

**博陵郡公賀蘭祥** 字盛樂大統十四年由撫夷縣公進博陵郡公見周書本傳



縣公四人

饒陽公宇文護

字薩保周太祖兄子大統元年封饒陽公見謝昺昆西魏書

鄭常

元榮陽開封人恭帝三年封見庚信集常碑

下博公王德

大統元年以從孝武西遷由下博縣伯進封見本傳

安平縣公子

翼

字文若河南洛陽人以尙周太祖女平原公主封邑千戶大統十六年進郡公見周書本傳

縣侯三人

安平縣侯陽雄

字元畧上洛拒陽人大統三年以沙苑力戰功封邑八百戶見周書本傳

李愔

字士字以父穆功賜爵尋進為公見周書穆傳

怡光

遼西人以父峯勳賜爵見周書峯傳

縣伯一人

饒陽縣伯劉亮

本名道德中山人大統元年以復潼關功由廣興縣子進

封邑五百戶見周書本傳

安平縣子王懋

字小興武川人大統初賜爵見父盟傳

安平縣君一人

孫道温妻趙氏

安平人以守岐州功大統六年贈封見北史本傳

以上西魏十二人

北齊廢武邑郡而博陵郡治北魏嘗置定州隋志博陵郡

舊置定州後周置總管府九隋志所云舊置者皆魏齊時制北魏諸葛潤墓志稱定州博陵郡魏書李順傳稱李裔孝昌中為定州鎮軍長史帶博陵太守潛引杜洛周州陷是魏世博陵在定州之證煬帝紀大業九年詔云博陵昔為定州地居衝要亦據魏制為說特史文缺畧不詳移治年歲耳及後齊博陵又移治安平隋志言安平後齊置博陵郡是也元魏太和中守令之祿甚厚其後但選勤舊令史為令長流品濫雜自元文遙請齊武成帝搜揚世胄以士人為之於是乃有路去病等著聲循吏亦吏治升降之大凡也



博陵郡太守四人

袁聿脩

字叔德陳郡陽夏人天保初以太子庶子行博陵太守數年大有聲績遠近稱之見齊書

本房豹

字仲幹清河東武城人河清中為西河太守政貴清靜甚著聲績遷博陵太守亦有能名見北史房法壽傳

李繪

邢巒甥字敬文柏仁人博

陵太守見唐書

李孝貞

趙郡柏仁人字元操武平中由中書舍人出為博陵太守見北史李順傳

饒陽令一人

路去病

陽平人河清中令饒陽去病明閑時務性頗嚴毅人不敢欺然至廉平為吏民歎服見北史循吏傳

郡王二人郡公一人

博陵王高濟

神武第十二子天保元年封天統五年後主殺之諡文簡見齊

高祖十一

高智

博陵郡公可朱渾天和

遼東人以尚東平公主封成臯郡公改博陵郡公見齊書可朱渾元傳

以上北齊八人

北周奄有齊土蓋止三數年郡守尙可考見則其人為名吏也至於爵號虛封終周之世頗復猥多無足深考也博陵郡太守一人 蘇瓊 字珍之武強人任齊歷州郡多聲績京師為之語曰斷決無疑蘇珍之齊亡仕周為博陵郡太

守開皇初卒見北史循吏傳

郡公二人縣公五人

博陵郡公宇文述

字伯通代武川人武帝初封尋改濮陽見北史本傳

賀蘭師

祥子武川人以前明帝女封見周書本傳按師父祥西魏時封博陵公

武遂縣公史祥

字世休建康秦氏人隋書云朔

方人以父寧助賜爵見周書傳按北史言祥仕周襲武遂縣公史無寧封武遂之事蓋賜爵為追封也

博陵縣公薛温

字尼卿河東汾陰人

道衛兄武帝時由齊安縣子進封見文獻通考

安平縣公崔訖

原名士約賜姓名宇文訖由万年縣公改封見本傳

摩訶

武彊縣公郭衍

字彥文太原介休人建德中以從平并州功封邑二千二百戶見周書本傳

縣伯一人縣子一人

饒陽縣伯劉恭

中山人亮子以開府儀同三司封見周書亮傳

陽縣子劉臻

字宣擊沛國相人為宇文護記室以大都督封見北史本傳姓纂作公

以上北周十人

隋涿州刺史

自漢武帝置部刺史後漢稱為外臺魏晉

官制



而後有使持節之號隋開皇三年罷郡以州統縣自是刺史為太守之互名非復舊職而使持節之稱不廢開皇十六年於安平縣置涿州太守之改為刺史于是始也

饒陽郡太守一人 楊君綽 居無極縣東門即後魏大將軍扶風太守呂微公故居見寰宇記

縣令二人 應知 開皇時為令舊志云有開皇中德政碑碑今不見志云令陸澤非也陸澤唐始置此與盧伯珣同誤 饒陽令

宋正本 義寧元年饒陽令宋正本說實建德以定河北之策建德引為謀主見通鑑

附實建德所署偽涿州刺史一人 崔元遜 鄆陽人先為建德刺史後執殺

唐刺史裴晳降 劉黑闥見通鑑

劉黑闥所署偽涿州刺史一人 諸葛德威 禽黑闥送唐太子建成軍前見通鑑

黑闥所署偽涿州總管一人 崔元遜 黑闥敗至饒陽元遜將納之諸葛德威執黑闥

以降元遜奔 突厥見通鑑

縣公五人 縣侯二人 縣伯一人 縣子二人 安平縣公李

敬族 安平人開皇五年以子德林脩定律令追贈諡曰孝見北史隋書德林傳 李德林 敬族子 李百藥 德林子 楊文

偉 見唐書宰相世系表 武彊縣公郭贊 京兆人衍子 武彊縣侯錢士雄 煬帝

時從征遼戰及贈侯 錢傑 士雄子 饒陽縣伯劉臻 周封子文帝受禪進封見隋書本傳 饒陽

縣子長孫熾 字仲光河南洛陽人文帝受禪以率百屬先入清宮由陽平子改封見隋書長孫覽傳姓纂作公 安平縣子崔

世立 博陵安平人以大理少卿封見唐宰相世系表及崔漪墓志

以上隋十六人實十五人

唐初承隋置州刺史武德四年平竇建德於河間郡之饒陽縣置涿州貞觀十七年州廢先天二年復置

官制



涿州刺史八人

裴晞

武德四年八月辛亥涿州人崔元遜殺其刺史裴晞見新書高祖本紀

成綽

上谷人涿州刺史

史見楊炯所撰綽碑碑稱綽在隋為金紫光祿大夫

郭士倫

太原陽曲人贈涿州刺史見元和姓纂士倫曾祖魏左僕射

段崇簡

涿州人

刺史性貪暴到任追里正不得稱無上戶上戶取兩人下戶取一人每八索絹一匹一月罷任得絹三十車見張鷟朝野僉載鷟任終武后時

韋漣

京兆杜陵人涿州刺史

史見姓纂連叔父思

許欽淡

安陸人涿州刺史光祿卿見宰相世系表欽淡祖善師為隋主簿

宋庭璘

廣平人兵部郎

中涿州刺史見姓纂庭璘祖父大辯始仕唐

李伯思

趙郡人見宰相世系表伯思曾祖素主仕隋

郡太守

天寶元年改州為郡通典所云唐置涿州或為

饒陽郡者也

饒陽郡太守二人

盧全誠

安史之亂嬰城固守與顏泉卿真卿相應援推真卿為盟主祿山將張獻誠史思明

先後圍攻不下見通鑑胡三省引包諝河洛春秋作盧皓

李系

饒陽固守彌年河北諸郡皆陷思明并力圍攻太守李系窘迫赴火死城陷見通鑑

乾元以後太守復為刺史自是無太守之稱矣然涿州諸

刺史自牛元翼而外蓋皆藩鎮所請非朝命也

涿州刺史七人

李獻誠

行涿州刺史見李寶臣紀功碑陰寶臣欲傳軍府與子惟岳慮諸將難制殺涿州刺史張獻誠

等見通鑑張本姓李賜姓

楊榮國

李惟岳姊夫降于朱滔見舊書王武俊傳

王巨源

王武俊判官武俊拒命引以巨源知涿州見通鑑

常翹

見白居易所撰授刺史制

牛元翼

晉陽人威德良將也朝命為涿州刺史王庭湊拒命引兵圍之韓愈說庭湊解兵會元翼將十騎突圍出見通鑑

王紹懿

庭湊孫大中十一年由涿州刺史起復充成德軍節度副使見舊書宣宗紀

王景胤

紹胤子庭湊孫大中十一年為涿州刺史見宣宗紀

冀州刺史

舊書地理志武德六年移冀州治所于下博

貞觀元年還治信都而下博改屬涿州是貞觀以前冀州

刺史來治下博凡五年

冀州摠管

舊書地理志武德六年冀州置摠管府移治

所于下博是摠管刺史同治下博也志又云貞觀元年廢



都督府都督即摠管通典武德七年改摠管府為都督府是也摠管亦加號使持節深州置摠管府不見于新舊地志然通鑑有劉黑闥所署深州摠管蓋仿唐官為之或武德六年以前摠管府舊在深州歟不可考矣

永甯軍使 新書地理志下博有永甯軍貞元十年置百官志諸軍各置使一人刺史領使則置副使是時深州治陸澤軍在下博蓋非刺史所兼領矣元豐九域志天聖七年改永甯軍治博野縣然則自唐貞元至宋天聖此軍未嘗廢也歐陽脩河北奏草有永甯軍捉獲作過兵士劄子歐公為河北都轉運使在慶曆四年其時永甯軍已改治

博野不隸此州矣

推官 衙官 州衙推 軍衙推 并見新書百官志

深州衙推一人 韓季重 白居易有深州奏事官衙推試原王友韓季重可兼監察御史充職制制云上將臨戎陪臣將

命詳其奏報頗盡事情蓋元翼所遺賁奏之衙推也

新舊百官志上州刺史一人從三品職別駕一人從四品

下 通典別駕自漢有之庾亮答郭預書云別駕舊與刺史別乘同流其位居刺史之半唐永徽中改別駕為長史其後二職并設 長史一人從五

品上 奏置郡當邊成者有長史其後遂為軍府官見通典 司馬一人從五品下 通典治中州職也自漢有之隋改治中為司馬

唐武德初復為治中高宗又改為司馬 錄事參軍事一人從七品上 通典

百官志不見治中以與司馬為一職 錄事參軍事一人從七品上 通典

參軍事置本為公府官隋煬帝改為郡主簿唐武德初復為錄事參軍 錄事三人從九品上 乾元元年制九縣令判司與錄事異

體尊其任也判 司功參軍事一人 即兩漢功曹史北齊諸州有功曹參軍 司倉參軍事一

司謂錄事參軍

官制



人即兩漢倉曹史司戶參軍事二人戶曹掾司田參軍事一人新書有舊書無

兵參軍事一人通典漢司隸屬官有兵曹從事史蓋有軍事則置之北齊以後并同功曹司法參軍事二人

即兩漢賊曹決曹掾司士參軍事一人北齊以後與功曹同兩漢無聞皆從七品下參軍事

四人從八品下通典後漢靈帝時陶謙參張溫軍事孫楚參石苞軍事楚輕荀謂曰天子命我參卿軍事晉為軍府官典獄十

四人問事八人白直二十四人并從九品上市令一人從

九品上丞一人從九品下舊書有史二人帥三人倉督二人新書無文學一人從八品

下舊書作經學博士一人助教三人學生六十人醫學博士一人從九品下舊書有助教一人學生十五人中

下州以次差減據元和郡縣志新書地志潞州上州也舊書

戶滿四萬以上為上州其官屬可攷者

潞州別駕一人楊宏業武德七年見舊書劉君良傳潞州長史二人劉表

禮見元稹所撰表禮墓志盧捷見元稹所撰授長史制潞州治中一人崔載博陵見宰相世系表

潞州司馬一人盧眺字曰旦范陽涿人見宰相世系表潞州錄事參軍四人馮

才冀州下博人咸亨四年卒見王博所撰馮慶墓志李生供其名河朔人貞元中為潞州錄事參軍曉董

文廣鎮州靈壽人後周太祖董如之祖見歐史周家人傳李舜卿崧父見薛史崧傳按崧始仕鎮州參軍在同光時則舜卿當在唐末潞

州司兵參軍一人李世起趙郡人見宰相世系表世起從祖敬叔仕後周從父孝端仕隋饒陽司戶

一人張燧李白有贈張司戶詩按百官志縣有司戶然燧在天寶時疑此司戶為饒陽郡司戶參軍

下博令一人許君供其名趙明誠金石錄有王懷惠撰下博令許君德政頌開元十六年立

武彊令四人盧彥章范陽涿人見宰相世系表彥章父懷仁仕後魏時崔紹博陵人見白居易崔

相世系表梁胙胙名見寶刻叢編趙明誠金石錄有武強縣令梁君德政碑垂拱元年立裴景仙寂曾孫蒲州桑泉人為

作崔治五千匹事發逃走大怒令集眾殺之李朝隱執奏決杖一百流嶺南見舊書李朝隱傳



饒陽令四人

賈敦實

曹州冤句人貞觀中為饒陽令有能名時制大功以第廉謹許令同州竟不遷替時人榮之初敦頤為洛州刺史後敦實遷洛州長史百姓立頌兄碑之傍呼為棠棣碑見通典

竇知範

性貪汙見王圻碑史

盧宰

杞族弟見宰相世系表

裴公

佚其名見喬遷饒陽縣令廳壁記云自齊桓匡合制我饒陽麻戰國以遷遂美其城邑西邇全趙東拒河間燕之南郊冀之北土多奇士好帶劍侈服多佳人善彈弦踔躡廣輪七十里編戶二萬計日中奇贏襍弊為窟機女狹其幅利染工多其姦色非寬猛以濟則不能用又宵人我茂宰裴公河汾鼎族公卿門子教纔設而老幼歸心刑不施而權豪斂跡豈縣公能事而屋壁不書詢于前政遠者關如權輿先天置郡之後凡名士改轉列于左偏

安平令四人

邢公

佚其名定州安平令邢公女為安陸主簿張嵩妻見真定開元寺石柱題名

鄭九辨

榮陽

開封人見宰相世系表九辨祖父穆隋夷陵令

權僕

德輿從叔天水畧陽人見德輿所撰僕墓志

史鈞

圭父常山人見舊五代史圭傳

自漢以來縣有令有長至唐則但有令而已通典唐縣有赤畿望緊上中下之差京都治所為赤京之旁邑為畿其餘則以戶口多少資地美惡為差而新舊百官志京畿之

外有上縣中縣中下縣下縣四等無望緊之目疑望緊歸

于上縣也如尉二人錄事二人問事四人白直十人市令

一人經學博士一人助教一人學生四十人并畿縣上縣

所同則望緊亦當同矣其異者畿縣有司功司倉司戶司

法上縣則但有司戶司法而無司功司倉戶一萬以上者

置義倉督二人耳又畿縣典獄十四人上縣則十人而已

據元和郡縣志新書地里志州所屬諸縣饒陽武彊皆望

縣也陸澤下博安平皆上縣也故畧攷其制於此

饒陽尉四人

張隲

說父見說所撰墓志宰相世系表作伯父

王祚

太原人見劉禹錫所撰姚王涯先廟碑祚涯祖

貞亮

武后時尉見通鑑

史圭

常山人光化中為尉好學工詩長于吏道見舊五代史本傳



安平尉一人

顏泉明

琅邪臨沂人吳卿子天寶中為尉祿山反吳卿使與常山長史袁履謙往來謀議見顏真卿所撰吳

卿神道碑

陸澤丞一人

孫公輔

遼弟邁子見宰相世系表

安平丞二人

鄭仁瓘

滎陽人見宰相世系表

郭思謨

太原平陽人以孝子徵解褐拜定州安平縣丞開元九年

卒見孫翌撰郭府君墓志銘

新書宰相世系表有李恪為安平游擊將軍通典游擊將軍武散官與上府果毅都尉皆從五品考地理志安平無折衝府惟劉黑闥時諸葛德威為涿州眾稱諸葛車騎果毅都尉由車騎將軍改名者也然其時州治饒陽不治安平據地理志澤州有安平府恪所為游擊將軍當是澤州

之安平宰相表李倚為澤州安平府別將是其證也及河

朔兵起將率隨軍事為名裨將大將皆非常制

饒陽裨將一人

張興

東鹿人與太守李系共守饒陽城破不屈思明鋸解之見新書本傳

涿州大將一人

臧平

王庭湊圍涿州牛元翼率十餘騎突圍出涿州大將臧平等一百八十八人皆為王庭湊所殺見舊書穆宗紀

涿州小將一人

高芳穎

贈刺史見白居易所為制辭云涿州故小將高某等四人皆從戰陣連沒王事

唐制百戶為一里五里為一鄉元和志涿州開元時鄉七十五元和時鄉五十通典隋開皇十五年置州縣鄉官貞觀九年每鄉置長一人佐二人十五年省而通鑑考異引革命記有鄉長在貞觀前其時未置鄉長作記者據後追書蓋即隋世之鄉官也



鄉長一人 張善護見

命記

通典至德之後採訪使改為觀察使觀察使皆并領都團練使新書康日知傳建中二年擢為深趙觀察使而朱滔傳稱日知為團練使日知傳記本官滔傳記兼官也然是時朱滔據深州日知在趙州未嘗至深州也田悅說王武俊云日知不出趙州豈得與大夫論功是其證今紀諸使凡未任深州者不錄

節度使 通典至德以來天下多難諸道皆聚兵增節度使

深冀節度使一人 牛元翼

長慶元年以深州刺史充深冀節度使見舊書穆宗紀按元翼未離深州則深州有

使府

鎮州大都督府長史一人 牛元翼

以深冀節度使為長史充成德軍節度使見舊書穆宗紀

深州諸道行營節度使二人 杜叔良

以左領軍衛大將軍充行營節度使見通鑑舊書穆

宗紀作深冀諸道行營

李光顏 長慶元年以鳳翔節度使兼行營節度使代叔良見通鑑按行營節度蓋如招討使之類皆所謂隨用兵權置兵罷則停

者此救深州也

同成德軍節度副使一人 李獻誠

獻誠結銜開府儀同三司使持節深州諸軍事行深州刺史充本州

團練守捉使同成德軍節度副使上柱國漁陽郡王見李寶臣紀功載政碑陰永泰二年立

成德軍節度判官一人 王紹懿

刺史兼官見舊書宣宗紀

團練守捉使 舊書至德後大郡要害之地置防禦使以治軍事刺史兼之不賜旌節上元後改防禦使為團練守



捉使又與團練兼置

本州團練守捉使二人

李獻誠

刺史兼官見李寶臣碑陰

王景胤

見舊唐書宣宗紀

團練使二人

薛常翹

刺史兼官見白居易擬制

牛元翼

深州刺史本州團練使見舊唐書穆宗紀

宣慰使

肅宗遣烏承恩與內侍李思敬宣慰深滄瀛等

州德宗時遣使宣撫諸道以秘書少監雷咸充深恒德棣

冀趙等州宣撫使皆不專至深州惟王庭湊圍深州時朝

廷特遣信使宣諭

宣慰使一人

韓愈

長慶二年詔雪王庭湊以兵部侍郎韓愈為宣慰使見通鑑

文獻通考以唐世爵邑率為虛封削而不錄余謂虛封自

北魏已然不自唐始也一州一縣往籍事少所見封號未

宜闕漏矣

親王

通典皇兄弟皇子為親王親王府各置官屬

二人郡王

通典太子男封郡王其庶姓卿士功業特盛者亦封郡王

一人縣

公八人縣侯一人

開國縣伯一人開國縣子一人開國縣

男

唐時開國公侯并無官土其加實封者則食其租調見通典

一人縣男四人公主三人

溪王

李滔

玄宗第三子開元二十一年九月封見新舊唐宗紀滔後改名墩改封汴

李悰

憲宗第四子元和元年八月由彭城郡王進封見憲宗紀悰初

名

饒陽郡王李正己

高麗人大麻十一年以平盧淄青節度使封實封五百戶見新書本傳

下博

公劉伯英

副大總管冠軍大將軍上柱國見賀遂亮平百濟國碑

武強公趙元楷

天水人兵部侍郎殿中監見元

和姓

安平公崔仁師

新舊本傳不見仁師之封宰相世系表子揣襲安平公則爵為仁師所封矣

崔揣

仁師子見宰相

世系

崔輪王

祠部郎中見宰相世系表輪王祖宣度為隋恒農太守

李仲思

國子祭酒見宗室世系表仲思神符孫

崔從

元

曾孫貞元二年

行尚書吏部侍郎見陸贄所撰授東都留守制

崔戎

元暉從孫見宰相世系表

安平縣侯崔日知

見

官制

官制

三



元中京兆尹封後進中  
山郡公見新書日用傳

安平縣開國伯崔璘昇子元暉從子守魏州刺史見孫逖所撰授太子右庶子

制 安平縣開國子崔日用滑州靈昌人崔沔室記博陵安平人守兵部郎中見睿宗授參知機務制

安平縣開國男崔倭字長德穆宗時河南尹見元稹所撰倭墓志

安平縣男崔擢字揚師次子雍州司戶參軍見宰相世系表

崔液擢子字潤甫見宰相世系表

崔暄博陵安平人汝州長史贈衛尉少卿見顏真卿崔沔室記宰相世系表

楊志華州華陰人司農卿從子瑒與崔日用同時見新書日用傳

一女楊思敬尚之 憲宗第十四女劉冀尚之 饒陽公主穆宗第六女郭仲

詞尚之并見新書公主傳仲詞子儀曾孫見宰相世系表

以上唐八十七人實七十八人

五代干戈之際吏治無足言者通考稱是時齷齪無能者始注為縣令天下之邑率皆不治故令長不見史冊其刺

史大抵武夫因事附見畧可稱數

梁溪州刺史一人 張友順龍德元年張文禮弒王鎔軍校張友順率眾請文禮為留後文禮以友順為溪州刺史

唐溪州刺史三人 趙仁貞天祐十九年晉兵既討文禮執友順以趙仁貞為溪州刺史見通鑑 陸思鐸

潭州臨黃人天成中為溪州刺史見薛史本傳 烏震冀州信都人明宗初溪州刺史以廉平為政有聲明宗聞其名擢河北道副招討使震為人純質好學喜作詩善書見歐

善書見歐 史本傳

晉溪州刺史五人 藥元福并州晉陽人天福二年由天雄軍內外軍馬都指揮為檢校司空溪州刺史見宋史本傳

史虔武天福六年安重榮稱兵向關社重威擊走之前溪州刺史史虔武降獲馬三千匹絹三萬餘匹餘物稱是見薛史高祖紀 王饒字受益慶州華

池人沈毅有才幹天福六年討平安從進授溪州刺史入周為彰德軍節度使性寬厚體兒詳雅所治藩鎮民皆便之每接賓佐必怡聲緩氣恂恂如也故士君子以此多之見薛史

本傳 康彥進開運元年九月契丹寇樂壽溪州刺史康彥進擊卻之見薛史 慕容遷開運三年為溪州刺史獻瀛莫圖於是晉議北

官制



伐見  
通鑑

漢涿州刺史二人 王重褒 陳州宛邱人漢初從征鄴都 史万山 遷涿州刺史見薛史本傳

契丹入寇万山父子率兵百餘人血戰死之乾祐三年贈太傅見薛史按遼世宗紀万山死在乾祐元年

周涿州刺史一人 李重興 滄州人周末為涿州刺史聞弟重進起義自殺見宋史周三臣傳

周靜安軍使 宋史韓通傳顯德二年城李晏口為靜安

軍有軍號則有使府矣其緣邊招收則為權置非常制也

周緣邊招收都指揮使一人 張藏英 涿州范陽人藏英請于涿州李晏口置砦誘境上亡

命隸軍願為主將得便宜討擊世宗以為緣邊招收都指揮使賜名馬金帶遂城李晏口見宋史本傳

司功參軍 通考梁開平時省六曹掾屬留戶曹一員通

判六曹而唐晉皆有司功知不沿梁制矣

唐涿州司功參軍一人 王蟾 見天成二年中書門下奏吏部應歸考試疏

晉涿州司功參軍一人 李自倫 涿州人天福四年正月尚書戶部奏涿州司功參軍李自倫六世同居

准式旌表門閭見歐史一行傳據此尚書奏自倫為司功歐史本紀稱涿州民誤也

鄉老 通典唐制鄉置耆老一人亦曰父老天寶詔書父

老年六十以上板授縣丞七十以上板授縣令五代因循唐

制鄉老即父老也

晉涿州鄉老一人 程言 尚書戶部奏云得本州審到鄉老程言等稱自倫六世同居不妄見歐史一行傳

自漢有祭遵壘在下博此為屯戍之始五代用兵置場彼

此守土之吏不能獨任於是屯戍尤多

王鎔時戍涿州者一人 石公立 梁遣杜廷隱襲涿州聲言助守公立欲拒鎔命啓關納之公立出城投刃

官制



而立見舊  
史莊宗紀

晉成溪州者一人 杜漢徽 京兆長安人開運二年以護聖指揮使率所部成溪州破契丹于樂壽殺獲甚眾見宋史

屯武彊者二人 杜重威 開運三年以北面行營招討使屯于武彊見歐史本傳 李守貞 守貞請與重威俱北以重威為招討使守貞為都監屯于武彊俱降契丹見歐史本傳

漢屯溪州者一人 索万進 乾祐三年郭威遣万進率騎七百屯溪州史万山請救不赴見薛史漢隱帝紀

周屯安平者一人 杜漢徽 漢徽入周從征劉崇有功補龍捷左第五軍都虞候移所部屯安平破契丹於縣南

屯李晏口者二人 王彥超 字德昇大名臨清人見東都事畧 韓通 復器甲車帳見宋史本傳

人 何繼筠 字化龍河南人以濮州刺史領兵戍靜安軍契丹內侵逆擊敗之見宋史本傳 城李晏口安平武

疆護役者一人 張暉 幽州大城人時又築東鹿博野百八橋等城暉為冀州刺史並護其役踰月而就見宋史本傳

以上五代二十六人 實廿五人

宋知州軍事 刺史 通考宋太祖革五季之患召諸鎮

留京師賜第而分命朝臣出守列郡號權知軍州事軍謂

兵政州謂民政其後文武官參為知州軍事此知州之名所

由起也宋史職官志咸平四年楊億疏言今多命省署之

職出為知州又設通判之官以為副貳此權宜之制耳臣

欲乞諸州並置刺史率如舊章省去通判之目據此則當

時知州不名刺史其稱刺史者蓋州守之本官而知州則

京朝官之臨郡者也

知溪州軍州事十人 念金鎖 王濟少時溪州刺史念金鎖一見器之見王濟傳又言饒陽州將以孝聞太祖召見以其官制



尚少且俾就學所云饒  
陽州將亦即金鎖也  
**馬知節** 字子元開封祥符人端拱二年涇州新隸于契丹  
自定遠軍移知涇州至數月壞者完流者復見王

安石所撰知節碑宋  
史本傳作幽州人  
**潘惟吉** 魏郡人美第六子涇  
州刺史見東都事畧  
**王觀之** 撫州臨川人知保州以  
以爲愛我王安石爲其兄孫見安石所撰主客郎中知興元王公墓志按會輦爲安石  
祖母謝氏墓志云王氏由工部之叔父尚書主客郎中諱觀之始起家爲能吏工部者  
安石父益也  
**耿全斌** 冀州信都人宣宗時  
益父名用之  
**王鼎** 字鼎臣大名館陶人仁宗時以提  
貝州反涇州卒龐巨謀應之鼎捕首謀十八人斬于市一郡帖然見父王沿傳按通考  
云提刑王鼎與江東漕臣楊紘王綽頗務刻澁號江東三虎則鼎官提刑不爲稱職也

**賈下** 字彥法曹州宛句人由開封府推官出知涇州熙寧初滹沱水及郡城下發常  
平粟食之時發六州卒築武彊陳卒情主者咎之不服下命斬之以聞有詔嘉  
獎見宋  
**晁質夫** 梅聖俞有送晁質夫太丞知涇州詩云蕪蕪問古亭春入饒陽城豆  
史本傳  
來思目明或疑此質夫即荆公所稱晁同年梅送詩已自言  
**晁君** 王安石有寄涇州晁同  
老荆公年輩又後於梅詩言短髮則亦老矣必是二人也  
年詩云秀色歸荒隴新  
聲煥氈毛日催花葉急雲避雁行高駐馬旌旗暖傳觴鼓吹豪班春不知負短髮爲君  
搔李璧不注晁君名字當時蓋已無考詳詩意當是熙寧七年罷相後作蓋晁亦相繼  
出也  
**孫民先** 元豐中知涇州是時河決北流東流議久  
不決民先建議復禹故瀆見宋史河渠志  
**王詔** 字景獻鎮定人化基孫崇  
寧中起知涇州見化基傳

知縣事 縣令 宋史職官志建隆元年令天下諸縣赤  
畿外有望緊上中下若京朝幕官則爲知縣事是非京朝  
幕官不名知縣事也志又載奉祿之制云京朝官及三班  
知縣者亦許給縣令奉本官奉多者以從多給然則知縣  
事皆別有本官非即縣令也歐陽脩河東奏草條列知縣  
令材幹可用者曰著作佐郎知平定軍樂平縣事孫直方  
曰代州崞縣令王旭曰大理寺丞知并州陽曲縣事張景  
儉曰絳州稷山縣令劉處中曰大理寺丞知榆次縣事吳  
天常一簡之中知縣縣令參錯互出其京朝官爲知縣事  
非京朝官爲縣令當時文書名稱截然不同如此通考及

官制



宋史薛不別白故詳著之後則知縣與令互名通稱矣唐世有令無長宋以來知縣著而令廢此其變也元豐九域志溪爲望州靜安安平饒陽武彊皆望縣亦與唐異

靜安令一人 任迪 熙寧八年靜安令任迪請全放呼沱胡盧兩河又引雙陵口河漑南北岸田二萬七千餘頃見宋史河渠志

知武彊縣事一人 趙君錫 字無媿洛陽人祖安仁父良規嘗從良規諱文彥博彥博與其容止語諸子令視以爲法元豐中調知武彊縣有惠政從韓琦大名幕府文彥博吳充更薦之元祐初遷太常少卿蘇軾出知杭州君錫請留之後徙應天因清明出郊謁杜衍張昇張方平趙鼎王堯臣蔡抗蔡挺之坐召七家子孫陪祭人傳其風義見祖安仁傳

知安平縣事一人 韓綸 宣德郎知安平縣事兼兵馬監押見元祐四年吳安持義門寺詩刻石題名

通判 通考漢郡止丞及長史而已其後長史治中司馬別駕迭爲廢復至唐而司馬多以處遷謫蓋視爲冗員宋

止設通判一官佐郡守本懲五季藩鎮專擅而以儒臣臨制之號稱監州其官雖郡佐而其人閒有出於朝廷之特命不以官資崇庠論也容齋隨筆范正辭既知戎淄二州而通判棣溪下遷而非貶降宋初此類殊多又宋初州軍皆有通判通考未詳似是疏也元祐元年詔知州係帥臣其將下公事不許通判同管

通判溪州一人 范正辭 字直道齊州人太平興國中以殿中丞通判溪州見宋史本傳

通判靜安軍一人 張茂直 字林宗兗州瑕丘人太平興國八年通判靜安軍軍不領縣城闔之外卽溪州之下博

茂直奏割下博隸焉見宋史本傳

溪州司戶參軍一人 趙彙 京兆奉先人抃曾祖爲溪州司戶參軍見蘇軾所爲抃神道碑按宋史抃傳抃衛州官制



西安人通考宋初沿唐諸州置司戶參軍無司功司倉司兵司土等職考歐蘇王所擬制詞有司功司土等

法曹掾 卽司法參軍也唐宋制同品同司戶見通考

深州法曹掾一人 王衣 字子裳濟南歷城人爲深州法曹掾見宋史本傳

主簿 通考主簿漢晉有之皆令長自調用至隋始置之

開寶三年詔諸縣千戶以上置令簿尉四百戶以上置令

尉令知主簿事四百戶以下置簿尉主簿兼知縣事安平

有令簿尉則千戶以上縣也靜安饒陽武彊與安平皆爲

望縣蓋皆千戶以上有令簿尉者矣

安平縣主簿一人 孫延 王安平簿元祐四年見吳安持詩刻石題名

安平縣尉二人 張旨 字仲微懷州河內人天聖中由保定司法參軍徙安平尉前後捕盜三百餘人范仲淹歐陽脩言其鷲武

有謀畧見宋史本傳 呂清臣 元祐四年安平尉見吳安持詩刻石題名

都押衙 宋史職官志載流外出官法云都押衙三年出

奉職衙佐三年出借職其武臣敘遷之制云三班借職以

下亦有磨勘轉官法緣未受真命不具錄然則都押衙乃

未受真命者也

深州都押衙一人 諸葛梅 深州饒陽人爲深州都押衙見舊志所載諸葛明遠墓銘梅明遠弟銘云明遠卒于

元祐八年弟常侍梅趙王以少習弓裘擢居名位考宋諸王無封趙者所云趙王不知何指疑謂國姓也

防禦使 宋史職官志防禦使團練使諸州刺史皆從五

品其武臣敘遷之制刺史轉團練使團練使轉防禦使則

資敘實殊九域志深州有饒陽郡防禦治靜安也



溪州防禦使一人 趙克己

廷美曾孫右千牛衛大將軍卒贈溪州防禦使饒陽侯見廷美傳

團練使 宋史何繼筠傳建隆二年升棣州為團練以繼筠充使據此則團練大於州也

溪州團練使四人 尹繼倫

開封浚儀人淳化五年溪州團練使見宋史本傳

楊嗣

瀛州人咸平三

年由保州刺史改溪州團練使五年契丹寇保州與楊延昭禦之見宋史楊信傳

張巨

趙州人知清德軍景德中契丹入寇戰歿贈溪州團練使見本傳

趙承

廷美孫順州刺史天禧二年卒贈溪州團練使見廷美傳

都監 宋史職官志路分都監掌本路禁旅屯戍邊防訓練之政令諸路將副位在路分都監之下州府以下都監皆掌其本城屯駐兵甲訓練差使之事次要郡文臣知州帶本路兵馬都監武臣充副都監縣令有戍兵則兼兵馬

都監是都監或為專職或為兼官有路分都監州府都監縣鎮都監之異矣

武彊都監一人 孫供奉

佚其名娶南唐主李景女以供奉官為武彊都監見避暑漫鈔芳儀曲

兵馬鈐轄

宋史職官志有摠管鈐轄司掌摠治軍旅屯

戍營房守禦之政令其後要郡守臣帶兵馬鈐轄次要郡帶兵馬都監并以武臣為之副又有路分鈐轄是鈐轄在都監之上或專或兼與都監畧同

溪州兵馬鈐轄一人 許均

開封人咸平五年拜磁州刺史溪州兵馬鈐轄見宋史本傳

部署 通考真宗每用兵或令都部署兼轉運使宋史職官志不見此官大中祥符中真宗作戒諭文武七條其武



條賜牧伯泊諸司使而下任部署鈐轄知州軍縣都監監  
押駐泊巡檢據此則部署在鈐轄之上

本州駐泊兵馬部署二人 尹繼倫 淳化五年為涇州團練使本州駐泊兵馬部署見本傳 楊

嗣 景德中為涇州部署見本傳

涇州副都部署一人 王繼忠 開封人真宗即位領雲州觀察使出為涇州副都部署見宋史本傳

都巡檢使 宋史職官志巡檢司或數州數縣管界或一

州一縣巡檢掌訓治甲兵巡邏州邑禽捕盜賊事任福傳

言王仲寶為涇鎮保定永宣天雄六州軍巡檢此連數州

數縣者也通考大藩府或沿邊州郡或當一道衝要者並

兼兵馬鈐轄巡檢都監此則州郡兼官宋史又稱中興以

後分置都巡檢使都巡檢巡檢則名稱不殊而資序迥別  
矣

涇州團練都巡檢使一人 楊嗣 嗣由保州刺史改涇州團練都巡檢使見宋史楊信傳

監押 宋史職官志都監資淺者為監押逐路兵馬都監

兵馬監押掌煙火公事捉捕盜賊知縣宣教郎以下帶監

押

安平縣兵馬監押一人 韓綸 綸以宣德郎知安平縣事兼兵馬監押見吳安持詩刻石題名按通考元豐更

官制以宣德郎換著作佐郎大理寺丞政和間避宣德門改為宣教郎韓綸所居官即宋史宣教帶監押也

宋饒陽侯五人 趙仲均 太宗長子元佐之曾孫 趙仲沄 太宗第子元儼之曾孫 趙克已

廷美 趙叔猷 廷美玄孫以上均見宗室世系表

曾孫 趙叔毅 見宗室世系表



靜安縣君一人 有續觀音蘇軾為之贊 許氏

戍涿州者一人 李繼宣 開封浚儀人宣化三年以定州行營都監戍涿州見宋史本傳

使涿州者一人 歐陽珣 字全美吉州廬陵人靖康元年以將作監丞奉使割涿州于金至城下御節見宋史本傳

以上宋四十二人實三十七人

金源諸州有防禦刺史之分防禦州有防禦使一員刺史州亦曰刺郡有刺史一員涿州在宋為饒陽郡防禦金為刺郡刺郡官屬與防禦畧同惟防禦有州教授一員刺郡無之金史百官志熙宗始頒新官志換官格大率循遼宋之舊地理志涿州上州也

知州五人 賈震 守涿州在天會初見張億冀州學記 吳激 字彥高建州人以宋臣奉使留金皇統二年以翰林待制出知涿州見金史

本傳 任熊祥 字子仁燕人遼天慶八年進士入宋為武當丞後歸金為涿州刺史見本傳 施宜生 字明望邵武人宋人降金正隆二年以翰林直學士出知涿州見金史本傳

完顏弼 本名達希布蓋州明安人泰和六年涿州刺史見本傳

同知 金史百官志防禦州有同知防禦使事一員刺史州有同知州事一員同知遼始有之蓋與宋之通判職同來遠軍同下州則省同知大定十二年世宗謂宰臣曰朕嘗取尙書省百官行止觀之應任刺史知軍者甚少近獨涿州同知辭不習為可故用之即今居五品者皆再任當例降之人故不可也考百官志諸刺郡同知正七品而擢任刺史知軍為正五品蓋超遷也

同知涿州軍州事二人 胡礪 字元化磁州武安人皇統初由河北西路轉運都勾判官改同知涿州軍州事



郡守暴厲茂視僚屬常以禮折之郡守魏服見本傳 沈思忠 貞祐二年十月田琢屯駐中山遣思忠招集流亡尋加思忠同知深州軍州事見本傳

金刺史州官屬 判官 百官志同知通判州事正七品判官發判州事專屬通檢推排簿籍從八品 司候司

司候 正九品 司判 從九品 司軍 知法 軍轄兼巡捕使 均從九品 司吏 一人

抄事 一人 公使 上州五十四中四十五下四十四深州上州也當五十八 孔目官 運司押司官 知

印 知印及運司押司官均于孔目官內輪差

縣令 金史諸刺史州刺史一員諸縣令一員金制多沿

宋舊官志但紀本職故無知州知縣之稱

武彊令二人 王祚 漁陽人皇統中以昭武大將軍為武彊令見舊志 辛居實 見壽公和尚碑碑承安二年立其結銜稱

朝議大夫前行深州武彊縣令致仕

安平令一人 裴滿松壽 見壽公和尚碑其結銜稱懷遠大將軍行深州安平縣令金史百官志白號之姓有裴滿 欽

定金史語解作費摩金代族姓有白號黑號也

知鎮 百官志有知鎮從七品其設公使與縣同推驗司

戶口置司吏蓋諸縣公使皆十人而司吏員數則上縣中

縣下縣各異知鎮公使亦十人而司吏乃不常置地理志

深州領五縣一鎮鎮曰下博是下博有知鎮矣

河倉使 百官志諸倉使正八品副使正九品地理志武

彊置河倉河渠志凡諸路瀕河之城則置倉以貯旁郡之

稅若恩州之臨清歷亭景州之將陵東光清州之興濟會

川獻州及深州之武彊是六州諸縣皆置倉之地考百官

志景州刺史兼領河倉漕運之事據此則武彊河倉宜亦



縣令兼領然壽公和尚碑武彊令兼管勾常平倉不言管  
勾河倉是河倉別有使也

提控漕河事 管勾漕河事 河渠志泰定六年定制凡

漕河所經之地州府官衙內皆帶提控漕河事縣官則帶

管勾漕河事是時瀕漕河州縣有溪州有武彊縣

提控常平倉事 管勾常平倉事 百官志赤縣令兼管

常平倉餘縣不言食貨志明昌三年以遠縣不能就州府

羅羅始令各縣置倉命州府縣官兼提控管勾縣距州在

六十里以內者就州倉是不能縣縣有倉也

管勾常平倉事二人 辛居實 行溪州武彊縣令 裴滿松壽 行溪州安

平縣令兼管勾常平倉事並見壽公和尚碑

滄鹽巡捕使 食貨志置于溪州及寧津縣秩從六品大

定二十八年立

以上金十二人實十人

元代溪州牧令不見于史傳而置官益雜多後世所無亦  
一代之制也其州縣之稱上州則曰州尹中下則曰知州  
而縣則上中下皆謂之尹溪州自唐至金皆為上州及元  
史地理志始改為下州考百官志至元三年定制萬五千  
戶以上為上州六千戶以上為中州六千戶以下為下州  
是時州蓋不及六千戶矣諸縣之制六千戶以上為上縣



二千戶以上為中縣不及二千戶為下縣州屬無上縣地  
理志靜安饒陽皆中縣也武彊下縣也安平史志以為下  
縣而趙居仁廟學碑以為中縣當以碑為正州諸縣官吏  
唯靜安無考以不得碑刻故也

深州知州三人 葛君貴 晉州人至元末任  
見舊志及晉州志 邱子成 至正末以樞密院判  
守深州見舊志按元

史樞密院判正五品下州知州從  
五品此以京朝官臨郡蓋非常制 孫繼賢 武彊人見  
舊武彊志

武彊縣尹八人 岳德潤 至元十九年任見  
牛繼志廟學碑 周宗魯 南陽人元貞二年任  
見牛繼志廟學碑

鎖南班 秦定  
間任 王彥恭 秦定  
間任 田神都 秦定四  
年任 顏浩 山東臨淄人  
至正十年任 伯忽都

馬天驥 以上六人  
并見舊志 饒陽縣尹五人 李壁 蠡善人至  
元初縣尹 劉守德 唐縣人至元十九年縣尹以  
上二人并見王構廟學碑

龐詠 至元時縣尹舊志云  
見學碑碑今不存 耶律帖木兒不花 元貞時  
縣尹 李元 燕人至正時縣  
尹溫良樂易務  
得民心以上三  
人并見舊志

安平縣尹九人 史石抹山住 至元七  
年縣尹 史玉 高陽縣人大  
德元年縣尹 蔣舉仁 南樂  
人

德六年 馬惟良 保定人大德  
八年縣尹 張安道 大德十一年縣尹以上五  
人并見趙居仁廟學碑 邱祇 字士毅恒陽  
人至順三年

縣尹見張獲 張幹 至正五年縣尹  
見舊真定府志 王從理 字遵道藺州遵化人至正  
中縣尹見從理德政碑 張周 真定進  
士由安

州判官為縣尹大振儒教 綽有政聲見舊真定府志 四十六

達嚕噶齊 元史百官志路府州縣皆有達嚕噶齊太祖  
紀十八年夏初置達嚕噶齊監治郡縣 欽定元史語解  
達嚕噶齊頭目也舊作達嚕花赤元世祖命劉秉忠許衡  
定內外之官多從古制如達嚕噶齊從蒙古語者不過數



員

靜安縣達嚕噶齊一人 伯安万見延祐七年東嶽行宮題名

武彊達嚕噶齊一人 昔寶赤見牛繼志廟學碑

饒陽達嚕噶齊二人 四十九至元中任見王構廟學碑題名 乃蠻万至元中任見王構廟學碑題名

安平達嚕噶齊八人 四十九至元二十年任 刺速魯至元二十年任 站木赤至元二十年任

阿刺不老元至順三年任 鐵木答兒大德八年任以上五人并見趙居仁廟學碑 刺馬司監皇慶中任有遺愛碑

撒兒塔温至正五年任有德政碑

主簿 尉 典史 元史百官志中縣不置丞簿一員尉

一員典史二員下縣如中縣民少事簡則簿兼尉州所屬

無上縣其見于碑記者但簿尉典史而已

武彊主簿三人 康清泰定中任見舊志 靳民 侯威二人皆至正中任見舊志 尉十

人 邪律庭端 侯良弼武彊人 李仲榮以上三人均泰定中 孫善見劉因撰墓志 篤剛

不花以下六人均至正中 李庸 張仕禎 柴英 董良 陳良均見舊志

饒陽主簿二人 董忠至正中任見舊志 岳秀元貞中見王構廟學碑題名 尉二人

殷繼榮至元時 李也先元貞時均見廟學題名 典史三人 張羽 李祚

齊居仁均至元時見廟學題名

安平縣主簿六人 程亨憲宗時 李思義中山人至元二十四年任 孫祖敬字直中大都人

復字復初濟寧鄆城人 尉二人 禿哥鐵木兜大德初 宋和大德十一年見廟學碑

典史一人 李瑄大德十一年見廟學碑

官制



傅家池巡檢司 元史百官志巡檢司秩九品巡檢一員  
明史地理志潞州有傅家池巡檢司後廢疑其置司仍元  
舊也

教諭 元史選舉志路設教授學正學錄各一員散府上  
中州設教授一員下州設學正一員縣設教諭一員書院  
設山長一員教授命於朝廷中原州縣學正山長學錄教  
諭并受禮部付身各省所屬州縣學正山長學錄教諭并  
受行省及宣慰司劄付趙居仁安平學記稱教諭李曜而  
碑陰稱為教授者蓋後遷也以元史考之縣無教授矣  
武彊教諭七人 牛君供其名見太德元年牛繼志廟學碑 張德裕泰定中 王宗本泰定中 袁

克剛至正中 馬功佐博陵人按時無博陵蓋安平縣也 劉源 李儼邑人以上三人并至正中見舊志

饒陽教諭二人 趙立至元中 梁佐元貞中二人並見王構廟學題名

安平教諭三人 李曜字仲明本郡人至元中創立廟學繪塑孔子及十哲像于壁見趙居仁廟學碑 王璜見所撰碑

劉秉彝趙居仁大德十一年廟學碑陰秉彝為直學元史直學考滿又試所業十篇

源李天祐不著何所疑皆本縣教諭也舊志不載附記姓名于此

直學 元史選舉志凡路府州書院設直學以掌錢穀從  
郡守及憲府官試補今考饒陽安平兩學記其立碑結銜  
均有直學是縣學自有直學不惟書院然也史又言直學  
考滿陞學錄教諭後改以備榜舉人充諭錄而直學考滿  
為州吏



饒陽縣儒學直學一人

陳進

見王構廟學碑題名

安平縣儒學直學四人

劉秉彝

李果

李詳

祝明

以上四人并見趙居仁廟學碑陰祝明著聲律誇蒙一卷見秋文志

傅家池倉監支納

大使

副使

元史百官志河倉十

有七用從七品印品第不同皆屬都漕運使傅家池倉監

支納一員從七品大使一員從八品副使一員

武彊倉監支納

大使

副使

元史百官志武彊倉亦

河倉十七之一也其監支納一員從八品大使一員從九

品副使一員

武彊綱官

元史百官志滎陽等綱凡三十皆屬都漕運

使武彊其一也每綱設押綱官二員秩正八品每編船三十隻為一綱綱官以常選正八品為之

深州鹽司

元史食貨志河閒之鹽初止滄清榷課憲宗

二年改河閒課程所為提舉滄清深鹽使所深州鹽課蓋

始此矣而百官志作提舉滄清課鹽使所滄清課者滄清

深之譌文深課字形相近而誤當依食貨志訂正其至元

二年立清滄課三鹽司清滄二州而立三司則課當為深

其義尤著且憲宗已有深鹽不應世祖時轉無也及成宗

元貞五年滄清深三鹽司始罷見 欽定續通考

海盈場司令

司丞

元史百官志河閒鹽場二十二所



海盈其一也每場設司令一員從七品司丞一員從八品  
按諸鹽場元代言所在明初長蘆鹽場二十二所蓋循  
元舊成化五年巡鹽御史林誠疏稱深州海盈等場是海  
盈場在深州也

深州織染局大使 副使 照畧案牘 元史百官志大  
使副使照畧案牘各一員屬工部

深州趙良局大使 副使 元史百官志各一員趙良蓋  
人匠名也屬工部

安平縣甲局院長 史志一員屬保定軍器人匠提舉司  
總理武備寺

司吏 元史百官志諸路總管府司吏無定制隨事繁簡  
為額散府州縣皆不載司吏而選舉志至元十九年省議  
按察書吏有闕州司吏內勾補大德十年省准司縣司吏  
有關於巡尉司吏內依次勾補巡尉司吏有關於本處耆  
老上戶循眾推舉州吏有關於縣吏內勾補是州縣并有司  
吏其額蓋亦隨事繁簡為定也

安平縣司吏五人 金鐸 李恕 耿仁義 李杞 楊  
懷德

安平典史司吏一人 王沂 大德十一年廟學碑陰又有書吏邢簡所  
云書吏蓋即按察書吏也元史選舉志隨  
路司吏及歲貢儒人先補按察書吏然後貢之于部按察書吏依先例選取考試唯以  
經史吏業不失章指者為中選自至元二十三年始按察司每歲於書吏內以次貢二



名按是時各部寺監謂之令史路府州縣謂之司吏故知書吏為按察書吏按察書吏非本縣吏故不載附記于此

鄉司 元史不見鄉官疑鄉司亦鄉長鄉老之比百官志路府所治置一司以掌城中戶民之事謂之錄事司若城市民少則不置司歸之倚郭然則鄉司蓋錄事司為名也

安平鄉司一人

田珪

以上自縣司吏至鄉司凡七人並見大德廟學碑

諸軍鄂囉勸農事 此為路府州縣及達魯噶齊之兼官元史兵志至元七年命府州司縣達魯噶齊及治民長官不妨本職兼管諸軍鄂囉 欽定元史語解鄂囉缺也軍府名舊作奧魯元經世大典軍制序云軍出征戍家在鄉

里曰奧魯州縣長官列銜兼奧魯以涖之是鄂囉為兼官也百官志諸路總管府兼管勸農事散府與路同州縣不箸當與府同食貨志所在牧民長官提點農事至元二十九年以勸農司併入各道肅政廉訪司勸農之為兼官蓋自此始也

管安平縣諸軍鄂囉

本作奧魯依語解改

勸農事二人

鐵木答兒

以達魯噶齊兼管

張安道

以縣尹兼管并見大德廟學碑

帥府 元史地理志溪州元初隸河間置帥府按百官志都元帥四府元帥九府及宣慰使司兼都元帥元帥府者皆無溪州蓋太宗十年溪州改隸真定路遂不置帥府太



祖時武安軍節度使行溪冀二州元帥府事是溪州置帥府之證也

節度使 元史百官志無節度使蓋因循前代史所云金人來歸因其故官者也地理志武彊元初創立東武州領武邑靜安而立州不紀何年考安平之為南平州在太祖十九年其廢州復縣武彊在太宗六年安平在太宗七年則二縣之置州先後亦當相次計自太祖十九年至太宗六年不過十年間耳而舊武彊志載東武州節度使乃有五人疑其失實如昔寶赤為達魯噶齊見牛繼志學記而舊志誤以為東武州節度使又往往以節度使為

至正時官此皆其疏陋之最顯白者不足據依也節度使及東武州南平州蓋皆草創天下權宜之制尋廢不用東武州嘗置節度使即南平州亦當置節度矣惜無可考見耳

溪州節度使一人 王義 字宜之真定寧晉人太祖時攻溪州守帥以城降順天都元帥張柔上其功由趙州太守陞溪州節度使溪冀趙三州招撫使見元史本傳

東武州節度使五人 大黑廝 八刺 帖住 伯忽都

昔寶赤 五人并見舊志

行東武州事一人 李春 邑人後遷定遠將軍見舊志不言東武州何官據元史王義傳義為趙州太守則東武州當亦稱太守也



南平州千戶摠管府 元史地理志安平太祖十九年爲南平州於此行千戶摠管府事領饒陽一縣太宗七年復改爲縣兵志稱國初典兵之官視兵數多寡爲爵秩崇庫長万夫者爲万戶千夫者爲千戶世祖時頗脩官制万戶之下置摠管千戶之下置摠把按千戶摠管卽所云万戶之下置摠管也據地志則太祖時有之不起于世祖矣又地志謂南平州太宗七年復爲縣今考孝感聖姑碑云皇元歲丙午南平州帥趙澄丙午爲定宗元年尙有南平州帥則太宗時州復爲縣似未然矣豈太宗七年以後又嘗復置南平州而史失載邪抑鄉曲碑記或緣舊官僭稱而

失其實邪迨後則万戶爲府千戶爲所皆有達嚕噶齊與

初制絕異

南平州帥一人

趙澄

見孝感聖姑碑稱帥蓋卽千戶摠管

食采分地 漢魏爵土之制其後但爲虛号及元代則諸王妃主勳臣皆有食采分地見于元史食貨志此爵土之遺意也史言食采分地路府州縣得薦其私人爲監秩祿如王官其賦則五戶出絲一觔亦與漢代國相治民食邑輸錢之制畧似茲並箸之

分撥深州一万戶者一人

察罕台

舊作茶合解

大王位

太祖次子太宗八年分撥

太原四万七千三百三十戶十年增真定深州一万戶延祐六年實有一万七千二百一十一戶五戶絲六千八百三十八斤按金史深州戶五万六千三百四十号爲上州及



元代而為不及六千戶之下州者非必兵革殘區如是亟也蓋亦察罕台分撥萬戶而供王稅者因之大減耳

安平公主一人 呼嗇克庫哩頁額實 皇姑高麗王昭妃成宗元貞元年封見成宗紀語解呼嗇

克福也庫哩頁範圍之謂額實授記也舊作忽都魯揭里迷失

攻安平者一人 賈輔 祁州蒲陰人為金祁州刺史以衆歸太祖攻安平等縣下之見子文備傳

以上元九十七人實九十二人

右元代諸人其為蒙古部族者 欽定元史語解皆改其譯音茲官名如達嚕噶齊鄂囉等人名如察罕台呼嗇克庫哩頁額實等皆依語解改正其他猶從其舊者一州官吏名在史氏記者不能數人道光時儒臣校刊元史凡語解所無者皆仍其故茲用是例也然元世人名多有同者

是州諸官亦頗見於語解如鎖南班語解作索諾木巴勒索諾木福也巴勒威也鎖南班為武彊尹在泰定中元史順帝時有中書參知政事索諾木巴勒與托克托同脩金史疑即此人也伯忽都語解作布固圖布固鹿也圖有也順帝時有宮女布固圖蓋同名也帖木兒不花語解作特穆爾布哈特穆爾鐵也布哈牝牛也宗室諸王有三特穆爾布哈世祖時有西川都元帥特穆爾布哈順宗時有知樞密院事特穆爾布哈又至元中有同知貴州事韓特穆爾布哈泰定中有高昌王伊都呼特穆爾布哈皆非此邪律特穆爾布哈也昔寶赤語解作實保齊養禽鳥人也蓋



侍衛供奉之官此其以官爲名也乃蠻歹語解作奈曼岱  
奈曼八數也部族名也岱有也乃蠻歹監饒陽在至元中  
諸王表有壽王奈曼岱至大元年封金印獸紐殆非一人  
也教化語解作嘉琿鷹也教化監安平在大德六年太祖  
時遣嘉琿諭占城國主非此人成宗紀大德十年有江南  
行臺御史嘉琿劾江浙行省宣慰使李元宰相表至大元  
年嘉琿平章政事疑皆此人也鐵木答兒語解作特默塔  
拉特默駝也塔拉曠野也鐵木答兒監安平在大德八年  
太宗時有呼圖克行省特默塔拉定河南非此人元史又  
有鐵木塔兒語解作特穆爾岱爾至元二十九年特穆爾

岱爾所部民飢給米四千石振之亦非此人也撒兒答溫  
語解作蘇爾塔輝教也撒兒答溫監安平在至正五年順  
帝紀至正十七年知樞密院事托克托調客省使蘇爾塔  
輝攻黃河南岸賊破之疑卽此人也黑廝語解作哈斯玉  
也舊志黑廝爲東武州節度使在至正年考至正時無節  
度使亦無東武州則黑廝不知何時人宰相表至正十五  
年哈斯平章政事蓋非此人也八剌語解作巴拉守護也  
宗室有巴拉大王成宗紀有巴拉將兵又班巴爾之子亦  
名巴拉皆非此人惟太祖十七年遣巴拉追西域主扎拉  
鼎疑卽此人也帖住語解作鐵珠帖住節度東武州當在



太祖太宗時元統二年有吏部尙書鐵珠殆非一人也凡名字考見於語解者如此又有可推知者如石抹語解作舒穆魯蒙古姓氏也山住語解作沙卜珠字鉤也是石抹山住當爲舒穆魯沙卜珠也刺馬語解作喇嘛番僧也司監語解作斯戩眼也是刺馬司監當爲喇嘛斯戩也元史有站馬赤語解作扎木齊管道路人也疑此站木赤亦當爲扎木齊也李也先者姓從中邦名從國語也也先語解作額森平安也赤蓋存復者姓從國語名從中邦也赤蓋語解作徹辰聰明也秃哥語解作圖格一扎也秃哥帖木兒者圖格特穆爾也自如四十九刺速魯不老兀伯忽都

篤剛等語解所無不敢妄說也











二十年	武強	吳鳳鳴	武功舉人	吳永和	田義	楊繼湖廣人	胡馴	蕭縣監生	韓真	膠州監生
二十三年	武強	李琳	武功舉人	劉偉	李文綱	李濟	李濟	台州人	王愈	臨州監生
宏治元年	安平	張綺	吳一誠	趙餘姚人	劉昇	茹砥	陳微	金垣	姚紀	通渭人
二年	武強	趙鵬	蒲州舉人	于瀾	劉廷蘭	山東人	李濟	台州人	王洪	祥符人
五年	安平	呂鑑	鄆城舉人	王鵬	邱惠	姜英	勸廣人	劉孜	葉益	
六年	武強	曹之通	睢州舉人	王鵬	張詢	李文	禮泉舉人	尚玘	臨臨監生	
七年	安平	徐淮	武城進士	宋贊	嚴璇	趙中	鄆城人	謝豫		
八年	武強	張學	勉膠舉人	趙文秀	張詢	李應	舉苗人	張聰	保德人	
十年	武強	張李	裕州舉人	岳琦	楊秀	古韓人	嚴璇	全鑑	孫靈	錢塘人
十一年	安平	張經	濱州舉人	陳偉	張詢	嚴璇	趙中	鄆城人	王偉	華陽人
十二年	武強	劉昇	朔州舉人	王隆	趙鑄	臨清衛人	朱聰	全鑑	孫靈	錢塘人
十四年	安平	吳仲	井李	宿白水人	王隆	趙鑄	臨清衛人	朱聰	全鑑	孫靈
十五年	武強	張經	濱州舉人	陳偉	楊秀	古韓人	嚴璇	趙中	鄆城人	王偉

十六年	安平	張瑄	監生	任倫	李應	舉苗人	張聰	保德人	楊宗祿
十七年	安平	井李	宿白水人	王隆	趙鑄	臨清衛人	朱聰	全鑑	孫靈
十八年	安平	王瑄	許州舉人	周鴻	薛景明	司仁	李奈	荆廷獻	朱至
正德元年	武強	韓有	陽曲人	薛韶	崔經	李奈	荆廷獻	朱至	代州舉人
二年	武強	趙繼	宗同州舉人	王偉	息縣人	王錫	成寧人	文善	莊顯
三年	武強	邢大	經平源舉人	王恭	石州人	王錫	成寧人	文善	莊顯
四年	武強	仇相	淄川監生	劉琰	王友	福	李溥	文善	莊顯
五年	武強	張凌	漢陰舉人	姚紀	莊伯	玉	張銘	張綱	長安人
六年	武強	王廷	印東陽人	王友	福	李溥	文善	莊顯	城監生
七年	武強	方鑑	襄城舉人	陽堯	溫志	敏嵐縣人	王瑾	張鎰	段宜
八年	武強	王廷	印東陽人	王友	福	李溥	文善	莊顯	城監生
九年	武強	王廷	印東陽人	王友	福	李溥	文善	莊顯	城監生
十年	武強	王廷	印東陽人	王友	福	李溥	文善	莊顯	城監生
十一年	武強	王廷	印東陽人	王友	福	李溥	文善	莊顯	城監生

已七

職官

三











三十七年	饒州	崔大德長治進士	申廷翰林縣人	張文業	翟玠晉州人	尹良相磁州人	李時聘晉州人
三十八年	武強	馬世祿涇州監生			陳清晉田人	任彬蒲州舉人	
三十九年	武強	林服休侯官舉人			孫永保范縣人		王來聘長治縣人
四十年	安平	曹鉉伊陽歲貢	張尚志宜陽歲貢	郭子輔盛靈歲貢	謝仲輔華陰人	劉定恩縣人	姚麟潞安人
四十年	武強	張光漢武進人	鄭存仁臨清人	郭養正高平人	陳經	張汝卿新城人	
四十年	武強	賀誥渭南舉人	江進		張玘濱州人		任秉衡劇州歲貢
四十年	平安	都溫獲嘉舉人	文江青州歲貢		王棟和州人	詹鳳遼陽人	王進寶豐人
四十年	武強	張相靈邱監生			傅良弼家曲吏員	佳寬解州人	劉純封邱人
四十三年	武強	馬希龍屯留舉人			任守約堂邑人		崔敏山西人
四十四年	武強	邱雲章諸城人	侯翰汾西人		魏燦章邱人		梅和鍾虞長歲貢
四十四年	武強	張思聰陽武人			陳士傑澄海人	周柱丹徒舉人	賈汝陽曲陽歲貢

隆慶元年	武強	刑繼芳蔚州監生			黃鈇武康人	王之選遼東歲貢	安朝瑞孟嘉歲貢
四十五年	武強	張廷禮	岳景新夏津人	羅瑞天長人	朱隆涇縣人	劉仲端寶坻人	高謙厚秀水人
二年	武強	邢繼芳蔚州監生	賈鶴齡臨晉人	白繼孝興縣人	華節離縣人	李開臨湘人	程宗義邠州人
三年	武強	溫邦魁招遠人	梁國光	原一理掖縣監生	馮思惠	陳莫汝州人	萬言益都人
四年	武強	羅名士汶寧進士	張夢禎揚州人	張紆宣陽人	馮思惠	王浴祥符人	郭繼祖順天人
五年	武強	劉梓招來舉人	張克義濟陽人	郭玠汾水歲貢	陳鳳岐寧鄉人	張好問開州歲貢	陳國楨慶都人
六年	武強	錢博舉人	趙克義濟陽人	趙范榮陽監生	熊煥南昌人	陸坦孟津人	李旒景州人
六年	武強	張民咸進士	趙范榮陽監生	熊煥南昌人	李克明孟縣人		

己七

職官

一























國朝職官表

紀年	州縣	知州	州判	吏目	典史	學正	教諭	訓導	守備
世祖順治年	安州	任奇臨汾舉人	胡雲鵬廣西人	管一驪	楊繼裕蒲州人			孫拔德州人	尹志康熙卅二年以正定守備一員移駐涇州雍正六年調遷
二年	武強	佟鶴鳴滿洲人		周思莊山陰人	王光鼎蒲州人			郭養粹開州人	正定以饒陽把總移防涇州十二年因
三年	武強	劉朝宗滿洲人	李步東島崧貢	馮陽和山陰人	王琛順天舉人			張孔亮延慶人	州兼防三汛改陸千總馬兵九名步兵卅五名饒陽單志云舊志守城把總一員百總四名雍正五年改
四年	武強	徐爾謙滿洲人	顧獻宸廣西人						
五年	武強	李調陽滿洲人							
六年	武強	解體健滿洲人		趙秉乾山陰人	李容培平谷人			趙之選平鄉人	
七年	武強	田馭相高平舉人						王美昌平人	

紀年	州縣	知州	州判	吏目	典史	學正	教諭	訓導	守備
八年	武強	于進忠開東人						茹鄂侯順天舉人	李廣生順天舉人
九年	武強	劉憲通滿洲人	沈以驥臨湘進士	王仕正南昌人	王應麟寧津人				
十年	武強	賈英滿洲人		王周莊富陽人	楊奎秀鄆縣舉人			景奎程曲周底貢	把總移駐涇州而饒陽遂改設外委也饒陽馬兵三名守兵卅二名
十二年	武強	梁世通蓋州貢生		童光紹山陰監生					
十四年	武強	陳年毅		趙壁麟	張元健			張開新寶坻舉人	
十五年	武強	許守仁臨淮拔貢						郝文登義州舉人	
十六年	武強	周璋榆次進士	何爾彬於潛進士	自秀同州人	李宏海撫寧舉人				
十七年	武強	朱元龍平舉人		石獻五安陽人	劉光祥滿城舉人				
十八年	武強	崔從淵源拔貢	吳應聯開東人						
聖祖康熙元年	武強	鞏邦畿開東人		馮養性三原人	縣教諭				
二年	武強	林洪星		田愈彰富平人	至十六年復			郭化	

已七

職官

三



十七	武強	錢雨富進士	馬重光臨海人	張友黃天興舉人	谷之蕃靜海人
十六	武強	胡真會稽人	沈廣桃源人	雷通通州歲貢	劉清基阜寧歲貢
十五年	安平	張象坤安進士	李向榮通州舉人	李淑秀天城舉人	殷飛駱靈津歲貢
十四	武強	楊寺正黃旗人	薛國隆華州人	李向榮通州舉人	殷飛駱靈津歲貢
十三年	安平	管閣臨川舉人	毛永昌掖縣人	胡鵬天興拔貢	趙耀示年歲貢
十二年	武強	林堯英蒲田人	李九成	趙吉徽太興舉人	吳渠山陰人
八年	武強	謝賜牧祁門人	陳登鹿	陳性天	張進清苑歲貢
七年	武強	李模柳縣進士	李九成	趙吉徽太興舉人	吳渠山陰人
六年	武強	余明蘇判南人	陳登鹿	陳性天	張進清苑歲貢
五年	武強	李道光豐舉人	陳登鹿	陳性天	張進清苑歲貢
四年	武強	李道光豐舉人	陳登鹿	陳性天	張進清苑歲貢
三年	武強	李道光豐舉人	陳登鹿	陳性天	張進清苑歲貢

年	安平	胡文燁	楊廷泰州人	周之翰大興歲貢	韓之瑞唐山歲貢
十八	武強	孟振玉安慶人	邵廷謨	范宏基關平歲貢	韓自亮涿州人
十九	武強	何國琦富陽舉人	邵廷謨	毛九苞海城舉人	張進清苑歲貢
二十年	武強	李文英義州衛人	石在辰富平人	毛九苞海城舉人	張進清苑歲貢
二十	武強	佟國輝遼東廩生	唐世臣無錫人	石若琳安肅拔貢	楊六名慶雲歲貢
二十	武強	潘拱辰無錫人	張致教慶城人	石若琳安肅拔貢	殷四知任邱歲貢
二十	武強	陳六石直隸人	苗英河南人	鄭養長宛平舉人	黃衛東安歲貢
二十四	武強	陳聘之延平舉人	苗英河南人	鄭養長宛平舉人	黃衛東安歲貢
二十五	武強	張時升關東人	苗英河南人	鄭養長宛平舉人	黃衛東安歲貢
二十七	武強	李天培三韓人	苗英河南人	鄭養長宛平舉人	黃衛東安歲貢
二十八	武強	官朝京安溪舉人	苗英河南人	鄭養長宛平舉人	黃衛東安歲貢
三十	武強	洗國幹南海進士	苗英河南人	鄭養長宛平舉人	黃衛東安歲貢
三十	武強	李方遠汶上舉人	苗英河南人	鄭養長宛平舉人	黃衛東安歲貢

職官

三

韓永壽涿州人











































年	十四年	十五年	十六年	十七年	十八年	十九年	二十
安平	武強	武強	武強	武強	武強	武強	武強
鄭驥金谷拔貢	陸植山陰監生	王蕙蘭長清進士	羅鼎焜平樂人	袁遠吳縣貢生	汪寶樹泰安進士	張邦舉濟寧監生	顧誠滿洲副貢
孫志銘錢塘人	裴錫榮光山人	張之潛吳縣供事	王國楨蓬萊人	馬凱	陸熙錦縣人	戴頤大庾人	
范陳輝臨淄舉人	鄭聚奎臨淄舉人	徐元珍漢軍貢生		劉卿雲邳州舉人	白鍾元新城拔貢	張亮元雲津舉人	
					金慶熙清苑貢生		

年	二十三年	二十四年	二十五年	二十六年	二十七年	二十八年	二十九年
武強	武強	武強	武強	武強	武強	武強	武強
商作霖祥符監生	陳楷武威拔貢	王葆琛承德進士	周斯意滎陽人	魏祖德餘姚監生	錢湖著	裴季倫光山附貢	吳壽保山進士
孫志銘錢塘人	楊元輝漢陽人	陳建章密武副貢	文俊滿洲副貢	陳瑞桐	郭桂芳棲霞供事	宮南諸城供事	趙省三涿州貢生
顧懋名大名舉人	郭錦城蓮花舉人	趙省三	謝祖澄廣寧監生	李桓漢軍舉人			

職官



朱良保嘉定人  
饒葉溶光吳縣人  
深吳薰雲南保山  
州進士

張德華涿州人

名宦

舊志凡官吏有事蹟可紀者列為名宦州縣學宮各有名宦鄉賢祠鄉賢以祀其土之先賢名宦則宦是土之有名績者也今考於舊志得其事績著者具存其梗槩其有文字流傳者亦附箸焉俾後來者有所考覽

蕭伯辰清江人永樂八年任州自宋熙寧間治靜安及明永樂十年七月漳漳沱並溢壞州城伯辰疏請徙治吳莊即今治也去靜安故城三十里創井屋立廛市修廟學建壇壝設郵傳葺廨舍三年而畢具事載明一統志大學士金幼孜其故人也為文紀其事於碑明初伯辰前為州可



考者二人平原朱瑛華亭段嗣宗瑛累遷北平布政使嗣宗累遷山西布政司參政伯辰任滿遷南京刑部郎中後祀名宦

李鴻乾州人正德六年任是時劉六劉七爲亂所至殘破無完城鴻率僚屬分城死守晝夜不寢賊引去鴻爲政興學校飭武備撫流移百姓德之後祀名宦

程煌婺源進士嘉靖二年冬任初下車問州父老知有宋歐陽珣墓在州東南明年二月遂爲文弔之其詞曰嗚乎公平不偶挺生會國多難兮值崇甯廷諍和議兮忤羣佞迫遣割地兮變禍臨委身殉國兮語城者以死守被戮金

人兮魂爲厲以殺虜嗚乎公平生而爲英死而爲靈天壤俱敝兮萬古有名事曠世而相感心悲切而獨歎嗚乎哀哉尙饗

官一夔平度州人能詩詩見明詩綜嘉靖十二年任先是蕭伯辰遷治未及修城景泰間始築土城一夔到官城已頽壞遂重修之城周九里高三丈厚視高加五尺而殺其上得下厚四之一焉爲門名東曰迎暉西曰望嶽南曰臨滹北曰拱辰甕城陴堞皆用甗甗城門鑿石爲樞冶鐵爲扇鋪環以銅八越月而功訖大學士夏言爲之碑記州八蜡祠庫樓皆一夔所建一夔作原八蜡文曰八蜡祠者禮所



謂合聚萬物索饗百神者也夏曰清祀殷曰嘉平周曰大蜡今天下郡邑多有之余承乏潞州適鄰境蝗將索而祭之州人咸曰斯舉也不聞久矣余喟然曰非缺典乎乃卜社稷之北得善地故鄭太守之業呼其孫承勳與之直辭曰太守憂民以祈福吾敢利之乃爲堂設先農以下八主春秋以上戊舉祀凡有蝗螟水旱疫厲輒先告焉夫八蜡有祠非始於余也八蜡祠於潞蓋始於余也余懼悠悠者之議爲多事作原八蜡祠

錢榎山陰人嘉靖二十二年由刑部郎左遷來任始建名宦鄉賢祠自爲文書之碑其文曰祭法法施於民則祀之以勞定國能禦大菑捍大患則祀之鄉先生沒祭於社皆禮也古者帝王存德念功以樹之民表恒令有司率所在致祭入我朝茲典加重每郡州邑得建名宦鄉賢二祠以左右學宮歲春秋祀事禮舉嘉靖癸卯春二月丁丑余甫莅州之且適承祭先聖乃惟名宦鄉賢夙未有祠所余何率從民何所儀仰再閱月大侍御適檄下覈茲二典余喟然曰潞古名郡也治所數遷則蹟善遺事亟紊典易湮余用是懼索故籍諮時賢於名宦取其功得宋王鼎我朝蕭伯辰李鴻三人伯辰徙今治者勞不可沒也州卒謀劫庫應貝州反者王鼎斬之壩上賊劉六劉七縱橫河北所至無



完城李鴻能守胥於大患能捍焉於鄉賢取其德得唐魏  
知古張薦晉李自倫我朝王甯杜時劉瑄劉俊凡七人魏  
知古知諫道發國之奸張薦廷論盧杞李自倫同居之義  
王甯廬墓之孝杜時時輩稱爲夫子有足重焉劉瑄清介  
之士劉俊余聞其廉吏於大學士石熊峰集驗之非皆所  
謂鄉先生其人邪乃即學宮之前右方經始爲祠統之一  
堂分左右位祀之左祀名宦右鄉賢云梗在州議阻修滹  
沱議弛鹽禁議停堡工皆有益於民舊志不載其議河事載  
陸清獻所著靈壽志

余一鵬莆田進士嘉靖二十六年任滹沱流徙不常始蕭

伯辰遷治以避水及是滹沱又逼新治一鵬於郭外築長  
堤九里以禦水水至賴堤而全是時方議開河一鵬條列  
利害上之河議遂寢一鵬精會計里書飛洒加零多科一  
鵬一切禁絕遷戶部員外麻湖廣按察司僉事始一鵬前  
爲州者有吳縣伊伯熊遷同知繼一鵬後者霑化吳應軫  
遷河間同知蒲田張斌遷漢陽同知蒲州范學禮遷歸德  
同知欽縣程道東遷雲南知府其遷按察司僉事者自一  
鵬後有桂林周時中武安張光漢時中失其行省光漢僉  
事山東嘉隆間爲州以遷去者凡八人而一鵬最著一鵬長  
於聽斷始州民傅型嘉死其妻岳氏伏尸號哭遂自經尸



旁洪武十九年表其門爲建祠堂建坊有司歲時致祭蠲  
傅岳二家田賦給祀事其後羣豪民因滹沱北徙侵耕祀  
田嘉靖十四年有詔舉廢典父老言於知州文三省請檢  
覈此田羣豪赴愬上官父老得罪巡按周公察其誣判  
還田祠祀明年知州董琦至羣豪給董給之田券董授代  
去羣豪恃券益恣又盡購訟田舊牘隱匿之隆慶二年一  
鵬到官人有言此田者一鵬以無文牘可驗未發也羣豪  
大喜已而豪黨自相訐一鵬令依周巡按判豪不服愬之  
後巡按劉公檄州覈田一鵬具論田宜還狀且上經  
畫祀田條議而分其羨餘習讀法社飲諸儀劉公許之州

民大悅於是舊所隱占古社壇田盡自首還官一鵬記其  
事勒之碑碑今存張斌嘉靖三十一年任政尙威嚴歲歉  
盜白晝劫人斌悉禽治一州懾服嘗增築一鵬所爲堤以  
禦水患張光漢嘉靖四十年任性嚴毅其治綱紀肅然遷  
工部虞衡司員外去任民留其履懸於麗譙爲立去思碑  
後累遷山東按察僉事也程道東隆慶三年自工部郎左  
遷來任躬冒雨塞河構怨鄰縣卒自白於撫按兩院遷去  
州人立去思碑

李恩寵洋縣進士萬厯元年任後遷衛輝府同知州人霍  
州知州張天秀爲撰去思碑其畧曰公初令鉅鹿民爲畫



像建生祠爲涇州三歲遷去去踰年齊民張恒郭富陳仲亨劉仲禮義官王天祿等采貞石紀公績狀徵言天秀蓋公在州審編者二能均貧富所省千餘金上疏議河能明民利害州舊代饒陽納租銀六百兩公能與撫按力爭止代二百州舊僉恒山庫役一名僉役者家立破公能上文書力爭止派銀十七兩永不僉役州北有十屯十屯錢糧難徵納公請留爲本州官師俸錢公私稱便凡冗役冗費一皆裁革斗子庫子能與均調其紙戶不令攀陪麪糊不累小甲夫馬繁重書手飛詭一皆蠲豁社倉積穀至四千石其大政若此枝辭飾語不敢贅云

劉應民隨州人初爲淮安同知以能遷南京刑部郎會朝議出重臣治郡以應民知涇州精核強幹大豪倚闔宦撓法急持之奸猾斂手州常代他郡邑輸賦歲萬金應民上請停止修州志於民事利弊未嘗不往復深切言之也修廟學自爲碑記畧曰涇學故在舊城距今治三舍許永樂壬辰舊城圯於水文廟屹然獨存於時知州蕭公伯辰請於朝遷今治卜地於治東爲學而廟在灌莽中垂十年莫能遷永樂甲辰諸生竇啓等謀於學官蕭友信白知州李崑始遷廟今所草昧之初制多闕陋歲久蠹敗勢使然也萬厯丙子夏應民承乏是州視事之明日祇謁先師惻然



思所以繕治之越明年丁丑從計吏還迺與僚友計役差其緩急而次第之廟學前有隙地東迫民居購而拓之更新坊屏平剔穢翳坊左右翼以崇墉稍北鑿泮池半畝深可一仞爲石橋其上右池而前爲學門又前琢石爲櫺星門又前爲戟門門左爲敬一亭以覆敬一碑又前爲名宦鄉賢二祠又前爲東西廡別爲興詩立禮成樂三齋於明倫堂前功緒立矣乃庀材新廟木之腐者易之石之惡者精之基崇於舊者六尺於是父老聚遊以爲百年未與之役一旦觀成也廟成以餘材新明倫堂庖湑庫廐畢具移啓聖祠於明倫之北祠後爲號舍四十四間肇工於丁丑

五月落成於戊寅十二月釋奠廟下揖諸生進之曰汝溪有學所從來舊矣今役不違時財不殫訕惟溪民是賴有司與有榮焉士之自愛與父兄之愛其子弟俾遊息其中者可不思自策勵以求無負今日修學之意哉士所貴在厲廉隅明道誼處則增重於鄉邑出則霖雨乎天下策勳名於旂常流芳聞於奕裔始無愧先師垂世立教之旨若夫掇巍科躋臚仕則自諸生餘事耳何用喋喋爲諸生拜手曰命之矣退遂書之石以志歲月云應民他善政至多州人祀之名宦

閻煖項城舉人祀名宦

煖讀許元切漢書藝文志有龐煖三篇顏注許遠許元二音



張鳳翼長安舉人萬曆二十三年任爲政嚴明盜賊屏息以遷去官民爲立生祠始州但土城官一夔重修州城惟甕城及陣堞甃餘仍土也鳳翼始改甃城既去而井陘道山陰鄭一麟爲之碑記其畧曰永樂十年城圯於水遷今治猶未及城景泰間始築城然率用土遇雨即壞壞復修工役不息萬曆乙未張君來守惄然憂之丁酉城益圯於是議增築議上御史大夫李公令改甃甃城君集士夫謀之會入覲中止覲還衆意懈君獨斥俸錢召工創修西城二十餘丈有監生謝師教者率徒友數人願城六十餘丈於全役未能十一也復上請御史大夫發帑二百兩繼

直指喬公監軍大夫吳公御史楊公各助金有差計可給工費十之五於是州民奮興與甃若灰若薪木集城下未踰時而城完城高二丈六尺厚二丈八尺而縮其上建角樓於四隅經始戊戌六月落成己亥四月余代吳公來鎮喜觀其成也君旋以治績遷去新守金君請記其事遂書其事始終勒之石詔來者碑所稱金君名應鳳會稽進士多惠政民亦爲立生祠自劉應民後記載多闕爲州者多失其任事之年雖籍貫亦多不著其祀名宦祠者一人曰閻煖項城舉人立生祠者五人鳳翼前一人曰陳良知莒州舉人簡易清儉以遷去官行李無長物應鳳後二人曰



姚維新臨晉舉人治尚寬簡先為廣宗廣宗祀之名宦祠  
日陳鴻恩舉人不知何縣人其生祠在南關

孫士美華亭舉人崇禎十一年任明年十一月 大清兵

至率僚屬集士民誓死守禦城破正衣冠北向哭拜日臣

力竭矣又南向哭拜日兒不能事親矣遂自經於蕪蕪亭

留詩亭壁詩日敵騎繞孤城無援定不平君親本至性南

北總關情此日魚書急何時鶴唳清寄言青史上莫載罪

臣名是時薦紳守城者感士美之義乘城不去駢死城上

事具見武節志中僚屬同守者判官劉沛然選貢生學正

任尹邢臺人訓導王孟夏鉅鹿人訓導劉名言唐山人訓

導侯度昭吏目李春芳均從死無一人倖免者撫按奏聞

士美贈太常寺少卿勅建忠烈祠祀之僚屬薦紳同死者皆

從祀

案戊寅殉難舊志列訓導三人志又云明制州置學正一訓導二後裁崇禎

與據舊志王孟夏崇禎七年任劉後崇禎十六年 大清兵攻涇州知

州李燭吏目熊國俊亦殉節并祀忠烈祠燭山東舉人國

俊失其籍貫城陷抽刃自剄郡人劉之祿等義之買櫬葬

之西門外後四十餘年知州李天培更為封樹置守塚之

戶免其雜徭

李燭以前知州有名者二人日孟良胤鎮番舉人崇禎十

二年自三原令遷來以三原民攀留到任違限降職暫攝

據士美詩南北摠關情及舊志載其南向哭拜語是士美親自在南通鑑輯覽云士美父訥與一家同死非其實也



州事是時州新被兵斗米千錢官不能雇輿夫徒步出入治盜嚴而不苛遷戶部主事累官河南按察使曰張星金堂舉人崇禎十三年任清貧公服以紅布爲之熊國俊前吏日知名者一人曰李文弼秦中人崇禎十三年任有膽畧善騎射是時年饑多盜躬冒矢石禽捕魁渠瀕危者屢矣州境賴以安輯民間爲立碑紀績

右明

國朝任三奇臨汾舉人順治元年士民公保留任兵燹之餘修舉廢墜招撫流亡遷刑部員外  
陳一理滿洲人順治三年任安靜愛民後遷山東壽張道

朱衣助關東人順治五年任是時寇盜方熾衣助披堅執銳身先士卒境內安定歷官操江爲鄭芝龍所獲不屈死韓志道關東人順治十年任善聽斷愛士後遷陝西莊浪道

王維新廣甯人順治十四年任爲治明決夜不閉戶遷南陽知府州民詣撫按乞留者幾千人不得請爲立去思碑張泰階鹽城舉人康熙八年任奉 旨修濠牆事集民不勞

國初吏茲土有名者州判則郝獻宸何爾彬陳有謙吏目則童光紹署州事者則鞏邦畿胡文燿張時升學正則尤



子麟趙吉徵李龍光獻宸寯遠副貢順治六年任嘗署州  
事有廉能名歷遷廣東化州知州卒葬於溪士民醵金祭  
奠有悲哭失聲者爾彬於潛選貢順治十五年任操守清  
苦後遷丹徒知縣歷禮部員外郎有謙會稽監生有判官  
廳壁記畧曰溪州自兵燹後官廨傾圮康熙五年於州宅  
西更立判官宅其堂額曰協和則前任陳君所題也其內  
堂余顏之曰愛人後宅有樓名曰懷保樓之西偏爲書室  
有二槐因名曰雙槐軒余時登樓瞻眺城廓丘墟煙火如  
晨星惻焉心傷今水旱頻仍愧乏救荒之政徘徊兩槐之  
下胞與之念油然而生焉後之履是任者悠然遐思其與余

有同志者乎讀有謙此記知其君子人也光紹山陰<sub>生</sub>  
順治十二年任以遷去官士民餞送者不絕<sub>於</sub>道知州王  
維新面歎之曰子吏目官耳乃能得人心若此邦畿關東  
人正定府同知順治間兩署州事有去思碑文燿正定府  
通判康熙十八年來署州事時歲饑盜賊蜂起文燿設方  
畧禽大盜數人寘之法盜迹絕息出常平粟立粥廠食饑  
民載糧赴四鄉按名給散全活數千萬人復吏收之制去  
民解之擾定站馬之數歲省民數千金時升關東人康熙  
二十七年以邯鄲丞來署州事八閱月而去送者靡不泣  
下留其履於麗譙舊志例不載署事官獨邦畿文燿時升



政特著於錄子麟大興舉人康熙四年任學正不干有司以私後成丁未進士授岢嵐縣知縣以民貧徵糧不及額謫去吉徵亦大興舉人康熙六年任學正課士嚴後遷應山縣知縣龍光容城歲貢由訓導升學正好讀書工詩著五雲山房集十餘卷其偶坐道院對蕪萋亭有感七律云千載興衰已渺茫萋亭兀對野雲荒滹沱水國晴波綠恒嶽天邊樹色蒼建武君臣留勝蹟博陵城郭幾滄桑惟餘道院餐霞客暮鼓沈沈伴夕陽凡十八人皆有名績

李文英義州衛人康熙二十一年任有賢聲文英曾祖時芳萬厯時安平知縣祀安平名宦祠

李天培三韓人康熙二十八年任守清操務與民休息嘗曰吾無善政惟不敢生事以擾民而已斷獄不數語訟者自以爲不寃治盜嚴有茂山衛民盜束鹿縣民牛者不赴縣衛而來愬於天培天培斃賊杖下羣呼青天鄰邑士民皆願得之爲父母云制府于清端公榜其堂曰眞民父母在任十一年卒於官無子葬城南棗科民歲時祭祀道光初知州張杰請入祀名宦

郭維寧關東漢軍監生康熙四十九年任讞獄詳審曲直無假借州人服其明雍正初以奏最遷順慶知府尋調宣化知府



李發枝字鹿友山陰進士初爲上海縣有能名江南總督  
劾罷江甯知府陳公并劾發枝家食垂二十年陳公後起  
復入直武英殿數數言發枝賢張清恪公朱文端公皆重  
發枝 世宗登極召君入見授涇州以安靜爲治舊有公  
使錢千緡發枝革除之曰奈何以吾民膏血飾厨傳邪先  
是直隸州縣歲糶官米其糶補也從田分配發枝以爲病  
民力言於上官不聽左遷臨海教諭發枝爲涇州一年去  
州人走送闐咽馬爲之前後年八十卒汪由敦厲鶚皆  
誌其墓方榮如爲之傳

朱更武東平監生雍正二年任是時州升爲直隸先是州

隸正定府歲科試赴試者麇至正定錢用繁耗及是州升  
而試猶赴正定如故更武創修學棚請改試於州士人德  
之

徐綬吳縣監生雍正八年任自萬厯時劉應民修州志後  
入 國朝李天培於康熙時繼修之至綬又續州志自康  
熙丁丑至乾隆壬子三十餘載遺聞佚事網羅畧備

尹侃字衡峯嘉魚進士歷沙河肅甯交河三縣皆有惠政  
乾隆十六年任方恪敏公檄州縣立義倉設留養局侃建  
倉十二區設留養十五局所設施皆有文字在舊志惟義  
倉無記載其修城自爲碑記畧曰州城自明迄今牆墉盡



圯州向屬正定府雍正二年改直隸州轄三縣爲畿南重藩乾隆十六年五月侃來牧是州十九年度城制周一千一百四十三丈寬下二丈九尺上一丈七尺高二丈五尺甕城四通墩臺樓櫓計需銀五萬七千六十餘兩舊爲沙河肅甯交河皆嘗修城舊民聞風翕聚就工沙河民修北城肅甯民修東城交河民修西城州民自修南城二十年八月臣侃奉 旨升授南昌府宮保制憲以城未竣留治州事奉 旨俞允臣侃感激奮勵出俸錢於城四隅建樓亭城外爲溝樹鑿池種柳柳凡五萬株惟有明二百餘年修城均用民力我 朝工必發帑爲從古未有之恩今者

州城經始朞月而成父老方訝其神速也抑知官撥庫帑役成而民不勞自應命如響哉臣侃今復奉 旨補保定知府記此貽後牧守君子乾隆二十一年五月記其置義學田有文牘云乾隆十七年七月出俸錢買回安州地四頃有奇直銀八百兩安州生員宋學會願捐地五十畝凡地四頃五十五畝歲收籽粒供學師州城西呂仙祠旁舊有義學一所召才俊子弟入肄業請批答勒石垂久遠續又有一牘云州故生員宋士宏妻何氏出銀二百兩買回安州地一頃民楊顯宗出銀五十兩楊維章楊賜琳楊欽章楊賜琚楊耀前楊賜環共出銀一百五十兩買回安州



地一頃有奇均交官作義學公田凡地二頃三畝三分請  
量加優獎其置留養局公田文牘云乾隆十七年奉檄勸  
民捐資產留養貧民自出俸銀五十兩買回安州地五十  
畝爲倡今監生于贊臣捐銀二百四十兩買回安州地一  
頃二十畝貢生侯璘捐銀二百兩買回安州地一頃舉人  
張英發霍光祖趙智侯業煊副榜趙鰲拔貢生趙德儀生  
員劉福星郝麟張志聖武舉人張奐若共捐銀四百三十  
六兩買回安州地二頃一十八畝有奇共有田四頃八十  
八畝三分三釐四毫取籽粒資養濟續又一牘曰州故民  
周之德妻袁氏捐銀一百兩買回安州地五十五畝有奇

充留養猶不足又自出俸銀二百兩有奇買回安州地一  
頃四十五畝有奇前後留養局公田凡六頃八十九畝七  
分三釐六毫二絲每畝約收粟三斗可得粟二百石州戶  
五萬餘其窮者六百四十三戶七百九十九口向設局五  
所一在城東街在東曰大馮營在南曰王家井陳二莊在  
北曰西堡曠今於有義倉諸村各設一養局令各倉正經  
理之嚴寒將雪窮民七百九十九口人給粟一斗夏雨稀  
米貴亦人給斗粟公田所收籽粒足用可垂久遠恪敏公  
善之其築隄防水去官後嘗爲書萬餘言寄後刺史鄒雲  
城論滹沱河事其稱河所經道今皆遷改不常惟自述築



隄事至詳足示後來其畧曰十九年七月朔滹沱北徙決磨頭明日召被水民持畚鍤并集者三千人使隄塞決口隄三成三決侃乃取全境戶冊令十家助三夫夫挾口袋一草束一席一柳竿一器械自具裹三日糧來隄下擔荷瓜果麵餅之屬畢至聚列如市來助役者萬有五千聽鼓爲節并力齊施隄將合草束土囊爭投如雨下肩塊昇筐併塞成山決口三十丈頃刻而合遂成隄三百一十丈河決州人被水害者三千餘家衡水受水者亦二千餘家隄成衡水民皆稱謝州庭前年宮保公西辦軍事歸過此停轡曠覽久之方興役時侃親臨決口同民憂勞日則食

瓜忘饑夜則聽雨假寐席棚草宿官民雜處日色初熹官先到工範以紀律節以馨鼓十日而後竣事侃他所爲禁填宅陋規定私販鹽在百觔以下者枷責發落皆有文牘記載販鹽文見賦役門中侃所爲惟書院及州志未成後任鄒雲城始卒成之道光三年知州張杰請記名宦鄒雲城字擁書無錫舉人乾隆二十一年自元城知縣遷來到任首革陋規民大服時鄰縣災有富人居積鈞奇窮民憤怒將成大獄雲城奉檄往勘事得已擢河間知府初徐綬修州志其時州已升直隸矣綬書止紀州事不及屬縣尹侃始議入三縣於州志中未及成書雲城繼成之侃



又議建書院檢境內廢廟地十一頃有奇又得監生李爲  
燦捐銀百二十兩已陶甓規基址矣未及建遷去雲城亦  
繼成之其詳文畧曰升任尹牧於義學延師集生徒肄業  
買回撥補安州地六頃五十八畝三分爲延師膏火茲勘  
肄業處狹小又屬縣生徒未與入旁有呂仙祠士民願捐  
爲書院估計改建僅三百金州縣各願捐備今已竣役行  
文三屬縣各申送生徒入書院肄業規制依省城書院迥  
異鄉塾義學矣前置公田租息不敷用有尹牧查出廢廟  
地十一頃十六畝七分八釐三毫歲可入租三百餘石充  
入書院可垂久遠請核批勒石雲城又爲書院碑記畧曰

州治東南有恒麓書院明嘉靖間州牧余公一鵬所建頽  
廢日久前牧尹公侃有振興之志置有公田又檢得廢廟  
田將謀建書院擢任以去未竟其事余於乾隆二十一年  
莅是州遂謀之武強令姚君德文饒陽令羅君以桂安平  
令黃君河清欲續成之三君咸曰善相度地勢惟西城外  
三里所有呂公祠向爲諸生會課之所境遙地僻可資藏  
修爰偕三君捐資創建增棲士之舍購備書籍凡費白金  
六百兩有奇乞名於制府桐城方公公曰恒麓無考深爲  
故博陵郡即以名之額取生徒三十名後來者益衆自備  
錢用執經受業不下六七十人遐邇聞風蟻附庶可副聖



天子重道右文之意各長吏樂育英才之盛於是紀其始末而勒之石

李賊鄒平舉人乾隆三十三年任儉約州宅嘗磨麥豆以供餐

景文滿洲鑲黃旗筆帖式乾隆五十四年署州事刑不妄施人不敢試以偽

乾隆時州多名吏惜事績不詳其遷官去者嚴裕銓孝感貢生十四年任遷成都知府梁肯堂錢塘舉人乾隆三十九年任後至直隸總督鄭製錦溧水舉人乾隆四十二年任後官至直隸布政使其以左遷來者帥家相奉新進士

乾隆二十九年由侍讀學士降調來任

任銜蕙蕭縣進士嘉慶十四年任勤於吏治案無積牘後累遷通永道

張杰字伯良安鄉監生嘉慶二十五年由廣宗知縣遷任道光元年冬獲盜引見以知府用在州增書院公田六百五十八畝又增子錢千萬其振興書院大學士總督松筠奏請下諸州縣用爲法式杰又檢廢廟田五千四百四十餘畝立義學二百四十五區并見學校門中杰爲均減征役議載皇朝經世文編其下令裁雜差并見賦役門中茲紀其書院碑文曰嘉慶二十五年夏四月文瑞書院



工竣州人願余記之書院始名恒麓乾隆間改名博陵而實非其地余考其地爲唐張鷟故里乃易名文瑞自前牧鄒公雲城創新後歲加葺治嘉慶五年前牧陸公香森重修之不數年而圯蓋自嘉慶十年以來無人主講亦不歲修故也天下事莫患於壞前人已成之緒貽後人之戚州牧爲教養斯民之官書院爲培植人才之地舉凡修教術黜邪說立真品端好尚美風俗皆出於是即守土者竭力盡智俾有修無廢猶未知能無虧職事與否而况付之何有何亡聽其日頽月廢而莫之省哉余因是懼自莅斯土不敢諉諸後人以隳前緒乃出俸錢五百餘千以二月望

興工四月望竣事抑余有懼焉天下事非修其名之爲難修其實之爲難非勤於始之爲難善所終之爲難國家設官養士兩者相須當思所以責成謂何非徒以工仕宦市聲華能文章取科第爲事已也斯役之修蓋余與州人互勉之始今後毋徇名而隳實毋勤始而怠終則所爲各修其職以蔚爲文瑞者正未渠艾故述其修廢之迹并余兢兢之意志諸石後之來者其亦有采於余言同治十年知州吳汝綸請記名宦

張範東濟陽進士道光五年任重修州志成書至速乾隆志并載三屬縣範東又去三縣獨記州事範東嘗爲城隍



廟碑畧曰城隍之設蓋即古表畷附庸之意以義起者也  
道光五年余來深州見檐楹朽敗心甚惻焉明年將謀新之  
適旱象且成因蠲誠告廟籲禱神庥不終朝澍雨霑洽官  
吏交慶於庭農民互抃於野既耕既耨嘉穀蕃生於是屬  
州之紳耆籌材庀工氓隸競勸楹廡門垣凌虛曠日功將  
葺余適奉檄大名及還州人磨石待記余惟聖人神道設  
教勸戒善惡教率未必歆法律未必惕懾以神之禍福無  
不惴惴故冥冥之鬼神所以佐政教法律之不及也神必  
有依而著今廟貌一新州人春秋報賽凡水旱災異民所  
患苦者胥惟神是恃不揣謏陋輒爲辭以文其碑辭曰維

州與庶弁隸茲土州既有牧庶亦有主神於州者保佑羣  
黎祈請立應庶績咸熙維神幽贊爰飭輪奐士庶稠載班  
倅奏功靈爽攸宅有恤闕宮俾我四封雨時暘若寇攘屏  
息疫癘不作歲事其修億千萬秋吏茲土者敢作神羞  
李德字吉人華陰進士道光十六年任治尙威嚴豪猾懾  
服後官至山東巡撫卒謚恭毅  
陳希敬字笠漁海鹽進士道光二十六年任咸豐三年洪  
秀全遣其黨林鳳翔李開方北竄九月陷深州與州判顏  
錫敏皆以死殉事詳兵事門中錫敏曲阜拔貢生道光二  
十六年任



王啓會字秋浦蓬萊進士同治四年任是時捻逆肆擾中原直隸有馬賊結黨橫行蹤迹飄忽啓會到官見城垣頽敗難守下令境內民戶調夫修城分丈尺均役役三月而畢旋遷正定府未幾 朝旨命直隸督臣札行各州縣令各修築城垣以備寇獨啓會爲之於 朝命未下之先可謂知當世之急務矣後四年捻逆張總愚圍攻涿州能憑城固守不破壞啓會修城之力也

劉秉琳字崑圃黃安進士同治七年張總愚率黨犯畿輔自正月至二月往來州境三十七日秉琳率僚屬集士民分城守禦亦會李相國左文襄丁文誠等各率軍勤王諸

將麋至與賊馳逐賊亦無暇力攻城城亦固守不陷秉琳爲政有惠愛會文正公督畿輔疏舉賢吏秉琳與焉遷正定知府累遷天津道疆吏奏陳政績宣 國史立傳游智開字子代新化舉人始爲吏皖中諸公稱其賢會文正公督畿輔自和州知州調至直隸令署涿州務爲節儉簡易日坐堂皇大開州門有來訟者呼入爲判決饑則坐堂皇飯無事則挾書冊引聲高歌自奉薄妻孥布衣夫人紡績聲達外堂暇輒乘車斥從騎巡行郊野或下車獨步就田隴與父老絮語以爲樂合肥李相國嘗稱涿州游牧棗強方令以諷厲州縣棗強方令者桐城方宗誠存之也一



年補灤州去後累遷廣西布政使  
李逢源字問渠錦縣進士同治十三年自清苑縣遷來逢  
源故見賞於曾文正公到官未幾以憂去服滿遂不再出  
朱靖旬字敏齋安陽進士光緒元年任長於治盜境內帖  
然在州九年士民愛敬故事保定府缺總督於諸府中擇  
賢能調補朝廷選人補所調之府謂之遺缺知府保定府  
爲首府無自知州升保定知府者合肥李相國督畿輔久  
獨悉靖旬賢自涿州升補保定知府蓋異數也他州無有惟  
乾隆時知州尹侃自涿州升保定靖旬與侃後先相望亦  
自涿州升保定州人侈談以爲榮然侃先遷南昌知府雖

未到任尙爲會補知府者不若靖旬徑由州超遷也靖旬後  
官直隸按察使署布政使

王炳壇絳州進士光緒九年任以儉約愛民爲治任滿引  
去庶幾知止足者

乾隆後教佐事績多不著惟尹侃塞滹沱決口嘗委州判  
楊瑗率武強典史許遵王督近村築隄七十丈道光舊志  
載學正張廷楹河間舉人嘉慶二年任勤於其職士風一  
變在任十九年以憂去官後數過涿州諸生輒拳拳不忍  
別也咸豐時州判顏錫敏城陷死節事迹見兵事門中咸  
同間學正張德潤天津舉人操行端潔諸生敬憚咸豐五



年任同光間州判張映樞最知名映樞平定拔貢同治五年任歷任知州自劉秉琳游智開吳汝綸朱靖旬皆與友善屢以卓異薦汝綸爲冀州調爲冀州判汝綸去官始還涿州有讒之於布政使者布政大計時劾以年老合肥相公識其名曰此君歷任知州者皆稱其賢乙其名不劾初道光初張杰檢括境內廢廟田盡爲義學學二百四十五所籍記學所在村其學田若干畝在村何方何人佃田田收租若干石具箐於籍不令吏胥與聞久之學寢廢田所入租諸豪私據有之於是州每歲遣役巡視豪與役錢役還告州曰學具存無頽壞者州信之每歲遣役習以成故

矣及劉秉琳時父老言遣役之弊於官秉琳於是止不遣秉琳去游智開代智開曰遣役弊在役不遣役弊在村均之弊也於是檢察益嚴學一所延師何所人姓名何也諸生若干人何人之子何名讀何書年幾何皆記之册及去官以册授後任吳汝綸曰此前政張伯良善蹟也慎毋廢汝綸以册召師生詢之則盡妄也遂言於總督合肥相國李公曰學多如此幾於村村有學然州民往往連數村無一識字者此學廢驗也前政屢變法不能復振起非大革變之不可請檢學審廢者籍其田入書院書院一州三縣所公共耳目衆箐不致若村學散漫無可考也但恐後來



者以義學名美又還田於村學請定爲永式勒之碑俾勿壞李公然之於是得廢學田一千四百十九畝有奇歸之書院逾年汝綸以憂去代者還一田於村使復立學於是村村求還田不許是時州有大賈人在京師交通貴顯有勢力州人遂入京因大賈以通言事御史御史言之朝直謂汝綸廢州所有諸學而席卷其田所入糶載以歸事下李公公遣知名官李秉衡與知州朱靖旬檢視還報曰田所入足充師生資用者仍許還之村復立學不足立學者乃入書院是後村村請自捐田益舊田令足立學求還田田大率盡還而遣張映樞覈學田無令再廢壞映樞覈田

其法入村問義學何在大書義學榜於門問村人義學田所在四至與何人鄰買石書其田廣狹長短丈尺幾何其田畝有幾何方與何人鄰大書深刻於石而埋之田四際爲書告汝綸曰義學田自此其永不廢壞矣汝綸復書前廢學時田故在也學亦故在也田所入不歸學學師生皆人家自延請特借義學舍處之公等何以救其弊好爲之吾不復與聞此矣其後歲餘而諸學復廢吏目朱穎歛縣人同治九年任與張映樞善亦安靜能八分書

右溪州

武彊舊志名宦有傳者明惟成珍我 朝惟李模乾隆州



志增明代七人曰吳鳳鳴邵經馬充姚漙梁忠錢博學劉卿我朝四人曰劉朝宗梁世通李道光潘拱辰蓋棊慎矣今考於舊志復增於舊

洪武間知縣夏安禮王思道先後修廟學洪武十年知縣張惟康任惟康福建人後祀名宦

吳鳳鳴華亭進士成化二十年任嘗修廟學先是知縣施惠嘗修學及鳳鳴又增修之調蠡縣武彊人攀送不忍別後卒官喪過武彊人哭之如嬰兒之哭慈母也祀名宦

邵經江陰舉人嘉靖間任嘗丈地均糧賦發奸如神祀名宦

宦

張籍渾源蔭生嘉靖七年任始建崇聖祠先是吳鳳鳴後弘治間曹文通正德間宋銳皆嘗修廟及籍又重葺之曹文通睢州舉人弘治六年任文通創建兩廡宋銳新城進士正德十六年任初武彊科第無題名宋銳始榜題名於明倫堂壁

馬充陳留舉人嘉靖十四年任誅兇民孫德郭貴實大俠劉貫於法民德之

姚漙字維順慈谿進士嘉靖二十年由工部郎出宰武彊時上官科役繁漙一切不應修廟學創立名宦鄉賢祠又新縣宅又新後堂名之曰澄思堂其政事之堂名之曰親



民堂親民堂慈谿編修袁煒爲記澄思堂名宦鄉賢祠皆  
武彊編修歐陽暎爲之記暎與漣同年友親民堂澄思堂  
記不載載名宦鄉賢祠記曰名宦鄉賢祀於贊序國之大  
典存焉武彊學久廢是禮英服哲案豈乏構始之謨秀葩  
菁我非昧景行之志良以尙論貴當推戴宜孚是非之衡  
久而後定趨崇之義勢去乃平是以其難其慎用待將來  
嘉靖辛丑邑大夫慈谿姚君漣釋褐南省輟序冬曹綰綬  
臨民飛鳧試政剔繁飭廢則月生秋甸播惠平施則花滿  
春城於是旣奠樸氓思綜縟典蒐逸檢曠豐賁咸修樹極  
展規秩序罔墜乃遂戾泮水采香芹橫墳索召青衿商懷

古之道講振俗之務謂自有縣以來迄於今日循良之績  
豈弟之賢聲蹟遼邈世代疏闊雖甘棠不朽蘭茝傳芳而  
俎豆未修曷從仰止於是稽信史采逸牒考遺猷扣往韻  
質龍鍾之老詢博雅之士廣其議柄揆以大中其專城應  
宿奮庸展采功德著於斯土士民歌頌不忘者得節度使  
李春縣尉孫善知縣張惟康吳鳳鳴邵經凡五人曰是可  
祀爲名宦載及山川之毓桑梓之英行徵道誼風存大雅  
業望赫於當時聲藻振於來世者得光祿大夫孫惠蔚大  
理卿蘇瓊左僕射劉幽求翰林院修撰牛繼志知府李溟  
參議李衍凡六人曰是可祀爲鄉賢夫諸公之政與行不



同也而保庇蒼黎增輝閭里志則同方道無異致自今觀之或力障危邦矢勛屯會或撫存新造貽頌去思或肇建城郭害驅蛇龍或均平田賦弊清狐鼠或博洽墳典考定遺經或執守寬平匡回暴主或決策虎變銘勛旂常或捷魁龍化列職清峻或剖符百城風存長厚或敷歷旬宣業守忠清或著績前朝或策名聖代或簪紱粹彥或武弁勲閥或學克濟世或位不盡德其流波遺響餘緒往轍咸可以標準來賢振厲頹俗譬之周行矩戶衆所登由社木鄉泉人斯憇潤桂簧松韻揚其清烈景曜靈鸞煥其輝采誠恒漳之間氣趙冀之文獻所宜秩範膠庠奠食斯土者也

外此非無惠政豈絕芳藻顧禮崇嚴簡義取精英仍虛其餘以俟論定遂乃質成當道深獲嘉允稽謀僚庶罔不僉諧爰於明倫堂之右方肇啓二祠祠各三楹費出稍羨役取胥徒材因土宜規從地便士釋經而董作工獻圖而就緒弦望未周堂構落成雖事屬朔始厥制未弘有其舉之增美有地矣特涓令辰具禮奉妥弁定祭品儀章之制義兼質文禮酌今古載在縣典燦有成規姚君以書報予曰子不可無記予曰諾夫崇古所以勵今師往所以開來貴德所以淑世慕績所以起業樹聲所以宣化秩典所以立範操本所以圖大貯神所以握機粹精之懷曠然遠鑒和



中之韻悠然感通治之精也教之源也乃若繁書峻令密  
網深文揆攻立奧綴砌麗藻日以治以教也亦淺矣繼自  
今春秋供事歲月瞻依得無有相感而興者乎譬之蓀蕙  
杜蘅挹者必染其清香大圭古鼎觀者自厭夫華俗潛滋  
惠衷默撤塵想努升循列勉赴賢評敬之哉敬之哉是禮  
也肇采開先經成圖永則姚大夫惠宰教彰化虛已稽謀  
則督學侍御謝君九儀式賢尚古贊成嘉會則教諭馬君  
寫至於執經據禮考德問政協輿情扶公論則歐陽生曉  
也禮成遂紀其事并爲詩四章使諸生歌以奉祀其詩曰  
采芹采芹泮水之濱豈弟君子惠我下民民之隱矣君子

親矣民之馴矣君子仁矣采芹采芹泮水之陽豈弟君子  
德音莫忘維桑與梓君子之光逝矣逝矣百世其芳我思  
古人悠悠我心何以薦之采芝於岑鼓瑟鼓琴邈其調矣  
以續千載之音漳水東注亦孔之潔言念君子素心如結  
亦既降止我心則悅亦既右止對其芳烈後劉沛然亦嘗  
修學沛然商水舉人嘉靖二十三年任

胡慥南陽進士嘉靖二十六年任嘗修城隍廟歐陽暎爲  
碑記畧曰武彊城隍廟在邑之乾方建置年久厥制未弘  
嘉靖丁未南陽胡子尹是邑下車謁神見其卑歛湫隘慨  
然有維新之志以邑貧小又初政民故未信姑已之逾年



政立人孚乃令於民之向義者於是泉貨四集乃圖經始  
慮妨農廢業違時病民也檄耕穫寒暑時勿集大眾慮材  
或苦竄工未集也檄飭化播埴必以良慮民或競趨紛煽  
惑也檄庶人在官者役焉無踰常數又慮錢穀冗沓滋偽  
肇訛也檄民間自爲出納官不與知於是富者輸貲壯者  
效力智者施巧敏者司計匪棘匪弛崇基危構歸聳森嚴  
再踰歲功始落成胡子謂歐陽子曰子其書諸石歐陽子  
曰於乎遠哉胡子之志乎其政優矣其民和矣夫弊積而  
弗振有令而弗從者民罔和也惟和然後萬事可興故和  
不可以易致用威則乖用柔則靡用察則惑用疑則歉用

浮飾則侈用摧斂則戕用遲緩則廢用苟且則誤用勞擾  
紛更則敝用智力駕馭則詐用僻誕則愚之數者民所不  
與也弗和也以事神神且不食其餘胡子皆反是故曰政  
優而民和也神樂之矣乃登其事於石并爲頌五章使歌  
以祀神頌曰邃始兮無垠鑰混兮機沈曠浩兮忘鄰狃狃  
兮綦綦枝遶兮未分膠糾兮繽紛皇度兮軫民險植兮奕  
陳立化兮孔赫柄幽兮宰宓屏暴兮畀吉陰憲兮神秩祆  
殄兮嘉集貞庇兮猗黜佐帝兮宣律綏莫兮血食茂宰兮  
灌壇闕宮兮孔安翬驚兮虬蟠霓裳兮宿冠文杏兮曲闌  
修廡兮奧闈晶森兮滄寒燥碧兮暉丹御飄颻兮仙駕螭



爲驂兮鶴跨觀紫虛兮初下啓瑤函兮奏罷爲蒸民兮稽  
稷誅魃瘧兮協蜡驅風霆兮叱咤翊沕穆兮元化貽豐稔  
兮肆夏雲崒崒兮風颺颺兮星旗注椒醕兮核  
雪黎羞赤膾兮飯明粢靈其駐兮慰我思天錦翩翩兮光  
陸離秋有菊兮春有芝薦芳藻兮無休時民無疹兮更無  
私千秋萬歲兮靈祠慥有晚渡滹沱詩曰十里孤城背落  
暉驂駢西渡又東歸魂招宦海身多病望重仙舟事已非  
潭底蟄龍眠不穩沙邊驚鷺解高飛微官何物相羈絆慚  
愧年來未拂衣

楊衷字文溪鄆都監生嘉靖三十六年任是時天子修正

殿採木南方道路運輸他材物多所興辦畿內州縣運送繁  
億車馬罷困不能供役衷建議疏河轉運於是潑冀二州  
及武彊鄰近五縣歲省車四十五輛夫六萬二千名銀六  
萬三千四百九十兩衷於學宮前移碑亭鑿泮池又於滹  
沱之濱掘得石表二移置學宮左右爲題名碑左題科第  
右題歲貢歐陽暎皆爲之記二題名記不載載其泮池記  
其辭曰粵自元黃判位蒼黎肇始哲憇同途敦澆異趨靈  
睿首興瞻言惻憫式觀元始眇覲玄機廸闡性情詔序倫  
則是以賢關肇開教鐸始振掀葍琢璞鎔鄙孕英施直化  
枉義取風披涵翕御順功超憲糾五典所敷陳九德所宣



示三謨所登列兩雅所諷詠夏庠商序往訓炳焉星回文  
雍武鎬彝典昭如日燦崇尚菁莪修飾翰藻尙德明禮鑄  
行選言無非揭方圓之秘要寫健順之清英譬之升景樓  
而叩洪鐘則聞者神動趨巖廊而鳴佩玉則見者色莊教  
固多術其致一也聖代繼統穆清覃崇聲教赤縣神都靈  
臺首建窮鄉下邑覺序星羅論鼓以樂辟雍則四自咸服  
采芹以遊泮水則九有同風閭里英俊出環堵而遊宮牆  
蓬華時髦被褐衣而窺俎豆砥德厲行則希蹤顏閔稽古  
考業則羞比桓文橫經論難則動輕馬鄭披圖援典則遠  
信姬尼咀六籍之英華則麗藻珠傾漱百家之潤芳則錦

章玉瑩用能棟梁清廟黼黻袞猷鼎樹勳庸垂施馨譽山  
嶽齊其峙峯江海比其清流譬之陟崑崗而琢玉斧鑿所  
餘罔非琬琰之珍臨湘漢而浴蘭波漪所及俱有馨香之  
味遂使六合染粹七政同明歷年二百玉燭常調傳祚十  
聖皇靈益赫猗與永休哉亶乎未艾也於維茲邑介在漳  
濱土厚水深民樸物茂爰當異地載啓儒林金石遺文不  
傳經始之年古砌凋殘徒見頽欹之迹老儒倚席敞構邀  
星蒔蔬鞠草之譏昔聞前史子衿佻儻之誚豈宜清時會  
非偶然期將有待鄴都文溪楊侯起家西蜀賓藝上林學  
賦子虛久應薦雄之召仕紆郎綬不慚司馬之題分赤符



於天省飛蒼烏於神州方輶車之初停屬朝堂之鼎建採  
辦孔棘運曳旁午僕夫况瘁大夫賢勞侯乃茂建訂謨首  
開便議爰疏舊渠用濟新役徂徠之材溢達漳御有覺之  
選不負工師二州五縣歲省銀六萬三千有奇民力大舒  
邦猷用贊繼乃澄思政本返觀化源遠慕魯侯上嘉文翁  
視學行禮謁廟升堂進諸生語之曰泮水淤涸靈源不暢  
矩路之中碑亭礙窒思樂之義何居砥矢之道何由吾將  
改爲用諮耆彥於是諏吉創始遵制據經民子來以登材  
吏稽籍而息奸士釋經而董事工殫巧而獻圖先移碑亭  
於坎方即亭址爲沼未一仞有泉湧出清可以鑑甘可以

汲因贅爲泮池駕三橋其上闢廣宮牆重建門屏撤舊爲  
新易朽以堅民不告勞官無苦費百年廢典一旦維新眞  
樂區盛地矣諸生藏修之暇於此乎遊息焉則風追浴沂  
大夫政事之暇於此乎覽觀焉則義並干旄危梁峻起則  
拯世濟川之具存焉源泉不竭則觀瀾深造之理裕焉曲  
闌周回則防危翼正之義徵焉湛波中泚則澄性蓄粹之  
道在焉矩路端嚴則委蛇具瞻之範昭焉澡浴清潔則洗  
心滌躬之機寓焉芹藻芬芳則輸忠薦信之風啓焉漣漪  
激灑則修詞綴文之象呈焉宮牆高邈則扣關企聖之志  
興焉門屏洞達則明正無曲之度形焉金碧輝煌則賁文



受采之盛著焉結構堅密則固本累績之計周焉物質端  
良則天時地材之利彰焉造攻精緻則人官物曲之道盡  
焉崇樸以華蓋拙以巧則尚質右文之教兼焉易蠱以賁  
增卑以崇則撥傲升猷之旨在焉大而匪侈盛而匪奢則  
用中瘦則之訓懸焉瞻之起敬玩之起愛則嚴師慕道之  
化暢焉嗚乎噫嘻噫矣諸美備矣維師與生請予爲記予  
惟人存政舉地靈人傑其理相需炳焉彰矣自風雅道衰  
簿書風熾儒吏益鮮淺夫孔繁一染紛華遂乏貞素怠忽  
士林疏逃儒闕至有居崇臺榭而博士無瓊堂擁笙簧而  
鹿鳴絕響聞侯之風俛焉愧哉遂不辭而爲之記

錢博學萊州舉人隆慶間任修城置學田縣舊無志博學  
創爲之

劉梓招遠舉人隆慶六年任嘗修城隍廟右布政侯世卿  
爲之記又修廟學

劉儀字允敬杞縣舉人萬曆元年任家世科第到官不逾  
載修城郭均里甲貯穀粟來流移清訟獄去冗費禮賢士  
恤貧竄勤課業廣蠲復百廢具興初嘉靖中姚漙創爲名  
宦鄉賢祠在明倫堂之背隘於民居儀遷二祠於泮池之  
東西又新櫺星門教諭毛如錦爲之碑記

劉卿字孔源興安進士初爲臨晉令有能名以憂去官萬



言八  
三  
歷十二年再起來任自楊衷修泮池宮牆後二十餘年廟  
學未大修萬曆辛巳大中丞陰武督學朱璉移檄修學遣  
晉州知州舒九淵來規度或以財詘舉羸尼之遂止癸未  
邑人太僕卿賈如式與侯世卿謀各出十金致知縣郭效  
程以爲衆倡會效程病死晉州判官徐良材來攝縣事遂  
興工未幾卿下車始克成之如式爲之碑記卿爲人軒朗  
有節槩侃侃然丈夫也爲政明嚴任繁劇以卓異調滑縣  
遷吏部郎再遷河南觀察使於是去武彊八年矣武彊民  
猶思卿爲立生祠侯世卿賈如式皆爲之碑

閻球巢縣舉人萬曆二十九年任嘗修廟學新東西廡崇

聖祠  
成珍朝邑進士萬曆四十某年任身任民利病每單騎行  
縣詢民疾苦廉介祿養不給父貽書責之曰養犬守門養  
豕食肉爾得一官使我坐食貧何也珍報書曰犬強自猛  
豕壯自肥願大人少待父笑而置之會歲饑請發倉粟振  
民上官不許珍曰積穀本以救饑饉而不發積之何用我  
縣官也職在救民尙何待遂開倉發粟吏以利害白不可  
曰我以一官活數萬人命不亦可乎上官以擅發粟劾罷  
珍百姓數萬人叩閭乞留不得請去之日號泣送之二百  
里外戶戶祝焉後有薦於朝者補某縣其鄰郡饑民數萬



嘯聚爲寇上知珍能發帑金勅便宜行事饑民亦素知珍抵境叩頭呼救珍開諭之皆放兵仗去所發帑具存報命神宗嘉悅即以帑金寵賚之珍持賜金爲二親壽父果大喜後祀名宦

王九鼎潛山人天啓九年任重修泮池

明代武彊志不詳備吏迹多失不載僚佐尤甚嘉靖間訓導梁忠南海人深識邃學講誦不倦卒官後祀名宦萬曆初教諭毛如錦鄧州舉人嘗爲劉儀撰名宦鄉賢祠記嘉靖三十三年歲饑民高雄張佑等作亂肆掠典史王爵天長人集鄉兵擒盜魁斬二百餘人賊黨悉平崇禎十五年

武彊盜起真定府通判顏公臨縣舉保甲法各村自擒賊境內遂定此其吏績之僅存者

右明

國朝劉朝宗滿洲人順治年任嘗修廟學及崇聖祠爲政精察有膽畧時寇盜四起謀陷城朝宗廉得謀內應者數人杖斃之賊不敢發有大盜嘯聚千人直抵城下要朝宗出見朝宗單騎往泣賊驚服去嘗親捕賊被重創從騎死者二人而朝宗勇氣不少懼去官後縣人特祠祀之梁世通蓋州貢士順治十二年任質樸與民休息以遷去民老幼泣送立生祠祀之



李道光寶豐舉人康熙二年任愛士恤民修學宮補城垣  
葺養濟院嘗自爲修學記又構斗室於縣宅之後園名園  
曰樂豐名斗室曰則學軒亦自爲之記

李模字闕菴陝縣進士李自成在河南開科試士士皆避  
匿自成令曰不試者屠其家不得已皆出試日有爲文罵  
賊者有爲文痛哭者有故不成章者自成殺罵與哭者而  
劓則其不成章模與焉以故鼻耳不完 國朝丁酉以第  
一人領鄉薦己亥登進士廷試 章皇帝問之嘉其節康  
熙七年任武彊先是明季賦役繁重民苦無告定鼎初猶  
沿明故事模到官私征雜派凡爲民累者盡除之一時百

姓猶出湯火公餘集諸生校文講藝日以爲常寒暑不輟  
遷部郎去父老泣送不忍舍

潘拱辰無錫監生康熙二十二年任時年始十八吏役初  
易之及視事判決如流皆大驚服民有鄭安樂者無子有  
贅壻後自生子安樂卒後子長矣安樂妻中毒死不得殺  
者主名株連鄰里男婦十餘人訟久不決拱辰率羣訟者  
詣城隍廟禱於神曰願神決之宿廟中夜半告衆曰神告  
我矣捫磬而鳴者兇手也遂滅燭令各入捫磬已而呼燭  
驗皆朱其手蓋拱辰先以朱潛塗磬上而實其中使不鳴  
獨一人手不朱拱辰曰殺人者汝也一訊而服蓋安樂子



欲毒贅壻而誤中其母也懼馨之鳴不敢捫故手不朱一時服其神明時單騎勸農有訟者即郊野決之以毀淫祠得罪權貴坐落職後祀名宦

官朝京字子孟安溪舉人耿精忠既就俘妖人蔡寅聚眾數萬行所過不供資糧者輒以徇官氏聚族而居朝京戒眾保險賊亦不至由莆田教諭康熙二十八年遷武彊知縣會巡撫于公成龍喜猛鷲而朝京不事鞭扑于公下牒詰責不為動是時有司以耗羨充私入朝京獨用耗羨代貧民輸賦貧民以是終朝京任無逋負事見方望溪侍郎所撰墓表

洗國幹南海進士康熙三十年任其告武彊諸生文曰蓋聞緇衣適館雅慕名流良馬干旌願覲姝子父事兄事今豈無人王前士前古傳斯語文翁治蜀人盡詩書潘令栽花邑皆桃李自昔觀風問俗首在得人勿謂擷秀攀芳無關治理矧茲高山在望百里士而千里賢願任空谷遐心氣如蘭而人如玉有司之過也造士之謂何武彊邑號彈丸地稱首善人文嶽峙接恆麓之高華材彥淵渟挹滹沱之秀潤逖稽往昔近逮今茲孫惠蔚之淹通釐正雅樂皇甫興之節槩照曜河陰非人求官蘇安定之偉節扶危奠亂劉文獻之孤忠或敢諫直言動振山嶽或恤民潔己褒



美璽書國史垂馨郡人侈盛本縣叨膺 簡命承乏名區  
坐而吹笙風流之令公斯在入而鼓篋居稽之夙學如林  
值案牘之勞形復溯洄之隔面深山藏壁破鑿難施衡泌  
多賢馳驅罕效風徽藉甚聞聲相思饑渴怒如交臂無失  
屆茲明河引露白帝乘秋假一日以談文抗千秋而尙友  
分題授簡下榘研精聽鳥履於晨曦願毋後至屏蘭膏於  
夜照殆及同歸共惜分寸之陰各厲風雲之氣文思泉湧  
高飛北溟之魚筆陣鋒寒一掃中山之兔楮模先輩接續  
元燈鐵結網而月爲鉤掇珊瑚於大海郢運斤而般引墨  
栽杞梓於干霄庶幾爨下梧桐遇知音而響發頓令臺邊

騏驥經賞識而價高好爲人師詎下官所敢出去其自足  
諒高賢所樂聞諸公其噬肯來乎本縣且寔然喜矣其禱  
雨文曰陰愆陽伏實天災之流行修德謹刑賴人事之補  
救某到官之始齋宿神祠誓秉公平一持清白有善必獎  
無害不除上不負朝廷下不負百姓或徇私枉法受賄行  
賕紊亂是非顛倒黑白神必誅殛以代明刑下官愚忱神  
宜降鑒方冀與寒時若十日雨而五日風黃茂屢登九年  
耕而三年蓄乃任事以來石燕停飛商羊輟舞平疇廣隴  
徒見風日之散暄火耨水耕未霑雷雨之動潤枯苗槁穗  
赤地堪然觸石膚雲崇朝靳澤循行四野良用惻憫爲民



請命職在宥儻某殫心民社加意撫循日之所爲焚香  
欺人天日照臨赫赫難道則宜降茲殃疾集於藐躬百姓  
何辜宜蒙宥儻某殫心民社加意撫循日之所爲焚香  
可告神宜鑒別不令召灾方今聖人在上百神受職庶徵  
之應協於五躔清明之氣符於山淵神久食斯土宜予休  
嘉伏願反瘠爲膏易稔而稔省躬乃以靖位固下官職分  
攸宜福國兼以佑民允靈旗赫濯所在神其尙饗國幹嘗  
立義學二區皆自爲碑記  
黃嘉謨龍溪歲貢雍正八年任嘗修大成殿明倫堂

吳龍見武進進士乾隆九年任創立書院  
張述孔洛川進士乾隆十一年任籌銀百兩爲留養局子  
錢其後知縣姚德文又增銀一百九十兩德文漢川舉人  
乾隆十八年任是時縣人舉人張敦行生員婁俊傑等募  
金修小範橋成德文名之曰惠濟爲撰碑記武彊縣堂  
自明嘉靖間知縣姚漣修建迄我朝康熙間知縣李道  
光重葺後八十年至德文又重修之亦自撰碑記  
彭湜隆昌舉人乾隆二十三年任初吳龍見創立書院至  
姚德文名之曰滹川書院湜得婁氏別業改爲之易名曰  
萃升書院其後知縣郭玉又得銀一千六百兩田四十九



畝歸書院充費用郭玉當塗舉人乾隆二十九年任  
吳士泓元和人乾隆五十六年任整理書院追還舊貲共  
得銀三千兩爲書院子錢  
黃玉登順德人乾隆五十九年任是年武彊龍池河漲玉  
登集夫堵禦水不成災  
翟慎行涇縣諸生道光三年任先是滹沱溢並溢慎行到  
官修決口七所武彊有天平溝滹沱枝渠也凡五道慎行  
盡疏通之廣各一丈深五尺水有所歸民得安息道光九  
年慎行以秩滿去官已而再蒞武彊修廟學自大成殿櫺  
星門明倫堂名宦鄉賢祠皆務加高聳工竣慎行自爲碑

記又重修武彊志

余枋諸暨人道光三十年任咸豐二年再修五天平溝一  
如翟慎行故績

陳復恩嘉善監生光緒二年任七年調署他邑九年復任  
長於治盜

武彊入 國朝以來教佐事蹟尤少惟知州尹侃修隄時  
曾檄武彊典史許遵王供役殆能吏也道光元年教諭梁  
遵誥嘗集士大夫重建崇聖祠及翟慎行修廟學遵誥與  
訓導劉相典史成瑞皆與有勞焉遵王烏程人遵誥獲鹿  
拔貢相臨榆人瑞仁和人光緒時教諭潘恩增最有名鄰



縣諸生皆來問業

右武彊

左良弼洪武八年任元末廟學毀廢良弼更立廟學

孫緒洪武十年任均賦役清刑罰以廉能稱縣人懷惠事

載明一統志後祀名宦縣志云秩滿擢監察御史

劉用景泰二年任嘗修廟學爲政愷悌嚴明

張幹成化二年任嘗修廟學在任招流移賑貧乏

徐淮武城進士弘治十三年任更前政之不便者定戶口

均征徭省刑敦化斷獄明允人不敢干以私躬督吏民修

築縣境河隄決口十餘所在任三年政聲茂著後祀名宦

趙繼宗同州舉人正德五年任是時霸州賊劉六劉七齊  
彥名楊虎李隆趙風子邢虎等聚黨十餘萬剽掠州縣正  
德六年攻饒陽神武衛指揮杜輝追擊至君道村賊圍擊  
輝輝兵少力戰賊殺之四柳樹下輝臨危猶手刃數賊輝  
死賊亦解圍去繼宗率士民撫輝尸號泣聲徹數里過者  
不忍聞輝後祀饒陽名宦祠

仇相字君左淄川監生正德八年任爲人樸實慎重規  
畫精鑿甫下車躬履鄉社問民疾苦別貧富差等而登籍  
有徵發按籍行之靡不均平奉檄修城板幹奮揮取辦於  
官徒庸財用召募於民基廣三丈六尺高四丈有奇延表



三里所建三門東曰瀆美西曰安阜南曰饒川在官九年  
境內大治後祀名宦祠

丁忠霑化舉人嘉靖三年任爲政不事矯飾專務利民喜  
課士去官民爲建祠後祀名宦

秦世顯涇陽進士嘉靖五年任勸課耕桑振興學校以小  
牌書舊盜姓名有失事輒捕得數月後道不拾遺公餘誦  
讀如寒素三載境內晏然

姚鏗嘉靖十三年任剛方公正人不敢欺

楊東山祥符舉人嘉靖十五年任慮漚沱爲患浚隄築隄  
又於郭外築遙隄令民雜樹其上後饑歲民伐隄樹易米

河溢而城不損是時縣困商鹽東山教民煎鹵輸課悉罷  
諸商民祠祀之

張瀾濱州舉人嘉靖二十五年任斷獄明果有布商憇柳  
下失布命伐樹昇堂下訊之縱觀者不禁旣入人罰布一匹  
罰已召失布者驗之得所失若干匹因獲盜盜以故屏息  
張仲孝字彝先東莞舉人嘉靖三十五年任修廟學牆宇  
門廡齋舍倉庫皆改卑隘爲高敞卧碑泮池皆創建之置  
禮器一百一十三事又建名宦鄉賢二祠五月七日經始  
六月十五日告成不勞民財制度一新有碑記仲孝又創  
立近聖書院



崔大德長治進士嘉靖三十七年任革弊抑強吏畏民服年饑勸粟煮粥全活萬餘人

邵型隆慶元年任嘗修近聖書院興學育才愛民緩刑

羅名士汝寧進士隆慶四年任初下車滹沱爲害力籌扞禦饒陽故上縣名士請於上官改爲下縣又嘗爭止商鹽士民祀之丁忠楊東山祠中

李守真沁源歲貢萬曆元年任廉明任事以滹沱橫決幾壞城郭踵楊東山故蹟築外隄植柳三千株蟠根護隄民享其利

孟陳堯安陽舉人萬曆五年任嘗爲饒陽縣題名記曰饒

陽趙長安君舊封也勢卑下田多饑瘠滹沱之患尤劇罷民困於沮洳守吏勞於障禦密邇聖化殿最易徹吏茲土者恆惕厲罔敢渝詎謂蕞爾之區治無難耶萬曆丁丑陳堯膺命作令殫心畢力思遠愆尤愧未能也仰稽前哲自范自淑文獻無傳焉旁求郡志參酌輿評得若干人乃謀題名用資觀省惟朝廷之秩吏所以爲民也政弗宜時則悖法弗鏡往則拂安於故常或失則弛勇於振作或失則擾準的端軌審是塞違治其庶幾矣乎又聞君子之論政也禮至而下作肅畏之以威則削澤究而民知慕繩之以法則離事趨謁者媚炫浮名者飾倖近功者疏勤小惠者狹



漁巧則貞喪機深則朴鑿得則治失則否可不畏哉可不慎哉人者己之師古者今之視匪師弗省匪視弗程是從仕者之關鍵也書曰人無於水鑑當於民鑑然則是刻也不亦可以觀可以興哉陳堯不敏敢永憲於斯石

王之紀興平選貢萬歷二十年任嘗爭止商鹽

翟耀商河舉人萬歷二十五年任到官頻歲災祲盡心荒政嘗爲饒陽救災記畧曰余自丁酉仲冬來宰是邑及己亥春夏大曠田不任耕六月未霽雨浹旬滹沱滋交溢田廬盡沒高阜復生螟螣殘食無遺初發社倉繼發預備倉又移臨清德州二郡菽粟四千一百石以賑以糶饑饉之

後因以疾疫施藥煮粥就食愈多擇寬廠處散粥出俸錢糶粟爲倡於是耆老諸生繼之富家爭效之自數百石數十石以至三斗五斗車輸馬送不絕余親歷諸廠擇殷實者分董其事自冬迄春民賴以存活秋復曠蝗及今茲辛丑復煮粥兩月迨夏四月覈貧丁應賑者幾萬人請發臨清天津粟一千一百石慮不足以賑勸輸恐不復應不謂相率施捨者猶前日也或菽或粟半月一散終七月乃止三年災賑所費數千石全活數萬人士風一何厚乎爰伐石記姓氏樹之通衢以昭大順之淳風饒陽廟學曹宗參與修未成而去耀卒成之有碑記宗參壽張舉人萬歷二十



三年任燿承其後初饒陽久無縣志燿始創爲之  
萬獻策咸甯舉人萬歷四十年任修近聖書院高邑趙忠  
毅公南星爲碑記曰異時天下郡國往往有書院而饒陽  
有近聖書院嘉靖丙辰張公仲孝所建也隆慶丁卯邵公  
型修萬歷初江陵擅政盡毀天下書院而饒陽以僻邑獨  
存辛丑翟公燿欲修未果壬子關中萬公下車觀書院頽  
圯嗟歎久之明年乃首捐百金議修書院令出而士庶響  
臻輸者忘費作者忘勞五閱月而告成聽事三楹後爲尊  
經閣旁爲號舍二十間闕門屹墉寥朗岑寂可以盪懷可  
以凝神乃掄士之秀者聚而共給之時時爲之講學士日

聞所未聞駸駸興起矣邑老奕菴路公余所厚善也學博  
嚴君心師王君以德李君服周命諸生田播屈允直陸文  
邃李芳春持路公書來求記余每歎今之世可謂極衰何  
以徵之士大夫以講學爲姍笑曰古人未嘗講學然則孔  
孟程朱與其徒講問者何事耶或又曰古人之言備矣不  
必更言夫古人之言今人一一行則可也而率咫尺不行  
又禁人勿言不亦惑乎春秋時周大夫原伯魯不說學閔  
子馬曰周其亂乎夫必多有是說而後及其大人曰可以  
無學無學不害春秋去古近其朝會聘問未嘗不講禮也  
其燕會未嘗不賦詩也其動作威儀未嘗不言敬也而猶



曰無學不害蓋以載籍訓典爲學而不求之身心故也矧今之時教士用人皆苟且益無所用學是以臣紀士風皆壞勤襲記誦可以取青紫其高者一旦而頡頏公卿故不貴貴少而得志髮種種者可厭也故不長長人生都華靡多金錢耳何以仁義爲故不賢賢不貴貴不長長不賢賢大亂之道也今朝野皆然此不學之故也儻士大夫不以講學爲姍笑而勤心從事焉則君子日多風俗日厚國家生民有攸賴而天下可治萬公之爲饒陽教化大行閭閻清美上下逃邇莫不頌服此講學之效也夫欲爲良農者必講於穀造之宜欲爲良醫者必講於鍼砭之術欲爲君

子者必講於聖賢之學內以修身外以救世無出於此者書院之修議者以爲非此時之急務修身救世無時非急務者此時爲甚非萬公何足以知之獻策旣修書院又以已俸二十四金買負郭膏腴田二十七畝有奇爲學田自爲記曰天下郡邑有書院以造士有學田以養士兩者未可畸輕畸重壬子余蒞饒陽明年建書院廣文嚴君告余曰饒陽學田肇端於魏學博汝梅集成於秦令君繼宗倡義於薦紳路太守暕已得田若干畝今書院告成資給未裕子盍廣之余曰守土之責也乃出俸二十四金市近田二十七畝有奇充饌具而紀其歲月田之成數有封有畔



租之出納惟覈惟謹後之人不致湮滅則所留大矣彼諸君子官不同時產不同方而同爲饒陽計者不如是耶時教諭嚴心師綿州人訓導王以德清苑人李服周開州人先訓導今邢臺教諭谷九麟豐潤人皆於學田有勞者李肩華汝陽進士萬曆四十五年任能詩善書溫文都雅而剔奸弭盜有龔趙遺風縣人建祠祀之

唐順徵睢州進士崇禎九年任饒陽故土城兵事起屢議修城不果順徵至以民貧富定工多寡不三月而城成又製礮儲火藥纖悉具備後戊寅壬午甲申城三被圍攻皆不壞縣人祀之

明代饒陽學官可紀者教諭閔鎬秦繼宗皆祀名宦鎬引治十五年任修學訓士繼宗黃岡解元萬曆三十四年任繼宗揭朱子白鹿洞學規并修行聽講會文三約以造士購置學田後登庚戌進士著有禮記疏義行世饒陽舊有馮母廟其廟記云光武抵饒陽造庭請異異以母辭母伏劍死舊志亦載其事繼宗據正史辯其妄又言禮別嫌明微馮母不當塑像立廟皆有經據其因事附見者嘉靖時教諭李應元嘗修廟學應元河內人嘉靖九年任萬曆時主簿張廉建敬一碑亭東西書室廉壽光人萬曆十八年任孟陳堯饒陽題名記所列僚佐曰莘野趙君者主簿趙



待聘也滕縣選貢萬曆五年任其云學博恆陽鄒君者教諭鄒文學也真定神武衛人萬曆六年任又云古雄張君洵陽李君者訓導張鈕李先方也鈕雄縣人五年任先方洵陽人六年任萬獻策學田記云學田肇於魏學博汝梅汝梅湖口人萬曆二十五年任其所列綿州嚴心師四十年任清苑王一德開州李服周皆四十年任豐潤谷九麟三十八年任又訓導時曜有儒學題名碑見金石門

右明

國朝劉世祚臨清選貢順治二年任時兵燹後重以滹沱橫決民無安土世祚招流亡繕城堡政通人和饒陽賦役

原編下則當事以城未殘破改上縣世祚力請仍舊從之饒陽舊蕪萑在草廬村世祚移之城關自爲碑記畧曰蕪萑亭在縣北草廬村距城五里許光武自薊南奔馮異進豆粥處也後異入謁帝猶念蕪萑豆粥厚誼異對曰昔管仲願桓公無忘在莒臣亦願國家無忘河北之難嗟乎王者茹荼集蓼經營草昧誠不憚艱難勞瘁至功成業定覆以琉璃砌以瓊玉玉食萬方若爲我固有何復問草莽顛沛上下依倚時事彼爲之臣者奉觴上壽飾太平盛事猶恐觸忌諱抵禁網免死狗烹醢俎禍及也如光武與異可謂相與有成終始無間矣蕪萑一亭漢室中興之盛蹟也



何可不修余相草廬地卑溼每滹沱汎溢木漂石沒頽然  
土阜耳加葺一時終不可久因卜地城西關立址焉是爲  
記世祚此文作於國初意主諷諭甚得古義

林堯英莆田人康熙八年任有文學是時教諭胡一鵬有  
賢行堯英爲立德教碑其畧曰今 天子崇尚文教廣厲  
學官始命禮臣請復歲科試饒陽邇在三輔服教近光遠  
越乎函夏於時學博紫霄胡先生舉比式化已八年所矣  
會余奉簡書入司都試衿佩如細祖帳郭門外前揖曰公  
在饒陽以獎進士類爲務膠庠之內濟濟翼翼喁喁如也  
吾黨所朝夕訓行則胡先生實路車之秉軸決拾之正鵠

先生報最方邇行當擢去諸生不忍別惟公習先生深敢  
丐一言紀功德垂先生遺教於不衰余曰善昔聖王在上  
政與教一而學之統尊故爲之黨庠術序以聚之爲之鼓  
篋宵雅以端之爲之干戚羽籥以導之爲之三年九年以  
循之要非徒然而已必立之師以專其董率焉其時文蔚  
行修故往往大治後世政教權分此明體適用之士所以  
難覲也我 國家人文化成造士之典章於雲漢敬慎而  
宣布之非學官其誰任先生起家鴻都貫穿六經以高第  
試春官秉鐸東光遷內黃所至有績語在薦紳間泊莅饒  
學也學宮壞謀之前令余公明彝經始修葺而余公中道



棄捐先生引爲己任不鳩士財不督民役一石一瓦一杙一椽一絲一粟手自擘畫自寢殿宮牆堂基泮池門廡俎豆胥易而新之購葦田數畝歲供庭燎有功於庠學甚鉅育士之法使各求心得有諍訟則諭釋之乏膏火則分緡粟給之逋賦則代之輸納而不責其償好義如此邑有老人歲時率諸生奉几杖唯謹噫何其至也夫以先生之德教舉負牆而請業者沐浴不變固其宜也乃至陬滋樸魯嬰耄孤嫠靡不聞而化之此豈人力也哉吾聞胡氏先文定公授學荆南訓說務本忠孝安定公經義治事二齋爲太學法式先生光昭前緒所謂忠孝之旨與經義治事之

業一以貫之諸生生右文之代得師如此可不勉與遂憑軾書其涯畧爲他日人文化成之左券先生名一鵬紫霄字也順天人

何國琦富陽舉人康熙十九年任發奸摘伏盜賊屏迹後祀名宦

陳苗實考城舉人康熙三十九年任立誓勤廉卒踐其誓高澄翼城舉人康熙四十九年由教諭遷知縣年已八十矣神明強固於吏胥不少假詞色舊時錢糧起運奏銷皆有冊費縣責之社書社書取之民猾吏奸役在閒漁利每歲科斂至數千金澄出俸錢代給絲毫不以累民歸之日



父老焚香泣送至數十里不忍別

李佺懷遠舉人雍正九年任嘗修廟學

侯珏臨汾監生乾隆四十年任開七溝以澹水災事載河渠志能詩舊志載其饒陽懷古詩曰昔日饒陽地風情慷慨多炊煙猶豆粥春雨見滹沱戍古流鶯語亭空牧馬過可憐東漢業日暮滿漁歌

單作哲字子明高密進士嘗從桐城方侍郎苞學古文詞乾隆九年任課農桑崇學校修志書新孔廟興廢舉剔宿弊饒陽賦役舊用差催多需索包攬作哲爲順村滾單令地方傳諭舊辦差徭派自里社胥吏因以侵漁作哲借富

家車馬官給芻糧不累及貧民民歲斂千金僱募鄉勇作哲詳請裁革酌留壯丁十六名守城垣官給工食  
范鎔會稽人乾隆十五年任立留養局三所後周天度又增三所天度錢塘進士十九年任皆見賦役志是時知州尹侃修陳祥瑞麥兩穗馬雙乳集文士歌頌爲美天度曰吾以年豐爲瑞不用他瑞侃聞而愧之  
王子音武甯拔貢嘉慶十三年任嘗修廟學用錢五百萬其後道光時再修之役始於知縣趙強落成於知縣曾貫之強失其籍貫道光十九年興功貫之安順拔貢二十三年任



李朝儀字藻舟貴筑進士道光二十九年任及曾文正公督直隸朝儀去饒陽久矣文正奏薦循吏後累遷至永定河道

秦聚奎蓋平進士咸豐元年任三年賊黨李開芳等犯畿輔聚奎練勇一萬四千人嚴守備賊不敢犯 文宗嘉之特加四品銜以直隸州知州升用後官大名道

李傳芾孝感拔貢同治三年任長於聽斷民不能欺以憂去官僑寓保定饒陽人時時省視傳芾朝考拔貢時受知於曾文正文正督直隸整飭吏治傳芾與有力焉文正嘗與人曰李某吏才過丁雨生但當誠以慎防檢勿汲汲自

見耳丁雨生者閩浙總督丁日昌是時為江蘇巡撫以吏能負時望者也傳芾卒以才見忌於時潦倒窮愁以卒不獲申其志用云

國朝學官有聲者四人教諭胡一鵬大興拔貢康熙九年任嘗佐縣官新廟學置葦田以供祭燎課士先行後文於貧者尤力周郵訓導張思達新安貢生康熙三十一年任以師道自任歲科試士貧無資用者皆資之食積俸賜二百餘金修文廟以勞卒官諸生立遺教碑訓導孔興朝紹興歲貢康熙四十年任建進德齋於明倫堂側日夕課試士有蹈文網者則引罪自責俟其人悔改乃已後遷蒼梧



知縣卒官教諭饒大源永年廩貢道光二十七年任置孔廟禮器及秦聚奎以練勇守城擢用其時署典史袁文潮教諭張德立訓導李文炳皆進秩有差文潮山陰人德立滄州舉人文炳定州附貢

右饒陽

薛勗永樂三年任嘗修廟學縣丞劉敏洪武四年嘗修縣宅許顥安陽進士景泰五年任爲政公勤平賦役嘗修築縣城秩滿遷太僕寺丞後祀名宦

王珣許州舉人正德三年任精於聽斷隨事剖析迎刃而解大修廟學堂室齋廡次第繕治爲條教程課諸生暇輒

親爲講授士始知學社學久湮珣復之每里爲一學朔望考閱學校大振河間真定神武三衛屯舊在安平軍士驕不奉約束珣立屯長編總小甲以聯屬之申嚴其令痛繩以法屯軍斂手不敢犯劉六劉七等爲亂攻掠城邑珣築隄濬塹高城深池豫爲守備賊至珣身督民兵奮死守禦賊不能陷後擢德州去任民遮道攀留立去思碑祀名宦陸載孟津人正德十三年任振興學校後至嘉靖年安平科目爲之一盛載之教也勸課農桑築隄防水患祁州博野無極三縣奏保謂皆默受其賜遷戶部主事官至知府後祀名宦



趙文中庸施監生嘉靖十年任楊允新鄉舉人十七年任  
文中修督聖祠敬一亭允修兩廡

郭學書禹州舉人嘉靖二十年任歲饑募粟賑濟以仁恕  
爲政而宿姦大猾却制伏匿四境帖然縣北受沙唐滋合  
流學書於春時築隄三十里入夏水至賴以無患縣城孔  
廟社學修葺一新後祀名宦

王懷忍商水人嘉靖三十二年任曹鉉伊陽歲貢生三十  
九年任懷忍始修庠學至曹鉉始卒成之有碑記

李時芳義州衛貢生萬曆十年任有介節初前知縣議鹽  
鍋納稅免派商鹽會以謫去時芳下車因力成之民賴其

利重葺學宮後祀名宦曾孫文英康熙時爲深州知州民  
皆頌清白吏有賢子孫云

何鋈泰興舉人萬曆二十二年任下車即修城隍關水關  
河防賴之商鹽累民力請免派引鹽聽民煎食納稅事見  
賦役他利民事甚多民立祠祀之

徐九成海州歲貢萬曆二十五年任創修尊經閣崔嶼爲  
碑記

孔聞俊曲阜貢生孔子六十二代孫也崇禎九年任到官  
即整飭武備建護城門增築雉堞周置箭牌干櫓火器圓  
木滾石犁然畢具募鄉勇數百朝夕訓練崇禎十一年



大清兵攻安平肉薄東北城下飛矢蔽天駕梯攀櫓將登  
聞俊披戎服率眾登陴攖城拒守中流矢弗懼城卒賴以  
全是時鄰邑所在失陷獨安平不罹屠戮之慘聞俊力也  
閱五月竟以流矢創殞命贈尚寶司卿蔭一子入監賜祀  
縣人更爲立祠春秋致祭守城戰死者二十八人皆從祀  
姓名見武節傳中

明代安平丞尉最著者永樂初縣丞耿福緣四川金臺人  
廉能才幹撫民有方後以母憂去官耆老百餘人赴闕請  
留勅吏部記名服闋縣人又請復任詔從之事載明一統  
志惠政遺民後祀名宦

右明

國朝胡宣會稽人康熙十五年任到官嚴革私派翦除盜  
藪讞決威明縣境甯輯去官縣人立石頌德  
陳宗石字子萬宜興人檢討陳維崧其年弟也由黎城丞  
以用兵轉餉功擢安平康熙二十二年任以文學飾吏治  
豪右屏迹有老嫗攜嬰穉躋堂願一識好官湯文正公巡  
撫江蘇嘗舉宗石以厲屬吏曰爲吏若陳安平可謂三不  
負矣縣志自嘉靖時知縣沈同人創修萬曆時知縣何翌  
增修至宗石又越百年宗石採輯遺佚詳畧有體後二百  
年無能繼者宗石他所興革散見賦役學校志中宗石之



到官也九日名流集送慈仁寺閣各爲詩贈行慈谿姜西  
溟宸英詩云赤縣連京輔蒼生倚上才剽椎仍舊俗咻喚  
自嬰孩紛堞河依岸琴堂草沒階休卑千室吏新向日邊  
來新城王阮亭士真詩云偶來慈氏閣表裏望神州才子  
穀邱長告予將遠遊佳名重九日古邑鄂千秋珍重文園  
草應勞漢主求時阮亭校刊子萬兄其年太史遺集也真  
定梁大司馬清標詩云折腰爲晉吏猶是舊綈袍趙苑悲  
歌地元龍湖海豪幾年淹驥足百里試牛刀每憶鵠原急  
悽然罷濁醪其在縣其兄維岳與其妻之叔父侯方巖嘗  
過縣唱和有詩恐本集遺佚矣今附著維岳有鐵佛寺詩

云鐵佛留遺製無僧常閉門寺荒何代建佛古少人尊白

水通斜照青苔劃舊痕傳聞鐘十里行客易銷魂方巖有

留別詩云節操君家舊

宗石祖于廷爲東林名宿  
父貞慧又爲後社巨魁

風流莅政初須爲

興教化好使穩耕鋤出駕非無馬同殮剩有魚茲遊吾已  
倦暫與古人疏是時陸清獻官靈壽知縣亦有贈詩云君  
家世忠貞兼復盛文章代有風雅才海內共稱揚君生震  
澤畔長在闕伯鄉南北清淑氣君兼有其長喜與君作吏  
同在恆山陽願言資切琢示我以周行聞說古商邱自昔  
聖賢場人才常濟濟史冊多芬芳近代風未泯作者亦躋  
躋君爲我訪問俾得瞻暉光堂奧雖難言庶幾藥其狂時



事多棘手愧我學未詳藉君廣聞見或得起膏肓勿謂掣肘中何用尋枇糠舊志宗石往來詩文甚多此諸篇其尤著云任滿擢戶部主事逾年告歸後祀名宦

趙良臣閩縣舉人康熙三十五年任刑獄平恕以清正自守人不敢干以私遷刑部主事縣人立去思碑

沈鏞閩縣舉人雍正四年任宿澍生乾隆二十六年任鏞嘗修孔廟兩廡及名宦鄉賢祠澍生修明倫堂

黃河清豐城優貢乾隆二十一年任與知州鄒雲城武彊知縣姚德文饒陽知縣羅以桂共創建州西博陵書院購備書籍資學者記覽

左爲鎮桐城進士知州吳汝綸爲公彌甥汝綸祖母公女也乾隆五十一年任仁儉愛人以賢能調刑臺以不獲上去官乾隆六十年大計直隸總督梁肯堂劾公才力不及奉旨該員經梁肯堂奏請調繁何僅閱二年又以才力不及參劾既於政體不協且易啓督撫任意軒輊之漸及經飭令明白回奏反含混其詞不自引咎殊屬非是當時聖主明燭無垠後世讀之尙爲悚惕然公自此罷歸矣

彭定澤道光五年任嘗修孔廟濬縣三渠以息水患事見河渠篇歲飢勸募穀豆賑恤災黎全活甚衆去有遺愛數十年不忘







菽文十卷  
自隋唐以來史家以四部都錄羣書後之爲目錄之學者未之有改也間獨以謂二劉班氏識足以知眾家流別今觀其部居尙多可議况乃以淺學寡聞不能究觀古今之變而欲悉舉千年著述納之於四類之中吾知其難合也昔者梅伯言嘗稱自黃農以來下到周吾取其近今者焉自秦漢以來下到今吾取其近古者焉是言也蓋以古今風會升降懸絕當分時代以定高下然則世之瑣瑣記錄強分條流者其無當於作者之意決也深之一州載籍之流傳甚少然自漢以來文學之士述作斐然見於傳記者

古史平



蓋班班可論列也今不復分部一以時代為定

崔彖集一卷舊唐經籍志唐藝文志并有梁有隋易林六十四篇唐藝文志十六卷四庫書總目有焦延壽易林

卷十六卷中多延壽以後語徐養原定為崔彖撰崔駟亭伯集十卷隋經籍志唐志并有崔瑗子玉集六

志無卷數飛龍篇彖草執合三卷舊唐志新書同有隋志飛龍篇無卷數南陽官學

正論六卷隋志有舊唐云五卷四民月令一卷隋志有兩唐志并有崔寔子真集二卷隋志梁

篇見崔駟傳崔皓昏儀冠儀二卷唐志有朱皓寔子

崔豹論語集義八卷隋志有梁五卷案劉峻注世說引晉百官志云崔豹字正能燕國人殆亦安平崔氏論語大

義解十卷新唐有舊書無諸王國雜儀注一百卷新唐有舊書無古今注三卷

右漢

隋志舊唐云五卷

隋志舊唐云五卷

右晉

劉獻之毛詩序義一卷見本傳北史儒林傳序稱通毛詩者多出魏朝劉獻之獻之傳李周仁周仁傳董令度程歸則歸則傳

三傳畧例三卷三禮大義四卷章句疏劉敬和張思伯劉軌思其後能言詩者多出二劉之門

二卷并見本傳崔逸喪服圖一卷隋志兩唐并作崔遊

右後魏

崔子發齊紀三十卷隋志有唐無樂府新歌十卷隋唐志并有李德林北

齊未修書二十四卷新舊書并有李公輔集十卷隋唐志并有隋開皇麻

一卷新舊書并有霸朝雜集三卷隋志有兩唐并云五卷崔疇八代四科三十卷

區宇圖志二百五十卷見崔廓傳帝不善之更令虞世基許善心衍為六百卷

右魏



洽聞志七卷見崔廓傳詞賦碑誌無卷數并見廓傳孫萬壽仙期集二十卷隋志有

右隋

李百藥北齊書五十卷兩唐志并有李重規集三十卷兩唐志并有李義

府集三十九卷舊書有新志云四十卷宦遊記七十卷唐志有古今詔集一百

卷兩唐志并有崔玄暉行已要範十卷新唐有舊無友義傳十卷 義士

傳十五卷 文館詞林策訓注二十卷唐志并見崔日用姓苑畧

一卷新書有舊無齊昭公集無卷數崔祐甫有集序崔良佐易忌象無卷數新書有舊無案良佐元翰之父

尚書演範無卷數新書有舊無二國春秋無卷數新書有舊無

貞文孝父集十卷唐志有崔元翰比部集三十卷唐志有權德輿有集序

崔元亮三州唱和集一卷唐志有案元亮崔氏表有二屬三房者磁州昭義人有傳李安期烈

公集二十卷唐志有魏知古忠公集二十卷兩唐志有崔昇春秋分門

屬類賦三卷新書有舊無案唐志又有崔昇晉史分門屬類賦一卷入別集疑是一書崔沔孝公集三十卷

崔祐甫文貞公集三十卷唐志有權德輿為集序張薦宰

輔傳畧無卷數新書有舊無五服圖無卷數新書有舊無江左寓居錄無卷數新書有舊無靈怪

集二卷新書有舊無憲公集三十卷新唐志有張鷟朝野僉載三十卷新書有舊無

朝野僉載補遺三卷文獻通考四庫書總目云鷟開元中人而書中有敬宗宣宗時事乃後人增益龍筋鳳

髓判十卷新書有舊無崔侗帝王授受圖一卷宋史有崔班歐陽家

譜一卷宋史有崔令欽教坊記一卷新書有舊無庾信哀江

南賦注一卷新志有崔銳判一卷宋史有張讀建中西



狩錄十卷

新書志注讀字聖朋  
僖宗時吏部侍郎

宣室志十卷

新書有  
舊無

崔沆子弟等撰

崔氏日錄一卷

文獻通考陳振孫云廣明元年崔沆  
為相此書非其子弟即其門人為之

張文規吳興雜錄

七卷

文獻通考陳振孫書錄解題云唐湖州刺史張文規張薦之後彥遠  
之子 秦唐書張嘉貞傳文規為嘉貞曾孫父名宏靖與書錄不合

張著翰

林故事一卷

文獻通考 書錄解題云尉常山張著字  
處晦書首載張文成七登科者即著之祖也

張又新煎茶水

記一卷

兩唐志  
并有

崔寓神象氣運圖十卷

宋志文志案世系  
表寓吏部侍郎

崔孺亮

海上集驗方十卷

新書有舊無 案世系表有兩  
亮一為崔侗曾祖一磁州昭義人

女士崔少孺老子

心鏡一卷

新書有舊無 案長孫巨澤為崔少孺傳云少孺汾州刺  
史崔恭女後竟仙去考世系表恭崔良佐之弟良弼子也

右唐

李崧真珠集一卷

宋志  
文志

右五代

李昉文正公集五十卷

宋志

麻代年號一卷

宋志有書錄解題云丞相  
饒陽李昉明叔在翰林時

所纂麻代宮殿名一卷

宋志

李宗諤西李文正公談錄一卷

宋志

有晁志云文正公昉也其子  
宗諤錄生平所談三十七事

翰林雜記一卷

宋志

樂纂一卷

宋志

李昭遘

永熙政範一卷

宋志有 案李昉  
傳昭遘宗諤從子

右宋

祝明聲律發蒙二卷

四庫書提要云據高儒百川書志聲律啟蒙二卷元博  
陵安平隱者祝明文卿撰後三卷潘瑛所續又別本六

卷末增歌  
一卷也

王鑑明卿集

無卷數見元  
詩選小傳

右元

張文弼史志辨讀搜遺集

馮保經書音釋二卷

見四庫  
書存目

于蕃見聞錄世美堂稿

趙喬年雌伏齋集十二卷

郭



載駮校六壬大全十二卷 四庫提要六壬大全不注撰人名氏首題懷慶府推官郭載駮校 課經集八

卷 畢法賦一卷 七十二鈴無卷數 魯祚明壽世真

傳 祚明父燿字靈亭萬曆四年舉人絕意仕進優游林下詩酒自娛時人高之祚明亦有學行以侍親疾知醫 程衡雪稿一卷 以上

歐陽喚強齋文集 辛繼芳布衣稿堆金集 繼芳鎮江府同知金子事母至孝與兄繼

嘗讀書香山不樂進取工詩善書畫 路陞拳石山房文稿 石 武強

經世四書人物考私淑集梅溪山人詩集 經世績學能文由歲貢生官任縣訓導再遷商

州學正以老疾辭歸創修饒陽縣志自萬 麻以前饒陽文獻有所考鏡經世之功也 田唯嘉西臺疏議 以上 賈斌

忠佞錄 張爾庚公餘詩稿野獲草讞畧安輯事畧 見刁包張應自墓誌

靳撰唾玉編缶鳴集 門洞開依隱園集 武應元窮理

集 以上 萃

呂維垣易經訂正注解 維垣字子師節士叔成之孫習毛詩兼攻易禮春秋博通經史 國之蒲四書

中解周易經解尚書經解春秋旨義 趙雲孫積算法 孫雲

字瑤章都司應珠子諸生乾隆志稱其簡而精從來所未有 張斐英杞園講議一卷禹貢質疑一卷

董英字名儒諸生從呂燦遊燦輯溪州志未成以屬董英董英卒成之生平清介不苟取子 趙克温四書體要列女傳

明史集要推敲錄 克温諸生博通經史閉戶著述 張克明析真集 克明歲貢生貧不能購書則從相識藏書

家借觀之強記不忘或撮要錄之所鈔禮樂兵刑田賦星緯輿地河道哀為大冊 女士譚明綠窗青史綠窗閒

詠集 謝煦滋蘭堂詩文集 煦字曉岩乾隆三十年舉人文安教諭嘉慶六年欽賜翰林院檢討 李庭

芳癡齋詩稿 庭芳字蕙堂乾隆四十二年舉人平谷教諭 趙令家叶鐸詩四卷 令家字荔園乾隆五

十三年鄉試第一人官夏鄉教諭盡心賑荒後官唐山教諭始令家靜坐百日思理大徹年八十六卒 趙盛奎黔行日記楚粵



行程日記見彭邦彥趙侍郎墓誌以上 張仁聲測天圖說算法 劉懷

志尚書口義六卷四庫提要懷志字貞儒左都御史謙之父其書悉遵蔡傳 劉謙四書朱傳綱

目周禮滄義廉平堂文集 劉自潔四書述訓陰符經注

周禮質疑漢書集粹定性齋集 劉泰瀾四書詳說泰瀾康熙元年

拔貢生性嗜學朝夕一編不問外事 張渠張中丞奏議二十卷 婁毓英弔戰場詩

一卷 張文珠中庸本義中庸大學說中庸易道說扶國

編松崖詩文集文珠字銜庭道光十五年舉人服膺宋儒學案理學宗傳等書於儒先語錄多所辨正其言曰中庸斯道總匯作於子思子易之十翼大學之十傳其疇矢也後之人觀余三書列聖述作指歸孔氏家學源流庶如掌上觀紋也 張有光王五公文集注四

卷惺園吟稿四卷有光字星垣文珠從子道光二十九年拔貢生 賀之升厚後瑣言四卷

之升字允吉道光二十九年拔貢 武強 劉元龍先天易貫五卷四庫提要元龍字凝焉饒陽人其書蓋講陳邵之學

翟居誠十三經音義十二卷等韵鈔集四卷易解參訂毛

詩叶音地名沿革考居誠字立業歲貢生孝事寡母性魯授章句必數于周乃熟卒成碩學嘗言拙於才雖歷歷無傷也 周元

振拙存樓詩稿元振砥行礪名家貧歌詩自娛乾隆六年學使者表其間曰楷模多士 王柔徽古浪記一卷

以上 饒陽 吳本植讀書劄記見孫勳吳篤生傳 吳珊無名集四卷 詩

餘一卷非非老人行狀二卷 武韓射陽偶稿欣戴皇仁

錄見李天穉武形含墓誌 王茂修斯文規範八卷茂修康熙十一年拔貢生 李長滋耐菴詩

鈔長滋字耐菴康熙中歲貢生官阜城訓導 弓濟泰毅堂詞鈔二卷濟泰字履安官潤州衛守備懷慶府知府椿之父 李

秉乾就正草一卷秉乾乾隆中歲貢生 李金祚學聚錄四十卷金祚道光

其書博采羣籍經史百家詩古文辭以及星緯醫卜無不輯錄蓋讀書叢鈔而未及編訂者 可震騰四書摘萃就正集

震騰字澹菴道光中恩貢生 辛庭桂怡雲軒詩鈔四卷庭桂字香林同治中歲貢生博學好文晚歲喪子家益落猶日



手一編以  
吟詠自娛

弓汝恒歷代地理沿革表六十四卷

以上  
案

右 國朝

自唐以來所修官書大率成於衆手唐修晉書李義府李  
安期與焉五代修唐史崔悅與焉長孫无忌等修大唐儀  
禮李百藥與焉修永徽五禮李義府與焉至如東殿新書  
姓氏譜皆李義府摠其事弘文館續會要則崔鉉摠其事  
宋修圖經李昉李宗諤父子先後領之而昉所撰集尤多  
大而太平御覽廣記文苑英華細而周優人曲辭等皆其  
摠領宗諤則圖經之外惟與丁謂等共修封禪記而已然  
如續通典二百卷宋史以爲宗諤所撰要亦衆手所成者

故均不著錄于篇又唐崔沔等所爲朝英集則沔與張九  
齡賀知章等集送張孝嵩出塞之詩宋李昉之二李唱和  
詩則與李至同作李宗諤等所爲西崑酬唱集則與楊億  
劉筠錢惟演等同作者并非一人著述故皆不著



詩九  
 一  
 二  
 三  
 四  
 五  
 六  
 七  
 八  
 九  
 十  
 十一  
 十二  
 十三  
 十四  
 十五  
 十六  
 十七  
 十八  
 十九  
 二十  
 二十一  
 二十二  
 二十三  
 二十四  
 二十五  
 二十六  
 二十七  
 二十八  
 二十九  
 三十  
 三十一  
 三十二  
 三十三  
 三十四  
 三十五  
 三十六  
 三十七  
 三十八  
 三十九  
 四十  
 四十一  
 四十二  
 四十三  
 四十四  
 四十五  
 四十六  
 四十七  
 四十八  
 四十九  
 五十  
 五十一  
 五十二  
 五十三  
 五十四  
 五十五  
 五十六  
 五十七  
 五十八  
 五十九  
 六十  
 六十一  
 六十二  
 六十三  
 六十四  
 六十五  
 六十六  
 六十七  
 六十八  
 六十九  
 七十  
 七十一  
 七十二  
 七十三  
 七十四  
 七十五  
 七十六  
 七十七  
 七十八  
 七十九  
 八十  
 八十一  
 八十二  
 八十三  
 八十四  
 八十五  
 八十六  
 八十七  
 八十八  
 八十九  
 九十  
 九十一  
 九十二  
 九十三  
 九十四  
 九十五  
 九十六  
 九十七  
 九十八  
 九十九  
 一百

古蹟

涿州風土記第十

古人往矣不可復見矣獨遺蹟存耳生千載之後竝吾世  
 無可與語則往往之山林榛莽荒寂之濱一陶其幽鬱思  
 得遠於世而近古者聊一憇焉而卒不可得也而幸有古  
 人所嘗託跡之區或其冢墓所在有不歔歔憑弔流連而  
 不忍去者乎涿州在古城數移徙又為漳潭沱故所經地  
 紀於載籍可考者獨多方志所列名賢之冢墓猶有可指  
 其處者不可以不著也志古蹟以遺後之好古者

下博故城

水經注長蘆水又北逕下博故城西又東北麻下博縣西元和郡縣志  
 下博縣南至冀州一百里故城在縣南二十里即光武失道處故白衣  
 老父云信都去此八十里也據太平寰宇記稱後魏移縣治於衡水北去今縣二十里  
 俗謂之故縣城後周建德六年又移于今治以此言之城蓋屢徙宋之下博城後改靜



安在州南二十里五代所移者也唐下博縣後周建德六年所移非宋下博也其南二十里治於衡水北者後魏之下博城也城在後魏下博之西南水經注所云長蘆水逕其西者乃漢之下博城光武失道之處也今之下博村其唐時下博故城與

**樂鄉故城** 水經濁漳水注云水逕下博故城也今之下博村其唐時下博故城與

縣故城南方輿紀要謂樂鄉故城在州東南三十里地節三年封河間獻王子修為侯國者也又水經濡水東逕樂鄉城南此別一樂鄉方輿紀要謂後魏僑置樂鄉在清苑縣境者也魏書地形志以高陽

**鄆縣故城** 水經注衡水逕桃縣故城北合斯汶水郡之樂鄉為信都之樂鄉殊誤

城舊曰鄆元和志涿州鹿城東至州二十五里案元和志所云州治即陸澤故城也自此而西二十五里仍在州境矣方輿紀要云涿州嘗治鄆故城朱滔拔東鹿進圍涿州即此城也隋志鄆即鹿城而舊唐志先天二年置陸澤縣於古鄆城與隋志異陸澤但得鹿城縣而非即鹿城故治為縣元和志云鹿城東至州二十五里是時州治陸澤若鹿城為鄆陸澤為鄆何

**陸澤故城** 元和志本饒陽鹿城二縣地先天二年因置涿澤入靜安據元和志云安平東南至州五十三里準其地望則陸澤即今城西之舊州村也而統志舊志并云在州東北誤矣寰宇記又謂陸澤本漢廣阿地廣阿在今隆平隋於彼置大陸

**桃縣故城** 水經注衡水又北逕桃縣故城北漢高祖十二年封劉縣非唐陸澤

頭村廟碑謂磨頭為古桃城驛桃城後漢已省而元明時仍以驛名村故城

當在其地李申者云桃漢縣在今冀州西北四十五里準其地當是磨頭村

**靜安**

**故城** 五代會要周顯德二年三月以李晏口為靜安軍薛史軍南距冀州百里北距涿州三十里夾胡盧河為壘九域志云雍熙二年軍廢四年置靜安縣即宋金城也

**涿州故城** 大清一統志在今州南即故靜安縣舊志明永樂十年溥沱漳水決壞城徙州治吳莊今治是也

**甯葭故城** 史記趙武靈王畧中山地至

**故涿城** 元和志隋開皇十六年於饒陽置涿州以州西甯葭方輿紀要在涿州東南

**武遂故城** 水經注衡水又東北逕武邑郡南又東逕武強縣北又東北逕武遂縣北其後武遂移而益北則武遂故城蓋難確指元和志太平寰宇記并

**武遂故城** 漢志武遂魏地謂在武強東北三十一里一統志謂即沙窪村難信

形志有武遂縣而水經注稱武遂故城則武遂自為廢縣而武遂別有魏城意武遂在武強西南水經衡水逕武邑郡南又東逕武強縣北是時武邑郡治武遂是漳先過武遂乃至武強也今武強又在魏

**武彊故城** 水經注大河右瀆逕長樂郡武彊縣故武彊之北則武遂在其西南決矣

故城在廣川縣西南不在今縣境內水經衡水逕下博樂鄉之後乃逕武邑郡南又東逕武強縣北又東北逕武遂故城南其武強縣乃魏縣也在武邑郡東武遂故城西南又皆在下博樂鄉之東北視漢故武彊益移而北矣寰宇記引郡國縣道記云高齊移於今治有衡水河在縣南五里蓋魏武彊在漳南高齊武彊又在漳北元和志武彊

字是

古蹟



故城在縣西南二十五里殆謂高齊時故城李申者云隋以下縣即今治然方輿紀要有故城在縣南五里名舊城村則隋唐以後當有遷徙惜方志不詳耳

**饒陽故城** 魏書地形志饒陽有饒陽城張守節史記正義云故城在縣東二十里案地形志所云饒陽城蓋漢故縣寰宇記云高齊文宣天保五年移今治蓋魏時故城又非漢故城也張守節所云在縣東二十里者不知其為漢城與抑魏城與一統志云故城有二一在縣東本趙饒邑北齊始治魯口而故城廢一在縣南即魯口城也案統志但言一故城不知

**魯口故城** 魏書地形志饒陽有魯口城魯口城因平虜渠為名虜魯聲近漢城魏城北齊城蓋當有二故城矣

慕容燕之世魯口最為重鎮及北齊始移饒陽治魯口歷唐不改故寰宇記云齊文宣天保五年移今理又云魯口鎮今邑理也蓋是唐人舊文故避治為理一統志謂在縣南者為魯口故城則今縣又非魯口故治蓋唐末至宋城又移徙據諸葛鳳舉墓志考之今城即宋城也舊志云有故城在縣南五里曰故城村當是魯口城也

**無婁** 隋地理志饒陽開皇十六年分置無婁縣大業初省唐志武德四年又置無婁縣貞觀元年省元和志無婁故城在縣東北二十五里唐縣與今縣蓋相距五里當歸

**博陵故城** 魏地形志饒陽有博陵城水經注澧水又東過安國縣南又東縣三十里過博陵縣南風俗記曰博陵縣史記蠡吾故縣矣漢質帝本初元年繼孝沖為帝追尊父翼陵曰博陵因以為縣又置郡焉漢末罷還安平案後世方志并言故城在蠡縣而地形志繫之饒陽今依地形志

**穀邱故城** 寰宇記故城在安平縣西南十五里漢為縣後漢省一統志穀邱今訛為角邱社也案角邱社在縣西南二十五里寰宇記言十五里蓋未審也

以上城

**蕪蕪亭** 後漢郡國志饒陽有蕪蕪亭注馮異進豆粥光武元和志亭在饒陽縣東北四十五里一統志同

**下博亭** 唐世系表下博亭侯子孫因居焉據

**穀邱亭** 方輿紀要穀邱漢縣後漢廢為穀邱亭

**博陵亭** 方輿紀要穀邱亭或謂此則漢有下博亭矣

**解瀆亭** 後漢郡國志饒陽注案志有解瀆侯靈帝封水經注澧水麻安國即此也

**南宮亭** 方輿紀要亭在潞州案

**廣望亭** 漢志安平莽是誤耳

**平虜渠** 國志魏武帝紀建安十一年遣西單于蹋頓尤強公將征之鑿渠自呼沱入

渠也據此則渠為魏武所開而元和志謂司馬宣王征公孫淵鑿呼沱入派水以運糧殆是誤也

**白馬渠** 隋圖經云魏白馬王彪所鑿謂之黃河上承海沱東流入下博

**袁譚渡** 水經注衡漳水逕桃縣故城北又北為袁譚渡蓋譚自鄴往還所由故濟得厥名又北逕

界案以上二渠已見前河渠志

古蹟



鄆縣故城東又右逕下博縣故城西據此則渡在漢桃縣北鄆縣東南下博縣西

**九崢曲** 水經注衡漳水歷下博城西迤邐東北注謂之九崢曲逕樂鄉縣故城南

又東列武強淵 水經注衡漳水逕武邑縣故城北又東北右合張平口故溝溝上承

曰光武拜王梁為大司空以為侯國者宿云邑人有行於途者見一小蛇疑其有靈持

而養之名曰擔生長而吞噬人里中患之遂捕繫獄擔生負之而奔昌淪為湖縣長及史

咸為魚矣今縣治東北半里許落水淵水又東南結而為湖又謂之郎君淵者宿又言

縣淪之日其子東奔又陷於此故得郎君之目矣據此則漢武強已淪於湖故又言今

縣治尚有東北半城落水以實之然其言采小不足據

**危渡** 通典饒陽滹沱舊在縣南光武所渡寰宇記下

也元和志云武強湖在武邑北三十二里湖蓋淵之誤字

**交津橋** 水經注漳水逕武強縣故城南白馬河注之水

光武水合之所俗號曰危渡

武邑郡北而東入衡水謂之交津口北史魏孝昌二年元深擊葛榮自交津引兵躡之

北齊河清三年冀州刺史高歸彥以城叛敗走至交津獲之隋書劉焯傳武強交津橋

劉智海家多典籍方輿紀要云文

**長蘆橋** 元和志長蘆橋在下博橋舊五代

津口在武強縣東橋蓋跨津為之

化二年晉李存審自趙州引兵扼下博橋分麾下為五隊深入還會于下

博橋明日襲擊全忠大敗之方輿紀要橋在故下博城東跨胡盧河上

**李晏口** 舊五代

周顯德二年以李晏口為靜安軍方輿紀

要云靜安城在州東南五十里本李晏口

**祭遵壘** 寰宇記下博縣治即後漢

祭遵壘北枕衡漳水是也

**新砦鎮** 代史

宋史河渠志涓化一年從河北轉運司請自涿州新砦鎮

開河導胡盧河分為二派凡二百里抵常山以通漕運

**下博鎮** 金史地理志涿

州有下博鎮

**義**

**成堡** 新唐書劉君良傳君良饒陽人隋大業末

天下亂鄉人共依之眾築為堡號義成堡

辰平章昉十四字明崇禎中邑人路太常勒

**右津渡鎮堡等**

**毛萇宅** 寰宇記萇饒陽

人今有宅存

**劉智海宅** 隋書劉焯傳武強交津橋劉智海家

素多典籍焯與河間劉炫就之讀書

**李自**

**倫宅** 一統志今

名大馬村

**文瑞堂** 明統志唐張鷟兒時夢紫文大

鳥後貴州刺史扁其堂曰文瑞

**廉平堂** 高安朱文

碧峯墓誌云武強南趙石村有左都御

史劉謙墓有 御賜劉公廉平堂額

**耿寬宅** 寬見明史孝義

傳在今耿家莊

**右宅**

**康王城** 通鑑考異引河洛春秋僕固瑒擊史朝義戰于下博城南田承嗣請朝義用

車十五乘於古夏康王城北作車營三朝義從其計官軍敗績由是朝義得

達莫州 今在

**石像** 寺有石像唐景雲二年造乾隆志

云村因寺名 今在州西北八里

**唐鳳** 明成化年法寶寺碑云

昔人有得唐墓誌者墓

州東南四十里

**記十**

**古蹟**

**四**



誌中卽名此村爲唐鳳 **仁和里** 舊五代史古飛鳥鄉匡聖里天福二年爲李自倫  
今在州西北二十五里 六世同居詔改爲孝義鄉仁和里一統志今名大

馮營 在州東 **吳莊** 見宋天禧五年小趙里東嶽碑陰方輿紀要明  
南二十五里 永樂十年呼沱漳決壞州城徙治吳莊卽今治 **魏公鄉小**

**趙里** 案魏公鄉疑因魏知古  
得名 今在州西北 **李村** **大趙** **李家莊** **東魏** **新**

**村** **少府村** 今在州西  
北十五里 **司馬莊** **八公** **西魏** **孝仁鄉** 以上

一里九村均見宋 **劇家村** 大觀本草蘇頌圖經井泉石生涿州城西二十里劇家村地  
天禧五年東嶽碑 泉內溪丈許其石如土色方圓長短大小不等內實圓層重

疊相交案蘇頌所云涿州蓋治 **杜家莊** 見延祐七年魏公鄉小趙重修  
靜安 村今名大獻村在州東 **康家莊** 東嶽廟碑陰 今在州西八里

**南康莊** **莊科頭** **杜林** **北張** **中庵** **南佐** **北**

**佐** **中佐** **悟因寺** 以上十一村并見元  
延祐七年東嶽廟碑 **桃城驛** 見明康續嘉靖十九年  
聖母廟碑 村今名磨

頭在州南 **桃城** 見明隆慶二年司禮監大監王官墓表今名大王家莊  
五十里 案桃城驛桃城口并任州境蓋證桃城故治在州境也 **皮桑店**

見永樂中田氏譜 **消虹** 見郭氏譜 **傅巖** 見傅氏先墓表  
今名田大張 今名郭家莊 今名傅家莊 **傅家池** 元史百官志有  
傅家池巡檢司

今訛爲 **和蘭井** 明史孝義傳孝子董  
護駕池 思芳故里有思芳墓 **高古莊** 明史孝義傳孝  
子王宰故里 **清河坊** 續文

考明洪武十八年旌 **凌消村** 方輿紀要云卽古呼沱南岸實字記光武自薊南馳王  
表貞烈李高氏故里 霸詭言水堅可渡處也故俗稱爲危渡 今在州東北

四十 **下博** 卽金時下博鎮 今 **陸家莊** 方輿紀要云金末爲戍守之處  
在州東南三十里 河間公移判眾家奴所分地也 **右溪州**

**皇甫村** 有隋河陰太守皇甫興墓誌云開  
皇中卒唐咸亨四年葬於皇甫村 **五祖寺** 唐咸通中建五  
三皇廟碑陰有元 **武帥** 見元三皇廟碑陰有元東武  
狀元牛繼志墓 州節度使行元帥李春墓 **東曰太平鄉西曰平阜**

**鄉南曰可封鄉北曰麟遊鄉** 見元牛繼志所  
撰三皇廟碑 **平都** 一統志明建中真  
於此與燕兵戰敗沒因以氏村方輿  
紀要謂漢封劉到爲平都亭侯殊誤 **小營** 明一統志云金末蒙古掠河間金人拒

之屯營於此 今在縣東北三十五里 **谷**

**沙** 見明嘉靖元年淨修  
寺碑 今名馬頭村 **沙窪** 一統志云卽  
武遂故城 **右武疆**

**都亭鄉永貴里** 見北魏涿澤令諸葛潤  
墓志 今名留吾村 **五公** 朝野僉載隋李德林使其子卜

出八公德林問村何名曰五公德林曰 **樂鄉** 見樂鄉寺碑及方脉志有北齊天  
唯有三公矣此命也遂葬之有李昉墓 保二年葛岳力造像村今名小堤 **平原**

古蹟 五



里 見北宋諸葛鳳舉墓誌村今名君道村

詩經村 寰宇記饒陽有毛萇宅即此

常安鄉仁義里

見隋開皇十二年李則墓誌村今名河漕在縣西北六里

角邱

見唐張少隣墓誌在縣西南二十五里

義門

見宋吳安持題詩石刻在縣東北二十里

明德鄉

見唐張少隣墓誌

博陵鄉

見金壽公和尙碑

漫真

見壽公和尙碑

徐召

同上 在縣西北十五里

郝村

見金字公允公兩塔銘在縣西北二十里

大專

見孝感廟碑陰

北郭

均見深州小趙天禧五年東嶽

廟碑陰 在縣西北三十里

通里

見元孝感聖姑碑今名南會過在縣北五里

歸政鄉

聖姑碑

明德鄉皇風

羽

里 見元提刑按察使王綱神道碑今名黃城在縣西十里

香管

見元安平廟學碑陰

莊窠

北蘇

羽

林 以上三村并見廟學碑陰

毛胡盧營

元至正十四年毛胡盧義兵營此因以氏村見明重脩化鐘寺碑今名五毛營在縣東北四十里

柏令

有金明昌二年建柏令寺在縣西北二十里

右安平

以上村

三良神

後魏地形志饒陽有三良神案魏書所云神即神祠也安平亦有樓女貴人神

神女樓

後魏書地形志安平有樓女貴人神寰宇記安

平城北有墓俗謂之神女樓 在安平北關

石佛寺

魏興和四年僧雲道建見乾隆武強志 在武強小範鎮

資勝寺

東魏武定八年謝智明造像

記記有寺名 在武強今名吳家寺

寶月寺

北齊天保元年建見雜記 在武強

福聖寺

北齊天保二年建見雜記 在武強

福勝寺 有北齊天保五年張市貴造像記 在武強孫村

三泉寺

北齊天保元年建見明正德八年重脩碑記 在武強臺頭村

樂鄉

寺 有北齊天保二年冠軍將軍廣武太守葛岳力造像 在饒陽小堤村

劉米寺

有北齊建元元年寺僧造像記 在武強北關

觀音

寺 明成化嘉靖重修碑記并云嘉興四年造案魏晉以來無以嘉興紀元者惟晉世西涼李歆有此年號而不能有此地當是一碑有誤 在武強古河村

三教寺

北周大統五年建見雍正州志 在州西南孤城村

祈真觀

隋開皇十年建見康熙安平志 在安平會洞村

清涼寺

唐武德年建見乾隆武強志

石佛寺 唐貞觀五年建 在武強陳家村

福聖寺

唐貞觀五年建 在深州故縣村

開元寺

唐貞觀六年建 在深州

天寧寺 唐貞觀八年建 在深州舊城

洪福寺

唐貞觀年建見乾隆饒陽志 在饒陽故縣村

法

寶寺 有唐龍朔一年高舉儒造像 在深州唐鳳

石像寺

有唐景雲二年造像題名記 今以寺氏村在深州西八里

青雲寺

彌陀寺 唐天寶二年建見明成化十五年重修碑記 在深州喬家寺

慈氏寺

唐開元元年建 在深州東南李管村

記一

古蹟







以上寺廟

**商王墓**

一統志在饒陽西南勝水村有墓門題曰商王墓

**漢崔實墓**

一統志在安平西黃城東南今仍名崔公墓

**後魏崔**

**敬邕墓**

康熙十八年民掘得敬邕墓誌在黃城村崔公墓東知縣陳宗石移誌石於縣學明倫堂壁今石已亡

**後魏深澤令諸葛**

**潤墓**

在饒陽東留吾村明邯鄲劉之江饒陽諸葛氏族考云民有得魏故深澤令諸葛潤墓誌者今誌石久亡

**後魏李敬族墓**

北五公村朝野僉載隋內史李德林使其子卜葬於饒陽城東遷厝其父母村名五公案隋書德林傳年十六遭父喪反葬故里嚴冬單衣跣足州里敬慕崔謹赴弔自滅從騎云不得令李生怪人薰灼據此則德林葬父年未弱冠不得有子但僉載云是遷厝事或不虛耳

**隋河陰太守皇甫興墓**

在武強西北皇甫村明

嘉靖七年王氏兒名洛

**唐錄事參軍馮才墓**

在深州今失其

**唐劉幽**

村案王博撰才子慶墓誌云父才唐初錄事參軍慶卒葬下博北三十里之祖塋大周久視元年改葬冀州城西據此則慶後改葬冀州才墓自在下博

**求墓**

一統志在武強西北

**唐李百藥墓**

一統志在安平東北

**唐贈河陽令魏行覽墓**

在深州東南石槽魏村舊志人得魏府君墓誌侍中魏知古撰其父誌也今誌石久亡

**唐張君平墓**

在饒陽今失其村劉仲撰君平墓誌見全唐文

**唐張少隣墓**

在安平西南角邱村墓誌在村之龍母廟今存

**五代晉李自倫墓**

在深州東三十五里

**李舜卿夫人墓**

在深州今失其村舊五代史晉紀天福七年宰臣李松母喪歸深州松既起復乃出北郊路隅設奠公卿大夫皆送喪而出國珍固爭不行案松傳父舜卿深州錄事參軍

**宋李昉墓**

一統志在饒陽五公村元趙孟頫撰李氏譜序云宋李文正公昉之後為五公李氏

**宋諸葛鳳舉墓**

在饒陽西君道村劉之江饒陽諸葛氏族考云村人得鳳舉墓誌云葬城西二里許平原里今君道村也誌字有闕不知鳳舉何代人案饒陽城元和志寰宇記并云至州三十里皆非今城惟九域志云在州北九十里與今無異是城移而北乃在太平

**宋諸葛明遠墓**

劉之江去城道里與今適符以此考之鳳舉必宋人也誌石今亡

**宋歐陽珣墓**

在深州東南舊州城外墓前有祠宋史珣吉州廬陵人南安軍司錄知鹽官縣以薦上京師遇國難及出使加將作監丞金人犯京師朝議割河北絳磁深三鎮地講和珣率其友九人上書抗論當力戰時宰怒欲殺珣迺遣珣奉使割深州珣至深州城下慟哭謂城上人曰朝廷

為姦臣所誤至此吾已辦一死來矣汝等宜勉為忠義報國金人怒執送燕焚殺之案史不詳乾隆州志云是時深州固守不下金人以珣至城下俾致朝命也史言送燕焚殺



今州有墓者志云州人具衣冠葬之也  
**宋李翼墓** 在饒陽東北張家莊俗呼為李鎮撫墓異事見人譜  
**元定遠將軍李春**

墓 在武強東北林家村舊名武帥今呼春墓為李元帥墓春今祀鄉賢  
**元牛繼志墓** 在武強西挾橫村案三皇廟碑題名繼志至正甲午狀元

及第翰林院修撰同知制誥兼國史院編修繼志今祀鄉賢  
**元李秀墓** 在安平東北段家左村有至正年陳灝所撰墓碑碑云南平州元帥趙澄辟為左監軍

**元李思敬墓** 在李秀墓南有碣云中順大夫同知杭州路總管府事李公舉長官  
封隴西郡君鄭氏之墓翰林學士承旨張起嚴書起嚴與托克托同修金史者也碑不著

年惟李秀碑云孫思敬立石  
**元忠顯校尉李君墓** 在李思敬墓西有碣不書名同知常興州事李公之

墓至元三年男聚福立  
**元王綱墓** 在安平西黃城有太原王構所撰神道碑至大二年男思敬思思敏立

**元祝明墓** 在黃城聰墓 在王綱墓南墓側有王氏世德碑歐陽玄所撰稱思聰

官為中議大夫重定路中山府知府世德碑思聰所立  
**元梁大有墓** 在梁鑑村又泰聲律啟蒙

已見疏文  
**元梁五戒墓** 在饒陽梁鑑村有司廡所撰梁氏祖塋碑  
**元丞相郭允中墓** 在梁州西南清輝園村元史大有散財貨粟焚三千石券立者

人譜 **元江尚書墓** 在武強西門外墓地名羅城鞍轡見乾隆武強志尚書失其名見人譜  
**明杜時墓** 在梁州東北安莊事

見人譜 **明歐陽喚墓** 在武強西南喚見人譜  
**明張益墓** 在安平東南李家莊明史張鳳明譜

**張鳳墓** 在張益墓南明史有傳官至南京戶部尚書墓有大學士李賢所撰神道碑  
**明遂果墓** 在安平西北遂家隄事具人譜

**孝子董思芳墓** 在梁州西南和蘭井明史有傳事具人譜  
**明路陞墓** 在饒陽同岳村  
**明賈如式墓**

在武強  
**明王健墓** 在安平西黃城  
**王均美王遜王三餘王民暉王學孟**

墓 均在黃城  
**明張舜臣墓** 在安平東南李家莊  
**明王如綸墓** 在安平西關  
**明劉健墓** 在安平北

墓 在安平西  
**明靳紹謙墓** 在安平西北唐貝村  
**明門洞開墓** 在安平東北義門村  
**明郭聞禮墓**

墓 在梁州西門外乾隆州志  
**明貞烈岳氏墓** 在梁州店上村乾隆州志云與夫傅型嘉同穴  
**明田維**

**嘉墓** 在饒陽東留吾村維嘉入國朝徵為刑部尚書見人譜  
**明吳從誨墓** 在安平會洞村有李爵所撰墓誌從誨事見人譜  
**吳恂**

墓 恂從誨子本植父墓在從誨墓側



國朝涿州知州李天培墓

在涿州南棗科村道光州志免棗科村差徭俾供祀事

張渠墓

在涿州留曹村

劉謙墓

在武強南趙石

魯鼎新墓

在安平會渦村

郭金鉉墓

在安平王家莊

崔冕墓

在安平黃城

吳本植墓

在從海墓側有楊名時撰墓誌

王澤隆墓

在安平黃城

張爾庚墓

在安平城西南二里有刁包撰墓誌

崔甲默崔甲煌墓

在安平黃城甲默有母觀祖實克勤所撰誌表甲煌有李塋撰墓誌

武韓墓

在安平有李天觀于成龍所撰誌表

張潛養張倬墓

潛養倬父倬有趙中喬撰墓表

趙德倬墓

在涿州柳家莊有王引之撰墓誌

趙盛奎墓

在涿州柳家莊

蕭烈婦墓

在饒陽邵家村烈婦侯進才妻

以上墓

金石

涿州風土記第十一上

自歐公為集古錄趙洪繼之是後有金石之學近世儒生好之尤篤然耆古畧今集錄金石大率至元而止若六朝隋唐間井俚俗之記則皆詳著而不遺斯其蔽也歐趙宋人而摻采及於五代今生世距元五六百年其間名賢文字豈不賢於魏隋時鄉曲僧尼乃獨取彼弃此庸非偵乎深之一州金石文字在千年以外者今多亾佚其見於記載者不可以不著至所謂間井俚俗之記雖不足深重然亦不敢闕也而近世賢士大夫往往尚有銘誌碑記散見冢廬亦後世所考信者今並列焉



魏故持節龍驤將軍督營州諸軍事營州刺史征魯將軍  
大中大夫臨淄男崔公之墓誌銘

祖秀才諱殊字敬異

夫人從事中郎趙國李侗女

父雙護中書侍郎冠軍將軍豫州刺史安平敬侯

夫人中書趙國李詵女

君諱敬邕博陵安平人也夫其殖姓之始蓋炎帝之胤其  
在隆周遠祖尙父實作太師秉旄鷹揚尅佐掀殷若乃遠  
源之富奕世之美故以備之前冊不待詳錄君卽豫州刺  
史安平敬侯之子胄積仁之基累榮楫之峻特稟清貞少

播令譽然諾之信著於童孺瑤音玉震聞於弱冠年二十  
八而僕華茂實以響流於京夏矣被旨起家召爲司徒府  
主簿納贊槐衡能和鼎味俄而轉尙書都官郎中時高祖  
孝文皇帝將改制創物大崇革正復以君兼吏部郎詮叙  
彝倫九流斯順太和二十二年春宣武皇帝副光崇正妙  
簡宮衛復以君爲東朝步兵景明初丁母憂還家居喪致  
毀幾於滅性服終朝廷以君瞻思疑果善謀好成臨事發  
奇前畧無滯徵君拜爲左中郎將大都督中山王長史出  
圍僞義陽城拔凱旋君有協規之効功績隆盛授龍驤將  
軍太府少卿臨淄男忠勲之稱實顯於茲永平初聖主以



遼海戎夷宣化佇賢肅慎契丹必也綏接於是除君持節  
營州刺史將軍如故君軒鑣始邁聲猷以先麾蓋踐壇而  
溫膏均被於是殊俗知仁荒嶠識澤惠液達於逋遐德潤  
覃於邊服延昌四年以君清政懷柔宣風自遠徵君爲征  
魯將軍大中大夫方授美任而君嬰疾連歲遂以熙平二  
年十一月二十一日卒於位縉紳痛惜姻舊咸酸依君績  
行蒙贈左將軍濟州刺史加謚曰貞祚也孤息伯茂銜哀  
在疚摧號罔訴泣庭訓之崩沈淚松楊之以樹恫抽絕其  
何言刊遺德於泉路其辭曰

緜哉遐胃帝炎之緒爰麻姬初祖惟尙父曰周曰漢榮光  
繼武邁德傳輝儒賢代舉於穆獻考誕質含靈秉仁岳峻  
動智淵明育善以和弊幹以貞響發邳邱翼起槐庭慶鍾  
盛世皇澤遠融入叅彝叙出左邊戎謀成轅幕績著軍功  
僞城鷗偃蠹境懷風王恩流賞作捍東荒惠沾海服愛洽  
遠鄉天情方渥藹爵惟良如何蒼昊國寶淪光白楊晦以  
籠雲松區杳而烟遂藐孤叫其崩窓親賓颯而垂淚仰層  
穹而摧號痛尊靈之長祕誌遺德兮何陳篆幽石兮溪墜  
嗚乎哀哉

右誌石康熙十八年安平民於黃城崔公墓旁里許穿  
井得之三十年冬知縣陳宗石砌入鄉賢祠壁今石久



亾海內收藏家尙多有搨本近安平閻檢討志廉在京師見隻鈎本有跋云嘉慶中某令罷任携此石以去其文具見康熙安平志及孫淵如所輯續古文苑中茲錄存之石則不知何往蓋金石有時而敝惟託於文字者爲可久也敬邕魏書增崔挺傳孝文時兼吏部郎魏書不載碑云東朝步兵者卽史所謂太子步兵校尉也碑云中山王長史中山王英也史云英南討引爲都督府長史是其事也其拜征虜將軍大中大夫碑在延昌四年史云熙平二年其卒碑在熙平二年史云神龜中其謚碑云貞而史云恭皆乖互不合當以碑爲正

魏安東將軍孫公墓誌銘

今亾

趙明誠金石錄云孫公墓誌其名字鄉里年壽皆不載獨其末載贈官制書云故安東將軍銀青光祿大夫棗強縣開國男孫蔚知其名蔚又云歸葬於世邑武遂知其爲邑人也案後魏書儒林傳有孫惠蔚其所書事迹與志皆合傳云先單名蔚正始中侍講禁內夜論佛經有愜帝旨詔加惠號惠蔚法師焉

東魏興和三年饒陽造像記

關字關魏興和三年歲次辛酉二月癸朔二十五日丁卯關字關陽境內僧二百餘人等敬造玉像弥勒一軀上爲皇帝陛下



羣臣百官中為師僧父母下為法界舍生為福受益一時成佛

比丘道林比丘惠法都唯那比丘法徽比丘淨樹比丘智

薩唯那比丘法凜比丘零海唯那比丘道虔比丘惠澄比

丘僧照比丘惠字關比丘道察比丘道智都唯那比丘字關比

丘字關比丘僧軋比丘淨智都唯那比丘法虬比丘道智比

丘智字關比丘曇化都唯那比丘惠祉比丘智取比丘智宗

比丘智賢唯那比丘僧智比丘道字關比丘玄澄比丘智洛

唯那比丘道珍比丘智字關比丘智湛比丘惠記唯那比丘

智縮比丘字關比丘寶順唯那比丘智蒙比丘道字關比丘寶

圓唯那比丘惠沆比丘寶字關比丘惠樂唯那比丘法常比

丘智可比丘法汁唯那比丘道字關比丘智恩比丘法字關唯

那比丘智豐比丘字關唯那比丘道行比丘曇景比丘法才

比丘智冲比丘道雲比丘僧沛比丘道將比丘法傷比丘

寶遵比丘僧芬比丘智奉比丘智泮比丘僧幽比丘道永

比丘惠智比丘僧賓比丘法禳比丘道字關道偉比丘道

承比丘僧淨比丘寶字關比丘道育比丘光遠比丘寶賓比

丘智楷比丘法同比丘智遵比丘智攬比丘法循比丘曇

在比丘惠原比丘道芬比丘寶明比丘道泮比丘道宗比

丘零嚮比丘道幽比丘道澧比丘曇卷比丘道懷比丘智



勝比丘僧會比丘智珎比丘明達字闕道字闕比丘曇智比丘  
道猛比丘法欣字闕丘智懷比丘智朗比丘明鮮比丘道江  
比丘智御比丘智現比丘僧感比丘法彥比丘法澤比丘  
智修字闕智字闕比丘智泛比丘道倫比丘曇華比丘智蘭比  
丘智光比丘零欽比丘道習比丘惠消比丘寶徹比丘智  
變比丘曇畧比丘智檢比丘智宐比丘寶幽比丘零慕比  
丘道暹比丘智高比丘法神比丘惠蘭比丘惠良比丘惠  
暹比丘惠性比丘惠等比丘寶猷比丘僧了比丘智詳比  
丘智業比丘道豫比丘潢徹比丘道洽比丘齊修比丘僧  
燕比丘僧和比丘僧演

右造像記今在饒陽闕村興和孝靜年號記云二月癸  
朔二十五日丁卯蓋刻石時癸下遺脫卯字也題名借  
左零為靈聲近通假也佛法自漢已入中國至於造像則  
始於五胡時金石錄載浮圖澄於劉曜時造釋迦像此  
為造像權輿然風流未廣元魏一代佛教極盛所集佛  
經至千九百十九卷僧尼大眾至二百万寺三万有餘  
史稱太宗崇佛京邑四方建立圖像蓋造像於是滋多  
矣自是以來有沙門統有維那都維那等目通典北齊  
置昭玄等寺掌諸佛教有大統一人兼維那三人兼置  
功曹主簿等員以管諸州縣沙門之法其實僧統都維



那皆起魏世魏書釋老志太祖皇始中有道人統後更  
名沙門統又延興二年詔民間不得容止無籍之僧若  
爲三寶巡民教化者在外齋州鎮維那文移在臺者齋  
都維那等印牒然後聽行是維那都維那其來已久據  
史文則州鎮維那不得稱都都維那惟臺省始有今饒  
陽一境而有都維那四人是興和時較延興之制逾濫也  
東魏武定八年謝智明造像記

武定八年三月廿一日謝智明先失像三堰今敬造玉像  
三堰願充前身願居家卷属相將侍佛時資勝轉比丘尼

法

闕戴氏姉孀

字林興味幸書五經云二月

右記在武彊吳家寺寺古資勝寺也記云前身蓋即謂  
前失之像其云居家即舉家居舉古字通借堰孀二文  
皆異堰即軀字孀當爲妹之別體昔歐陽公集古錄於  
隋以前不宥輕弃然頗病後魏北齊字畫劣而字法多  
異以爲夷狄昧于學問所傳訛繆謂此等特鄉曲俚  
俗所爲耳不關夷夏也武定亦孝靜年號魏書孝靜八  
年五月禪位於齊齊改元天保此記作於三月故仍稱  
武定八年也

北齊天保二年葛岳力造像記

大齊天保二年七月十四日佛弟子冠軍將軍廣武太守



葛岳力敬造玉像一匱願願託生西方妙樂國土龍華三會願在上首有爲居家眷屬忘過現在普同所願

右記在饒陽小堤村樂鄉寺天保齊文宣年號冠軍將軍魏書官氏志云從弟三品魏廣武郡治在今開封府中牟縣境齊殆因魏舊也此石刻願願連文蓋誤衍一願字以匱爲軀以有爲又以忘爲亾皆借字所謂龍華三會者荆楚歲時記四月八日諸寺各設齋以五香水浴佛作龍華會以爲弥勒下生之徵也劉長卿詩支公去已久寂寞龍華會李乂詩三會禮香筵皆謂此也  
北齊天保五年張市貴造像記

大齊天保五年歲次乙亥十一月廿日佛弟子張市貴造玉石像一偃上爲七世先亾己身父母復爲二亾弟神貴瓮生後爲居家眷屬願使亾者託生先方妙樂國土生生世世值佛聞法所願如是  
右記在武彊北戴村福勝寺以偃爲軀市貴命名無義市蓋蒂之借字而讀爲福徐福之爲徐市是其例也先古讀爲西西施之爲先施是其例也

北齊皇建元年劉米寺僧造像記

像主僧訓四字大齊皇建元年歲次庚辰八月庚辰朔九日戊子劉米寺僧訓敬造玉石像壹匱上爲皇帝陛下師



僧父母門徒眷屬普及法界衆生成同斯福  
寺今仍名劉米在武彊像仍在寺自東魏孝靜興和三  
年至齊孝昭皇建元年九二十年僧俗造像之見存者  
五其亾佚而不見者又不知其幾也像教之盛於斯極  
矣

隋故蘄州刺史李君墓誌

君諱則字僧法博陵安平人其先爰自有周濯纓從宦降  
逮於魏封邑段干遂乃隱德行仁而遊息迹非獨尹喜稗  
奇故亦宣尼表異但真人命在冠冕聽漢文筮仕膠西  
太傅至於貞靜自正難得而秤者矣祖厚河東郡守父毅

荆州司馬君宮宇冲邃稟操凝簡有慕夷齊之清常恥惠  
連之屈去開皇四年板授蘄州刺史本郡太守雖蒙榮獎  
非其雅尚君地望鮮華音猷盛美白駒滿坐投轄盈進鄭  
中尉好廼豪桀方之薨如陳丞相轍跡佺橫詎足云比但  
蘭摧玉折霜露先復開皇十一年卒於家春秋八十有二  
於是相杵停音隣歌斷曲以大隋十二年十一月七日葬  
於安平城西北常安鄉仁義里所謂哲人云邑里興嗟  
或瞻往行傳之不朽鑄勒泉銘其詞云尔

望居隴右地據燉煌枝分葉散樹邑琳瑯仁堪懷遠威足  
摧對縉紳朝野冠蓋周行遐哉蒿里遐矣幽局泉門杳杳



地戶冥冥長埋璧月元掩珠星霏霏霜露君子先零挺質  
淹引神資玄默仁讓兼崇禮儀稱則夕惕虔恭夙興溫剋  
用著徽猷銘茲休德

右誌石初在安平西北河槽村魏氏宗祠同治十一年  
弓明經汝恒初搨紙本示州人人或欲多搨則村人祕  
之不能多也其後貴筑黃編修彭年纂輯畿輔通志摻  
采金石令村人送誌石於保定愛之遂寶蓄爲已有汝  
恒等時欲訟理使還安平議未定而黃已赴官鄂土展  
轉秦吳所至挾此石以往卒官鄂藩子亦繼殂今其家  
稍稍分散此石後時或爲礎爲礪爲階砌爲支牀之磚

殆不可復問矣金石者天下之公物而或私焉是欲以  
區區數十年之軀而長守千年不壞之物卒之此身既  
歸漸滅而前之千年不壞之物反因是而與之同盡是  
固是物之不幸而適與相值抑亦美好者之不能永存  
理數之必然者也於惑者何尤此誌叙李氏出於老子  
本史記而爲說多誤史記爲魏將封段干者老子之子  
宗也而此文云封邑段干遂乃西遊息迹似以封段干  
爲老子事誤一也史記宗子注注子官官玄孫假假仕  
於漢孝文帝而假之子解爲膠西王卬太傅此云漢文  
莖仕膠西太傅似又合假解爲一人誤二也李君卒於



開皇十一年年八十有二蓋生於魏宣武永平三年也  
其官蘄州刺史本郡太守本郡蘄春郡也隋志蘄春郡  
後周置蘄州惟此云開皇四年而隋志序云開皇三年  
廢諸郡是三年以後但有州無郡至煬帝乃改州爲郡  
矣今李君開皇四年仍爲郡守蓋三年廢諸郡時郡守  
職事併於刺史故刺史猶兼郡守也其云板授者則行  
臺承制假授猶漢尺一版拜用之遺隋百官志多有版  
官其來已久宋書王鎮惡傳鎮惡板授李方爲澠池令  
是其事也此誌石方一尺三寸額方六寸楷書徑寸字  
題額文中字跡多異官作官逮作逮段作段德作德稱

作祚冕作冕聯作聰筮作筮傳作傳貞作貞荆作荊遂  
作遂稟作稟疑作凝簡作簡望作望華作華美作美延  
作延蔑作蔑丞作丞從作從佞侵作侵停作停喪作喪嗟  
作嗟式作式傳作傳剛作剛對邈作邈冥作冥默作默休  
作休

唐顯慶六年造像記

顯慶六年作弥陀像一軀合家供養

右記無造像人姓名在村

唐龍朔二年高舉雋造像記

龍朔二年十月高舉雋姊金英二姊阿奧三姊英女爲亡



過父母敬造彌陀像一鋪見存供養

右記在溪州唐鳳村法寶寺變一軀爲一鋪

唐儀鳳四年馬君起造石浮圖記

原夫鷲岳馳靈馬鳴闡三乘之旨雞峯誕粹龍樹彰十地之資是以鳳塔凌空影照日宮之宇雀離架迴模標紺殿之規然則蔗苑疏流導祥河於少海嶠山發妙伍寶樹於王城睭迹遠而難徵至道幽而頗說酌而不測其在茲乎爰有石浮圖主馬君起爲亾考妣之所立其先扶風茂陵人漢伏波將軍隴西郡守新息侯援之後十一代祖遠字彥道雍州大中正金紫光祿大夫日官封武邑郡侯子孫

回家焉故今爲縣人也昔門傳而靈圖表於射熊代蘊三神盛績光於錫樂謀深豹畧英聲逸於鑄銅思察龍吟令問興於紗帳高祖遊後魏大將軍益州刺史乘軒撫俗降瑞鹿於臨淮置水觀風格神珠於合浦曾祖和齊四門博士優游万卷沉思五車杏壇傾魯相之風霧市擅張公之則祖貴隨幽州薊縣令製錦宣功鳴琴贊務量屈涵牛道標馴鸛父海龍遊鄉長農夫荷德醺酒相驩田畯銜恩旌祠已罄然則瓊柯遞照玉葉相輝擬楊氏之乘輪比袁門之襲鼎君起夙欽地葢早敬天經歎井溱之易凋愾塘駒之難駐引心設福建此浮圖礪斲已終彫鐫始畢其地



前聆趙瑟艷曲仍奢後聒燕哥悲風尙激觀津尤眺蔽日  
棲霞通澤右臨歆雲引霧對墳塋而楫趾蒿徑含悲俯墜  
石刻元遺一字以疏基繚心增痛庶使醍醐廣潤慧炬高懸重昏登  
夜曉之光幽陰字闕惠舫之濟夫法從言顯文由頌作鎮天  
街而永安侔幽坤而不鑠其詞曰

日宮肇構月殿初開雞峯建宇鷲嶽疏臺馬鳴繼出龍樹  
潛來奘燈廣照鴈塔虛迴實相空宋至真冥廓惠炬燭幽  
法音生鐸十地可口三乘不落雀離今設福哉攸博猗歟  
令人美乎純孝痛深膝下悲申進教衣錦摧心風枝毀貌  
將酬冈極恕鐫微効

大唐儀鳳四年歲次己卯三月辛巳朔二十六日景午冀  
州武邑縣東昌鄉龍遊里馬君起妻劉男思靜上柱國  
妻楊男名振軋芝挺振女同姬男思泰妻國妻張  
男元貞懿貞女齊姬男思恭妻蘇男文暎女郡希  
男徽欽兄妻馮男義節思慎弟妻男玄昉玄蹟  
玄攬弟善師妻劉男定漢字闕生等合家供養 文林  
郎馬利徵文 馬孝須書 天皇供養 天后供養  
右浮圖爲石室而居像其中天皇供養天后供養八字  
平列在其前看而記文在其右壁浮圖傍有村今猶名  
馬官屯隸武邑北行五里爲深州之三龍堂同治十一



年知州吳汝綸與保定練軍營官副將史濟源移置深  
州學宮後十年汝綸爲冀州武邑人詣州乞還浮圖於  
武邑深州靳不予也記文完好字畫尤絕精海內傳寶  
之記中馴鸚疑爲馴雉之誤其云蒿徑舍悲舍誤爲舍  
又云俯墜以疏基與上對墳塋而楫趾爲偶句則句中  
當有奪字也高宗儀鳳無四年四年即調露元年也惟  
改元在六月記作於三月尙未改元故稱儀鳳四年先  
是上元元年皇帝稱天皇皇后稱天后武后之志也魏  
齊以來造浮圖佛像多言爲皇帝薦福未有兼及皇后  
者獨此記有天后供養字是時武后執燭已薰灼海內

矣尾句以恕爲庶

唐景雲二年張難敵造像記

大唐景雲二年八月二十六日張難敵弟思禮關四阿臘六

娘阿媼等爲亾妣敬造彌陀像一軀關一二聖僧合家供養

右記在深州 村張作張亦異文阿臘阿媼當是難敵

女兄弟二聖僧上一字已泐僅存字首二點疑是并字

也媼字見集韻

唐武強令梁君德政碑今亡

金石錄云撰人名缺劉玄明正書垂拱元年四月

按金石錄梁君無名據陳思寶刻叢編作梁胙



唐河陰太守皇甫君碑 今亡

乾隆州志云皇甫名興先世為漢冀州刺史故為信都

郡人麻河陰太守卒於開皇中咸亨七年葬皇甫村明

嘉靖七年民發土得石送縣 京畿金石考云民得銘石弃諸野知縣張相聞之使人收其石至縣文字楷書

曉然可讀與州志不同疑彼為得其實至嘉靖十五年知縣馬充仍納故處尋被

水衝出居民移置遂村廟前今毀已久

舊志記與厯官卒葬當原本碑京畿金石考稱其官河

陰為在魏世亦必有本惟誤咸亨三年為咸通三年耳

至云碑陰預記發墓人名年數則是偽託不足信也

唐胡蘇令崔慎碑記 今亡

集古錄目云紫微侍郎蘇頲撰慎孫太常博士瑁八分

書慎字行謹博陵安平人官至滄州胡蘇令其子曇神

龍中為中書令追贈慎幽州刺史碑開元三年立

今集古錄目傳本云孫煜神龍中為中書令案唐書辛

相表慎孫無為中書令者亦無名煜者孫煜當為子曇

之誤慎子玄暉初名曇也今定正

唐贈河陽令魏府君墓誌 今亡

乾隆州志云州東南三里許石槽魏村魏知古父行覽

贈河陽令葬於此有知古自製墓誌今不存

唐饒陽縣令廳壁記 石今亡文存



千里之外設方伯帥其屬屬有長今之縣尹元關焉故縣之  
庶富尹以賢傑不可一日而塞也自齊桓匡合制我饒陽  
歷戰國以還遂美其城邑西還全趙東拒河間燕之南郊  
冀之北土其有呂尚之遺風乎多奇士好帶劍侈服多佳  
人善彈弦踔躍其地虜口近擊柝之虞其川虜池有泛舟  
之役廣輪七十里編戶二萬計行或擊鞞市或駕肩日中  
奇羸雜弊爲窳機女袂其幅利染工多其姦色業不可廢  
訟由是興非夫寬猛以濟之則不能用又宵人課居異政  
固亦明矣我茂宰裴公河汾鼎族公卿門子識經之文緯  
之教纔設而耆幼歸心刑不施而權豪斂跡惠行爲膏雨

令出爲清風君子謂裴公於是乎君子其高蹈近密翰飛  
清冥未可涯也余味之久矣豈縣公能事而屋壁不書召  
彼故老詢於前政莫知其數遠矣闕如權輿先天置郡之  
後凡名士改轉列于左偏庶幾將來亦可用勸

右記喬潭撰今從文苑英華錄出潭天寶十三年進士  
官陸渾尉見全唐文小傳裴公失其名饒之名邑始見  
戰國此文謂起齊桓不詳所本文中畧見唐時饒陽民  
俗也

唐故涑州刺史墓志蓋殘石

今

常山貞石志云石高二尺廣一尺篆書無年號明人刻



其中以為碑趺故僅存兩行十字之半曰唐涿州刺史  
氏合祔墓志在正定府舍利寺金牛禪師塔前  
唐故清河張府君合祔墓誌銘

右誌石在安平角邱村龍母廟西壁其文畧云府君諱  
少隣字少隣漢張子房之後祖南勝父義通府君晦跡  
幽隱養志明時軋苻六年十月卒年七十八娶扶風馬  
氏同年卒有子八人廣明元年十一月葬誌文殊淺陋  
字亦劣唐季文學鄙樸殊無足觀以其舊物也錄之張  
君子孫已載入人譜茲不箸獨有名佻奴者佻為佛之  
別體字京口甘露寺鐵鑊有文云梁天監造佻殿前即

此字也

宋太平聖惠井磚銘

今亡

乾隆饒陽志明崇禎中路太常於饒陽城外東南隅建  
藥局啟土得甄銘有藥局太平聖惠井淳化壬辰平章  
昉十四字太常有刻記

宋天禧五年東嶽廟碑并碑陰題名

碑在今小趙里東嶽廟行書多剝落不可辨識大率社  
眾公建是廟其前後題記有涿州靜安縣魏公鄉孝仁  
鄉有東鹿縣瑯琊鄉有安平縣明德鄉樂安鄉其人有  
社官社長社政社錄大伯二伯理正廟子之稱其人名



可識者已具人譜不重錄碑末天禧五十一年遺落年  
字

宋天聖十年尊勝陀羅尼經幢

幢石八面受字者四面元人剖此石爲安平縣尹王公  
墓碑之趺尤殘毀今可辨者八十六字其前有皇帝萬  
歲文武千秋八字題云天聖十年歲次壬申十月記宋  
史天聖無十年是年十一月以修大內成改元明道此  
石刻在十月未改元之前故稱十年也石今在安平西  
皇城王氏牆下

宋都水使者吳居易詩

義門寺詩 吳安持居易題

宿雲含雨柳依依古寺蕭條過客稀秋蘂滿庭紅不掃  
應天女散花歸

義門古寺僻介遠村元祐己巳五月四日都水使者吳公  
奉詔過此留詩壁間屬吏慮歲久湮沒迺以其年九月九  
日刊諸石庶幾永其傳也平戎李夫書 安平縣尉呂清  
臣 安平縣主簿孫延 宣德郎知安平縣事兼兵馬監  
押韓綸立石 孫高刊字  
主寺僧重興

詩石今在安平東北義門村東聖寺吳安持宰相吳充



子宋史吳充傳云王安石參知政事充子安持其壻也引嫌解諫職又云蔡確治相州獄捕安持考治所謂相州獄者相州民有訟事連判官陳安民安民甥文及甫充壻也求援於安持事見蔡確傳確治此獄欲以陷充賴天子保全之安持爲都水使者遷工部侍郎終天章閣待制嘗知蘇州東坡爲擬救坡又有和安持迎駕詩安持妻亦能詩荆公有次吳氏女子韵二首元祐己巳哲宗即位之四年也其奉詔過安平大抵相視河流而史冊不見

宋真宗御製至聖文宣王贊

若夫檢玉介丘迴輿闕里緬懷於先聖躬謁於嚴祠以爲易俗化民既仰師於彝訓宗儒尊道宜益峻於徽章增薦崇名聿陳明祀思形容於盛德爰刻鏤於斯文贊曰立言不朽垂教無疆昭然令德偉哉素王人倫之表帝道之綱厥功實茂其用允臧升中既畢盛典載揚洪名有赫懿範彌彰 大中祥符元年十一月一日

元祐六年八月安平縣兼兵

闕

宋史真宗本紀大中祥符元年十月封禪泰山十一月戊午幸曲阜縣謁文宣王廟此贊云檢玉介丘迴輿闕里是其事也禮志云詔以十一月一日幸曲阜月日與



此碑合然則紀云戊午即十一月朔也禮志又言親製  
贊刻石廟中即此贊也贊云增薦崇名謂加謚也本紀  
是年加謚孔子曰立聖文宣王則此贊亦當云立聖今  
碑作至聖者則大中祥符五年十二月以國諱改謚立  
聖爲至聖意改謚時御贊碑題亦必改書今碑爲元祐  
六年所立故稱至聖也碑首御贊二字篆額碑末安平  
縣兼兵以下文缺以吳安持詩石證之當云兼兵馬監  
押但未知其人仍即四年之韓綸否耳

宋諸葛鳳舉墓誌

今

乾隆饒陽志民得鳳舉墓誌云葬城西二里許平原里

誌字闕脫不知何代人里爲許平原里  
墓在今君道村村去今城二里許與誌無異今城乃宋  
城則鳳舉當爲宋人也

宋諸葛明遠墓誌

今

乾隆饒陽志載邯鄲人劉之江饒陽諸葛氏族考引墓  
誌云蜀諸葛武侯之後也今爲深州饒陽人河朔強宗  
山東大族卒於大宋元祐八年

宋大觀聖作之碑

學以善風俗明人倫而人材所自出也今有教養之法而  
未有善俗明倫之制殆未足以兼明天下孔子曰其爲人



也孝悌而好犯上者鮮矣不好犯上而好作亂者未之有也蓋設學校置師儒所以敦孝悌孝悌興則人倫明人倫明則風俗厚而人材成刑罰措朕考成周之隆教萬民而賓興以六德六行否則威之以不孝不悌之刑比已立法保任孝悌嫻睦任恤忠和之士去古綿邈士非里選習尙科舉不孝不悌有時而容故任官臨政趨利犯義詆訕貪污無不爲者此官非其人士不素養故也近因餘暇稽周官之書制爲法度頒之校學明倫善俗庶幾於古

諸士有善父母爲孝善兄弟爲悌善內親爲睦善外親爲嫻信於朋友爲任仁於州里爲恤知君臣之義爲忠達義

利之分爲和

諸士有孝悌睦嫻任恤忠和八行見於事狀著於鄉里者鄰保伍以行實申縣縣令佐審察延入縣學考驗不虛保明申州如令

諸八行孝悌忠和爲上睦嫻爲中任恤爲下士有全脩八行保明如令不以時隨奏貢入太學免試爲太學上舍司成以下引問考驗較定不誣申尙書省取旨釋褐命官優加拔用

諸士有全脩上四行或全一行而兼中等二行爲州學上舍上等之選不全上二行而兼中等一行或不全上三



行而兼中二行者爲上舍中等之選不全上三行而兼中一行或兼下行者爲上舍下等之選全有中二行或有中等一行而兼下一行者爲內舍之選餘爲外舍之選  
諸士以八行中三舍之選者上舍貢入內舍在州學半年不犯第二等罰升爲上舍外舍一年不犯第三等罰升爲內舍仍准上法

諸士以八行中上舍之選而被貢入太學者上等在學半年不犯第三等罰司成以下考驗行實聞奏依太學貢士釋褐法中等依太學中等法待殿試下等依太學下等法諸士以八行中選在州縣若太學皆免試補爲諸生之首

選充職事及諸齋長諭

諸以八行考士爲上舍上等其家依官戶法中下等免戶

下支移折變借借身丁內舍免支移身丁

諸謀反謀叛謀大逆子孫同及大不恭詆訕宗廟指斥乘輿爲

不忠之刑惡逆詛罵告言祖父母別籍異財供養有闕居喪作樂自娶釋服匿喪爲不孝之刑不恭其兄不友其弟姊妹叔嫂相犯罪杖爲不悌之刑殺人畧人放火強姦強盜若竊盜杖及不道爲不和之刑謀殺及畧賣總麻以上親毆告大功以上尊長小功尊屬若內亂爲不睦之刑詛罵告言外祖父母與外姻有服親同母異父親若妻之尊



屬相犯至徒違律爲婚停妻娶妻若無罪出妻爲不媼之  
刑毆受業師犯同學友至徒應相隱而輒告言爲不任之  
刑詐欺取財罪杖告屬耆鄰保伍有所規求避免或告事  
不干己爲不恤之刑  
諸犯八刑縣令佐州知通以其事目書於籍報學應有入  
學按籍檢會施行  
諸士有犯不忠不孝不悌不和終身不齒不得入學不睦  
十年不媼八年不任五年不恤三年能改過自新不犯罪  
而有二行之實耆鄰保伍申縣縣令佐審察聽入學在學  
一年又不犯第三等罰聽齒於諸生之列

大觀元年九月十八日資政殿學士兼侍讀臣鄭居中奏  
乞以御筆八行詔旨摹刻於石立之宮學次及太學辟廡  
天下郡邑二年八月二十九日奉御筆賜臣禮部尚書兼  
侍講久中令以所賜刻石通直郎書學博士李時雍奉勅  
摹寫 承議郎尚書禮部員外郎武騎尉臣葛勝仲 朝  
散郎尚書禮部員外郎雲騎尉臣韋壽隆 承議郎試尚  
書禮部侍郎學制局同編修官武騎尉隴西縣開國男食  
邑三百戶賜紫金魚袋臣李圖南 朝請郎試禮部尚書  
兼侍講實錄修撰飛騎尉南陽縣開國男食邑三百戶賜  
紫金魚袋臣鄭久中 太師尚書左僕射兼門下侍郎上



柱國魏國公食邑一萬一千二百戶食實封叁仟捌伯石  
臣蔡京奉勅題額

此碑李時雍摹寫其元本則徽宗御筆碑額大觀聖作  
之碑六字蔡京所書君相皆以書名碑末請摹刻立石  
及於天下郡邑故至今所在多有王琴德所得數本往  
往別有書丹之人安平無有當是摹刻元本宋史選舉  
志云自元祐勅經明行修科主德行而畧辭菽及八行  
科立則三舍皆不試而補於是兩科相望幾數十年迺  
無一人卓然能自著見者而八行又有甚敝蓋後世欲  
追古制其難固如此今考此碑八行之科行之州學爲

三舍之選而州縣學三舍之法罷於宣和三年亦見選  
舉志自大觀元年至宣和三年僅十五年據此則八行  
之科行之未久而即罷而志乃云兩科相望幾數十年  
非其實也三舍之法起於神宗生員始入學爲外舍外  
舍升內舍內舍升上舍其意欲專以學校取士而元豐  
頒學令月一私試歲一公試間歲一舍試其試皆參以  
所書行菽紹聖初御史郭知章言先帝立三舍法以歲  
月稽其行實故入上舍而中上等者得不經禮部試特  
命以官蓋學校取人参考行實乃神宗舊制不始大觀  
也特大觀分列八行爲加詳耳且人存政舉無其人而



徒恃其法亦何爲而可哉徽宗嘗置詞學兼茂科矣亦未聞其科果遂得人也今時爲政者不求人爲急往往好爲條教夫不求人而但爲條教則徽宗八行之條教亦何渠不爲善法哉條教內有免戶下支移折變借借身丁之語所謂支移折變者據宋史食貨志歲賦之物其輸有常處而以有餘補不足則移此輸彼移近輸遠是謂支移其入有常物而一時所輸則變而取之使其直輕重相當是謂折變也所謂身丁者文獻通考云東南淮浙湖廣等路皆有之大抵多僞國所創初謂之丁鹽其後鹽盡通商而民無所給每丁仍增錢三百六

十謂之身丁錢大觀中始令三丁納絹一疋通考本建炎以來朝野雜記爲說也獨借借未詳其制宋史選舉志崇寧三年定增養縣學弟子員亦云內舍免戶役上舍仍免借借如官戶法殆亦賦役之色目也

金漫真村孟國院牒

尙書禮部牒孟國院

尙書禮部牒 深州安平縣湯真村道院住持僧守一狀

告自來別無名額已納訖合着價錢乞立院名勘會是實  
湏合給賜者 牒奉 勅 勅故牒 大定二年十一

月二十八日令史向昇押主事安押中憲大夫行員外郎



李 郎中 侍郎 正奉大夫禮部尚書翰林學士承旨  
知制誥修國史王押

王琴德云大定初年寺觀納錢請賜名額之事金史無考今得於陝西者凡十四碑據同官縣靈泉觀記云大定初王師南征軍湏匱乏許進納以賜宮觀名額若然是權宜之事非常制也其牒起大定二年迄四年大定二年但云已納訖合著錢三年以後則著明錢若干貫今此牒大定二年給者正云已納訖合著價錢與王所見畧同其牒末結銜與金石萃編所載大定四年高陵縣莊嚴禪寺牒亦畧同末云正奉大夫禮部尚書兼翰

林學士承旨知制誥修國史王押王即王競競字無競在金史文苑傳大定二年為禮部尚書是歲兼翰林學士承旨修國史與此結銜正合競本傳稱其博學能文善草隸兩都宮殿榜題皆競所書中州集云無競善作大字趙禮部以為古今第一手唯党篆差可配耳據壽公碑守一壽公師也

金寧國院壽公和尚碑

佛法流於世久矣始自釋迦氏字闕教於西土哀憫一切有情降本流末示一乘之法權列為三妙應無方真慈廣被罄彼利鈍咸有歸依至東漢初法傳於茲土微言妙旨始



得授聞達是道頓超彼岸後之學者言性者失於相言相者失於性更相訾毀離爲異門故其道若隱殊不知浮圖之道字關而一之邑人壽公和尚深於是道師趙姓本居博陵鄉徐召村世業農桑師夙植善根氣質純厚天會三年師年字關十毅然有脫去塵累之志因遇深公唯識大法師指陳道妙深悟至言遂割愛辭親歸依三寶因擇茲隣村漫真古道院而居焉寺業田園躬親給衆日嚴佛事定慧爲宗師心大而行密體卑而道尊四方善知識聞風而至者數十人日論大乘釋疑開益然亦拳拳於得善孜孜於嗜學至大定二年聖朝頒寬大之恩賜額度僧師復教弟

子禮師本院傳戒沙門守一大師訓名曰明壽所居道院是年伏蒙賜額名曰宣國院師因具戒受業於是院遠近相慶無不忭躍師資相承佛事繼興師行業高邁一性相之說開發後學不視文字懸判深微指羣迷爲正覺字關大闡爲字關明一日謂居衆曰體性而行成因相而教尊亦相須也今則寺宇寢久老而庠像儀殘缺心嘗隱忍欲拓而新之聿嚴勝事字關語諸鄉人之善者鄉人亦稔傳師德景慕既久相爲勸相由是遠近不勞祈請喜捨貨利委堂下者不可勝紀伐木輦土助字關施功經之營之三禩而成佛殿巍峩聖像巖然於其中觀者無不做心而慕善左右廊



廡二十余間以脩習燕安之所寺業相承膏腴三十八畝園於寺宇植雜菓樹百余本蔬圃百畦四方遊學而至者咸有所濟度門人曰洪固具戒諱圓覺經字闕深於義趣洪固早歿有弟子二人曰福滿曰福延二孫服勤於祖與師無異和尚凡春秋六十有九僧臘十七大定十九年正月十八日化於茲室嗚呼師之道業偉矣哉力少而功倍內逸而外勤壞衣不飭菲食不味精於梵行洞契真源造一乘而得由匪得歷万行而修至無修動無不虛靜無不應究茲體用不可得也福滿嗣居法會欲廣其祖師之德以傳永久故爲序述始末俾刊之茲碑其辭曰浮圖之

修輝迦爲宗教傳西土世賴其功奕奕千祀東震道隆微言妙旨垂世無窮時異道隱誰繼芳蹤性相一塗巧詆相攻唯師明壽與道相偶久馱塵累擇居林藪心大行密仍求師友洞契玄微克施訓誘欽授額名歌談鄉叟崇飾佛寺園修隴畝爰有其徒於世早歿繼繼二孫真風載敷靈光遍照終始如如庶補將來刻石存書 里人進士劉叙撰并書承安二年七月三日立 功德主孟國院住持沙門比丘法孫福滿福延 朝請大夫前行涇州武強縣令兼管勾常平倉事騎都尉隆平縣開國男食邑三百戶賜紫金魚袋致仕辛居實 懷遠大將軍行涇州安平



縣令兼管勾常平倉事輕車都尉廣平郡開國伯食邑七百戶裴滿松壽

碑題云深州安平縣博陵鄉湯真村益國院壽公和尚碑碑今存村及寺名今皆未改和尚名明壽故稱壽公未結銜安平令裴滿松壽裴滿者姓也熙宗妃有裴滿氏碑以余爲餘以菓爲果皆俗字

### 金勤公灑師塔銘

銘刻剝落不可辨識僅可識者師氏韓父母送本縣覺慈寺三聖院法名道勤皇統三年六月十三日河間甘露壇受普度具自後周遊聽習依鎮陽僧錄判摠持大

德正唯識席下研窮性相因明唯識弋時達解心印恒明惠劔常携自後耆老復加課誦承安二年五月染疾而故俗壽五十九僧臘三五權葬淺土末云建塔酬訓恩薦資西淨土則塔爲勤公門徒所立也今在安平城高福寺

### 金寶公法師塔尊勝陀羅尼經幢

幢石八面二十五行行二十三字承安四年立額云深州天寧萬壽禪寺寶公法師普同之塔經題云加句靈驗佛頂尊勝陀羅尼經今在深州某寺

### 金泰和造石獅記



泰和辛酉歲季秋月辛未日里記耳恒山董榮造

右記今在溪州某村其文不甚可解辛酉泰和元年

金安平進士題名碑

興定二年歲次戊寅三月廿五日行宮明俊殿試四月十  
二日丹鳳門唱第放詞賦進士六十二人內特恩五人內  
劉汝舟字夢德溪州安平人 明昌五年歲次甲寅文明  
殿三月二十五日試放詞賦進士二百二十一人第二甲  
十五人內王濟字亨甫溪州安平人 泰和三年歲次癸  
亥三月二十五日萬安宮承明殿試四月十九日放詞賦  
進士一百八十六人第二甲國溝字子揚溪州安平人

大定七年歲次丁亥三月 日放詞賦進士二十二入第

三甲馬次周溪州安平人

右題名刻於宋大觀八行詔旨碑陰題額云金源氏登  
科題名由興定追溯大定而明昌泰和又順叙無義例  
也金史選舉志有詞賦進士有經義進士海陵天德三  
年罷經義專以詞賦取士大定二十八年復經義科而  
女真又有策論進士故此碑所記云詞賦進士以別於  
經義策論也碑云特恩五人考金史特命及第者謂之  
特恩興定五年經義進士於常格外多取十餘人上命  
以特恩賜第此碑特恩五人殆亦是類但史文畧不具



耳金世科目得人爲盛然取士初無定額自大定四年  
敕宰臣文優則取勿限人數二十三年翰林直學士李  
晏言詞賦科不過取六七十人入仕者少今此碑大定  
七年放詞賦進士二十二人則視李晏上言時尚不及  
三之一也明昌二年章宗又詔會試毋限人數據承安  
五年宰臣奏大定二十五年以前詞賦進士不過五百  
人二十八年取至五百八十六人承安二年取至九百  
二十五人取人過涉泛濫遂定策論詞賦經義人數不  
得過六百人少則聽其闕當時宰臣所奏不言明昌此  
碑明昌五年放詞賦進士二百二十一人其額視大定

承安獨減也興定二年御史中丞巴古拉言今場會試  
策論進士不及二人取一詞賦經義二人取一聖訓依  
大定之制大定間赴試者或至三千取不過五百泰和  
中策論進士三人取一詞賦經義四人取一貞祐初赴  
會試幾九千人而取八百有奇則是十之一而已亦何  
嘗一人取一宜於會試前奏請所取之數使恩出於上  
詔集議卒從泰和之例今碑載泰和三年放詞賦進士  
一百八十六人以四人取一計之是赴詞賦者七百餘  
人興定二年放詞賦進士六十二人以二人取一計之  
是科赴詞賦試止百二十四人也興定二年距貞祐初



纒六年耳而赴試多寡懸隔如此豈貞祐以來日益危  
亂民生不聊之故邪抑亦史文之失實邪至碑所稱諸  
殿其万寧宮與文明承明二殿皆在燕京万寧宮京城  
北之離宮也見金史地理志其云行宮明俊殿丹鳳門  
則汴京也丹鳳門在南薰門北明俊殿後改爲壽聖宮  
金史地理志壽聖宮兩宮太后位也本明俊殿試進士  
之所其云行宮示不欲常居汴也碑不稱大金而稱金  
源氏蓋元代追爲題名矣

宋史地理志亦與或云平陽史中丞曰古詩言今世會城



